



F-45-120

~~C818~~

FROM THE LIBRARY OF

REV. LOUIS FITZGERALD BENSON, D. D.

BEQUEATHED BY HIM TO

THE LIBRARY OF


PRINCETON THEOLOGICAL SEMINARY

Division

SCB

Section


2116





THE  
BENGA PRIMER AND HYMNS.

✓  
BY THE CORISCO MISSION,  
WEST COAST OF AFRICA.



PUBLISHED BY THE  
AMERICAN TRACT SOCIETY,  
150 NASSAU-STREET, NEW YORK.



THE  
BENGA PRIMER.

---

ALPHABET.

a â b d e ě f g h i j  
k l m n o p s t  
u v w y

DIPHTHONGS.

ai ou iu

CAPITALS.

A Â B D E Ě F G H  
I J K L M N O P  
S T U V W Y

## ITALICS.

*a â b d e ě f g h i j*  
*k l m n o p s t*  
*u v w y*

---

|   |   |   |  |   |   |   |  |   |   |   |
|---|---|---|--|---|---|---|--|---|---|---|
| b | d | l |  | a | â | e |  | p | g | y |
| k | h | t |  | ě | o | i |  | s | n | m |
| f | y | j |  | u | v | w |  | f | k | d |

## NUMERALS.

1 2 3 4 5 6 7 8 9 10  
 11 12 13 14 15 16  
 17 18 19 20 21 30  
 40 50 60 70 80  
 90 100



## LĚSĚNI 1.

|    |    |    |    |    |
|----|----|----|----|----|
| ba | da | fa | ga | ha |
| bâ | dâ | fâ | ge | hâ |
| be | de | fe | gě | he |
| bě | dě | fi | gi | hě |
| bo | di | fo | go | hi |
| bu | du | fu | gu | ho |

## LĚSĚNI 2.

|    |    |    |    |    |
|----|----|----|----|----|
| ja | ka | lâ | me | no |
| jâ | kâ | le | mo | ne |
| je | kě | la | mâ | nu |
| jě | ki | lo | mu | nâ |
| ji | ko | lě | mi | ni |
| jo | ku | li | mě | na |

## LĚSĚNI 3.

|    |    |    |    |    |
|----|----|----|----|----|
| po | sa | tu | vi | ya |
| pu | se | tě | vu | yâ |
| pi | sě | te | we | yu |
| pâ | so | tâ | wa | yě |
| pě | su | vâ | wě | yi |
| pa | si | vo | wu | yo |

## LĚSĚNI 4.

|     |     |     |     |
|-----|-----|-----|-----|
| mba | nda | nja | ngâ |
| mbâ | nde | nji | ngě |
| mbe | ndě | njo | ngu |
| mbi | ndi | nju | nge |
| mbo | ndo | nje | nga |
| mbu | ndu | njě | ngo |

## LĚSĚNI 5.

|     |     |     |     |
|-----|-----|-----|-----|
| kwa | gwi | hwa | dwě |
| kwe | gwe | hwě | dwa |
| kwě | gwo | hwi | dwe |
| bwa | mwâ | pwâ | twâ |
| bwi | mwa | pwě | twě |
| bwe | mwe | pwa | twe |

## LĚSĚNI 6.

|     |     |     |     |
|-----|-----|-----|-----|
| nyo | vyo | nwa | bai |
| nya | vyâ | nwě | hai |
| nyě | vya | vwi | mai |
| nyâ | kya | vwě | kai |
| bya | myâ | lwa | jai |
| byâ | mya | vwa | pai |

## LĚSĚNI 7.

|      |      |      |     |
|------|------|------|-----|
| baka | bâkâ | moto | enâ |
| haka | hâkâ | momo | eko |
| jaka | kâkâ | toko | ele |
| kaka | mâkâ | kolo | oba |
| yaka | yâkâ | koho | âvĕ |
| waka | sânâ | boho | emi |

## LĚSĚNI 8.

|      |      |      |     |
|------|------|------|-----|
| beko | bulu | kĕkĕ | ove |
| hako | kudu | vĕkĕ | omĕ |
| pavo | kuda | mĕtĕ | emĕ |
| kabo | kuba | pĕlĕ | eka |
| ditâ | jeku | tepĕ | itĕ |
| dihâ | kâmu | vakĕ | etĕ |

## LĚSĚNI 9.

|      |      |      |     |
|------|------|------|-----|
| miba | vuta | sâlâ | vea |
| mibĕ | bina | pâhĕ | lea |
| dina | hila | bato | viâ |
| tina | yama | kâtâ | via |
| dikĕ | mĕmĕ | sâta | dia |
| makĕ | tuma | holi | lua |
| mina | sâkâ | maku | dua |

## LĚSĚNI 10.

|        |        |
|--------|--------|
| kalaka | bomaka |
| balaka | lomaka |
| salaka | homaka |
| vanaka | komaka |
| hanaka | pumaka |
| banaka | tumaka |

## LĚSĚNI 11.

|        |        |
|--------|--------|
| binaka | bâkâkâ |
| kilaka | tâkâkâ |
| dikaka | bâtâkâ |
| tikaka | mâtâkâ |
| betaka | tâlâkâ |
| velaka | yâbâkâ |

## LĚSĚNI 12.

|        |        |
|--------|--------|
| lěněkě | pelaka |
| yěněkě | jokaka |
| pěpěkě | jopaka |
| pěhěkě | tubaka |
| těměkě | yějěkě |
| měměkě | věvěkě |

## LĚSĚNI 13.

|        |        |
|--------|--------|
| yanaka | yâjâkâ |
| mamaka | pâhâkâ |
| tukaka | bapakě |
| tolaka | yalakě |
| levaka | hilakě |
| kutaka | těmětě |

## LĚSĚNI 14.

|        |        |
|--------|--------|
| botano | bověkě |
| botemu | bokoka |
| bovolu | boloba |
| bokolo | bojija |
| bobâbu | bohadi |
| bodilo | bokěkě |

## LĚSĚNI 15.

|        |       |
|--------|-------|
| maguga | ulema |
| japapi | eboki |
| bejaka | itutu |
| kâkâbi | ihuhu |
| belolo | upupě |
| betoli | ukěkě |

## LĚSĚNI 16.

|       |       |       |
|-------|-------|-------|
| mboka | ndabo | manga |
| mboma | ndoba | hanga |
| mbodi | ndiba | hângâ |
| mbolo | tonda | mango |
| mbute | bamba | sěngě |
| tombo | jumbu | něngě |

## LĚSĚNI 17.

|       |       |       |
|-------|-------|-------|
| londa | ngite | yanga |
| panda | mbâgâ | kânji |
| lěndě | ngâmâ | nguba |
| bemba | jângâ | mbiki |
| tinga | ndâkâ | mwebe |
| nângâ | tângâ | ngâwě |

## LĚSĚNI 18.

|        |       |       |
|--------|-------|-------|
| maja   | kema  | ndâtâ |
| sělē   | nyati | ndaga |
| koho   | njâku | ngudi |
| yungu  | kemba | ngěbě |
| mbele  | henga | pěmba |
| mbenga | mombo | njali |
| kendo  | banga | njědu |

## LĚSĚNI 19.

|        |        |        |
|--------|--------|--------|
| njuke  | mwehe  | mbamba |
| kwedi  | mwajo  | mbanja |
| ndomi  | mwadi  | ngambi |
| nduma  | mwana  | ndumba |
| ngiji  | mbuja  | mwěngi |
| nyěvi  | ubwa   | nyanda |
| nyawě  | nyuwe  | nyembi |
| nyěngě | njamba | nyimba |

## LĚSĚNI 20.

|        |     |      |        |
|--------|-----|------|--------|
| wâwâ   | hia | njea | ngwea  |
| pâni   | lia | mbea | mbwei  |
| pâkwě  | wea | mbua | mbwia  |
| twětwě | pea | ngâi | kwia   |
| pwâpwâ | mia | nyoi | ndindu |
| pwisi  | ua  | mboi | nganga |

## LĚSĚNI 21.

|       |       |        |
|-------|-------|--------|
| diaka | duaka | weaka  |
| hiaka | luaka | bweaka |
| kiaka | liaka | kweaka |
| tuaka | viâkâ | tavia  |

## LĚSĚNI 22.

|        |         |
|--------|---------|
| elinga | belinga |
| elombo | belombo |
| ebonga | bebonga |
| yapa   | biapa   |
| yâkâ   | biâkâ   |
| yalo   | bialo   |

## LĚSĚNI 23.

|        |         |
|--------|---------|
| ikadu  | makadu  |
| ijâge  | majâge  |
| ikěngâ | makengâ |
| joba   | moba    |
| janga  | manga   |
| jâmbě  | mambě   |

## LĚSĚNI 24.

|        |         |
|--------|---------|
| unamba | menamba |
| ukwala | mekwala |
| ungoko | mengoko |
| mwanga | mianga  |
| mwehe  | miehi   |
| mwěmbâ | miěmbâ  |
| molo   | miolo   |



## LĚSĚNI 25.

|        |        |
|--------|--------|
| boho   | mioho  |
| bokâ   | miokâ  |
| bwalo  | mialo  |
| bwanga | mianga |
| bolohi | melohi |
| buwha  | whi    |

## LĚSĚNI 26.

|       |      |
|-------|------|
| momo  | bamo |
| mwajo | bajo |

## LĚSĚNI 27.

|        |        |
|--------|--------|
| vijo   | lijo   |
| viaha  | laha   |
| vianga | langa  |
| viembo | lembo  |
| inâni  | lonâni |
| iboko  | loboko |

## LĚSĚNI 28.

|        |        |
|--------|--------|
| ngândě | ndombo |
| ngâmbi | ndombe |
| ngonja | nděndě |

## LĚSĚNI 29.

|       |       |       |
|-------|-------|-------|
| idolo | evěhi | dubua |
| iloki | egala | titua |
| ilika | ehuku | puđua |
| ulega | ubâki | tubia |
| ebâdu | ibâtâ | kalia |
| ubana | ipaki | pivia |

## LĚSĚNI 30.

|        |        |        |
|--------|--------|--------|
| okava  | kokidě | bojoa  |
| ovoně  | bakidě | makia  |
| ajadi  | hekidě | mehio  |
| sabali | levidě | majili |
| bamâni | kamidě | mavulě |
| oningě | yokudě | mabâmâ |

## LĚSĚNI 31.

|        |        |          |
|--------|--------|----------|
| ikala  | ukali  | ikalidě  |
| ilonga | ulongi | ilongidě |
| iyonga | uyongi | iyongidě |
| ituma  | utumi  | itumidě  |
| ikila  | ukili  | ikalidě  |
| ilanga | ulangi | ilangidě |

## LĚSĚNI 32.

|        |        |          |
|--------|--------|----------|
| ehâlě  | eamu   | pâkâ     |
| mahâlě | beamu  | ibale    |
| bohâlě | iamu   | ilalo    |
| uněně  | ueamu  | inai     |
| viněně | boeamu | itano    |
| biâkâ  | meamu  | utoba    |
| miâkâ  | baiamu | hěmbwědi |
| yěhěpi | viamu  | loambi   |
| jěhěpi | loeamu | ibua     |
| lěhěpi | mabe   | jom      |
| těkabe | těkai  | kama     |

## LĚSĚNI 33.

|      |       |        |
|------|-------|--------|
| ekei | eaĥu  | pindua |
| ekai | eaju  | langua |
| ekâi | eabu  | tombua |
| itâi | eanyu | bongua |
| eaba | eâvě  | dimbia |
| edia | uamě  | hombua |
| iwea | ijamě | pumbua |
| uwei | baitě | vombua |

## LĚSĚNI 34.

|         |         |
|---------|---------|
| uhěķě   | upenjo  |
| ubâmbâ  | itambi  |
| ehěķě   | ilango  |
| evâvâ   | makanda |
| ekulu   | nyělělě |
| umbunda | ulongo  |

## LĚSĚNI 35.

|          |         |
|----------|---------|
| kakandi  | tongaka |
| yakandi  | pendaka |
| ķěķendi  | titwaka |
| kalindi  | lângâkâ |
| běķendi  | kwělěķě |
| timbindi | pupwaka |

## LĚSĚNI 36.

|         |          |
|---------|----------|
| valana  | lenakwě  |
| kâkâlâ  | balakwě  |
| ningana | tukakwě  |
| pangidě | pitakwě  |
| timbana | pendakwě |
| věngidě | tongakwě |

## LĚSĚNI 37.

|          |          |
|----------|----------|
| mbalanga | ivěmbwě  |
| mânyângâ | malingua |
| eyomi    | lomwěmě  |
| eměngwě  | unyongo  |
| ekwěkwě  | mbelenge |
| nyěngělě | ombuwaha |

## LĚSĚNI 38.

|          |          |
|----------|----------|
| pumbwaka | pitwěngo |
| tombwaka | yowěngo  |
| pindwaka | jawěngo  |
| hombwaka | bokwengo |
| tongwaka | weango   |
| lingwaka | ndiango  |

## LĚSĚNI 39.

|          |           |
|----------|-----------|
| nyâpâlâ  | kinakwě   |
| mwahidě  | bapakwě   |
| langwaka | kěngěkwě  |
| bongwaka | lěnwěngo  |
| vombwaka | lěndwěngo |
| kilakwě  | vomwengo  |

## LĚSĚNI 40.

|          |           |
|----------|-----------|
| kalanaka | lojopaka  |
| dikanaka | boyĕnĕkĕ  |
| kamakidĕ | bokalaka  |
| vuvakidĕ | makutandi |
| pepekidĕ | mapânândi |
| kâpâkide | majakidi  |

## LĚSĚNI 41.

|          |           |
|----------|-----------|
| kalakia  | kutamango |
| bomakia  | vihamango |
| dimbakia | yĕviyĕngo |
| tubakia  | hukidĕngo |
| kiakia   | jokakandi |
| hambakia | bâkâkândi |

## LĚSĚNI 42.

|           |           |
|-----------|-----------|
| vĕngakidĕ | janginaka |
| kobwakidĕ | hingilaka |
| nyĕvĕkidĕ | timbinaka |
| yokwakidĕ | ninganaka |
| mwahakidĕ | vegumaka  |
| kandakidĕ | nyakumaka |
| yongakidĕ | nyâpâlâkâ |

## LĚSĚNI 43.

|           |             |
|-----------|-------------|
| bakakidě  | hilakwěndi  |
| yavwanaka | dulakwendi  |
| levakidě  | tumakwěndi  |
| kâkâlâkâ  | yodakwěndi  |
| batamaka  | balakwěndi  |
| yomanaka  | londakwendi |
| yěněkidě  | homakwěndi  |

## LĚSĚNI 44.

|            |           |
|------------|-----------|
| dilakandi  | kalakate  |
| nângâkândi | yokakate  |
| bweakandi  | kamiděte  |
| kweakandi  | tândâkâte |
| věvěkěndi  | diakite   |
| viâkândi   | yowuděte  |

## LĚSĚNI 45.

|            |             |
|------------|-------------|
| betudwěngo | madiate     |
| viâwěngo   | ndakudwěndi |
| panuěngo   | umvwakia    |
| pahiango   | pumbwakěndi |
| hundwengo  | mamwětěndi  |
| nyingiango | tamwakia    |

## LĚSĚNI 46.

|          |          |
|----------|----------|
| itumbudě | iveguma  |
| ěbokwedi | ibelegi  |
| ikadada  | ikělěngě |
| ibobělě  | ehelele  |
| iyohana  | iyavwana |
| ivomudě  | itududu  |

## LĚSĚNI 47.

|           |           |
|-----------|-----------|
| yaviděngo | ebobolo   |
| ekikindi  | isalia    |
| ivititi   | kabojana  |
| yaheyahe  | bekobango |
| ikalia    | ejalina   |
| itingidi  | ebulua    |
| idikidi   | ehâlia    |
| ilěngěmě  | ukěkěnga  |
| ihingua   | ihěnjěnjě |
| ikombina  | edingiha  |
| idimbia   | uběnguna  |
| idikana   | ukângâlâ  |
| ihělindi  | utamwidi  |



## LĚSĚNI 48.

|           |          |
|-----------|----------|
| epokolo   | ikalia   |
| eyokwedi  | ipivia   |
| mahomano  | ikâmanda |
| upulungu  | itândidi |
| ehombwedi | ujombani |
| enunguna  | ikâhia   |

## LĚSĚNI 49.

|           |              |
|-----------|--------------|
| ipandaně  | ebabadi      |
| ikândâkâ  | potapota     |
| ekokobo   | ekwaputu     |
| utumbwani | ikalando     |
| evělěhi   | savulaka     |
| ukěkěngě  | mbwitimbwiti |

## LĚSĚNI 50.

|             |              |
|-------------|--------------|
| bandamakidě | mamanakandi  |
| behalakidě  | homanakandi  |
| jongolakidě | tukanakāndi  |
| hânjâbâkidě | bapanakindi  |
| hâlâvâkidě  | jombanakindi |
| hâhâlâkidě  | behaliděndi  |
| věvělěkidě  | pumakiděndi  |

## LĚSĚNI 51.

|              |             |
|--------------|-------------|
| kâpâlânâkâ   | pikilakia   |
| pepenganaka  | kakamakia   |
| těmbělěněkě  | hohonganaka |
| vanjanganaka | pajanganaka |
| yokolakidě   | vungalakidě |
| paluakidě    | babalakidě  |
| uluakidě     | dângâmâkidě |

## LĚSĚNI 52.

|            |              |
|------------|--------------|
| madikanido | hohonganěngo |
| elěngiaha  | hânjâbiěngo  |
| ikutakuta  | kalamiangō   |
| etiketike  | elěngaměngo  |
| ebâhebâhe  | ulwaniděngo  |

## LĚSĚNI 53.

|             |             |
|-------------|-------------|
| yakamakia   | elekanako   |
| bumamakia   | ekudikudi   |
| dokanakani  | igombegombe |
| pandanakěni | ikulukupě   |
| bâtânakindi | utongoloba  |
| nâvâkiděndi | ihokahoka   |
| alwakiděni  | ipepenganě  |

## LĚSĚNI 54.

|            |               |
|------------|---------------|
| ukanakâdi  | ihâhâlidě     |
| etamutamu  | ibandamidě    |
| ipikilia   | uhengelele    |
| melombiani | ihilingana    |
| ubulubulu  | ebumulema     |
| ekosakosa  | indëndanděnda |

## LĚSĚNI 55.

|                |              |
|----------------|--------------|
| ejanganangobo  | kalanakiděni |
| utimbanambuwha | bapanakiděni |
| buluanakidě    | katanakiděni |
| bandamakiděni  | vivilaniango |
| kalanakiani    | kadikakiděni |
| hohonganakani  | enjiminjolo  |
| evinděmaboki   | bandamakidě  |

## LĚSĚNI 56.

## MINA MA BATO.

|        |       |        |
|--------|-------|--------|
| Sâjě   | Yěyě  | Eteka  |
| Jěbâ   | Ngumě | Uduma  |
| Kově   | Bwěti | Evuva  |
| Ngalo  | Mombě | Usongo |
| Handi  | Vaně  | Ukângâ |
| Kakě   | Pepo  | Usâkâ  |
| Kota   | Tonda | Ulimbo |
| Njâmbâ | Vulě  | Ilanda |
| Mbâtâ  | Bengě | Ikaka  |

## LĚSĚNI 57.

|          |         |        |
|----------|---------|--------|
| Utěna    | Ulěndâ  | Ibia   |
| Matuku   | Imunga  | Andekě |
| Uwěla    | Ibapě   | Epita  |
| Behâli   | Ebâhi   | Balevi |
| Ngâpimba | Injěnji | Eavo   |
| Beyânâ   | Sukanjo | Ivaha  |
| Ejâmbi   | Menděké | Ibolo  |
| Ijulě    | Imama   | Uběngi |
| Mehingi  | Bědeni  | Ikěngě |

## LĚSĚNI 58.

## MINA MA BATO.

|         |            |
|---------|------------|
| Mabenga | Upinyalo   |
| Masângâ | Jenjavolo  |
| Isâmbâ  | Balevakwě  |
| Evosa   | Bapataka   |
| Ekomba  | Mwanjimboi |
| Manumba | Balomakwě  |
| Agâgwě  | Ikakakwie  |

## LĚSĚNI 59.

|               |               |
|---------------|---------------|
| Edikametambo  | Kombenyamango |
| Balonganakwě  | Maiamonaboho  |
| Elombwangani  | Ulemakumwame  |
| Njahayěněkidi | Esugeyěyě     |
| Elongenamoto  | Ebwečbweč     |

## LĚSĚNI 60.

## MINA MA MBOKA.

|         |            |
|---------|------------|
| Esowe   | Gobe       |
| Upe     | Elua       |
| Kâmbâ   | Nguma      |
| Magane  | Ngelapindi |
| Ibenga  | Aměnjě     |
| Mekimba | Evendo     |
| Elongo  | Igama      |
| Kâtâ    | Eguba      |
| Lěmbwe  | Ngumbe     |

## LĚSĚNI 61.

## MINA MA LOBOKO.

|        |         |             |
|--------|---------|-------------|
| Manje  | Koho    | Uganwě      |
| Elobi  | Mbin    | Mehengelele |
| Mbanyě | Ejakila | Ngwějango   |
| Leva   | Ugoni   | Emandu      |
| Kâga   | Unyange | Ebola       |
| Ibunja | Geliva  | Bololwě     |
| Gandě  | Italo   | Mavungu     |
| Ivelo  | Hâkâ    | Longelonge. |

## LEMBO LA IVENDA.

L. M. He na oba bendakēni  
Hangwě na mwana Jisus Kraist,  
Na Ilina Iam mětě;  
Bendakēni bâ běhěpi.

---

L. M. Bendakě Anyambě o he  
O bwamu bwaju bwěhěpi,  
Bendakěte mâni oba,  
Hangwě, Mwana, n' Ilina Iam.

---

C. M. Hangwě ndi Uveli mwahu,  
Mwana ndi Uyongi  
Unyevidi ndi Ilina,  
Bendakěti bâni.

---

C. M. Bendakě Hangwě Uveli  
Na mwana Uyongi,  
N' Ilina Iam Unyěvidi,  
Bendaki běhěpi.


---

S. M. O Hangwě Ibendě,  
O Mwana I venda.  
Bendaki tepě Ilina  
Ia 'hekw' aju mětě.

## LĚSĚNI JA BOLANGAKA.

## LĚSĚNI 1.

O te bwamu? E, mbi te bwamu mětě.  
 Ka mwa vâ na ju na, a ndi moto ueamu.  
 A vâki na, mbi ha yěne ma.



Nyati e ndi tito eněně, e te na mabomba.  
 Njâ e ndi tito tepě, e kwanaki pwisi, ndi pwis  
 bohâlě.

## LĚSĚNI 2.

Kema i ndi o ehiki eněně.  
 Yungu i ndi inâni iněně, i weaka bejaka o  
 manga.

Yanga e ndi ejaka eamu, e diakě o manga.  
 Bato ba weaki bianga na jâbâ.  
 Ba kěki na belendi ka wea biâ o ulânga.

## LĚSĚNI 3.

E be bwam na bato o vala o jâbâ na sâná.  
 Sâná e ndi buhwa bwa Anyambě.



Anyambě a věki sâná, e ndi buhwa bwa  
 iyâjâ.

Anyambě ndi a velaki he na hwi utoba.  
 Ka mwa yâjâ o buhwa bwa hěmbwědi.



## LĚSĚNI 4.

E ndi elombo eamu na o yowě ilanga.  
 Oningě hwa yowě ilanga, vâkâna ho ka yowi  
 belombo betě.  
 Bato ba iyowě ba lënděngo belombo beitě.  
 Oningě wa langa o te o yowake biâ biěhěpi.  
 E tepě bwam na oningě hwa yowě ilëndě.

## LĚSĚNI 5.

Anyambě ndi a velaki hwě na ho bendakě  
 mâ.  
 Ndi ho haki bobě o pělě aju.  
 Ho nyangango opěla bobě bwahu.  
 Mwana Anyambě a vakindi o he ka yongě  
 hwě.  
 Dina jaju ndi Jisus Kraist.

## LĚSĚNI 6.

Bato babe ndi ba weaki mâ o krâs.  
 A diakindi hwi ilalo o málonga.  
 Ka mâ a pumbua nubwa mwa hwi ilalo.  
 Bato baitě ba yěněkii mâ.  
 A timbindi o Hangwě a jadi o hěvěn.  
 A ka timbandi o he ka yěkidě bato.  
 Hwě běhěpi ho ka yěněte mâ o egombe aju  
 e ka pãě.

## LĚSĚNI 7.

Bana ba tândâki majoka.  
 Bejaka be tândâki manga.  
 Bana ba tândâkândi o wea bejaka  
 Anyambě a tândâki bana baiam.  
 Bana baiam ba tândâkândi Anyambě.  
 Koho e yějěkěndi o kala ndaga.

## LĚSĚNI 8.

Yokakia hângwě na nyângwě.  
 Anyambě a vâki na nâvě na haka kakana.  
 Yokakia ba yokwakidě âvě.  
 Yějěkě o yokua lěsěni âvě bwam.  
 Ho ka yokui belombo betě na bejangana-  
 ngobo.  
 Tito bai bě na ejanganangobo, kabo bato.

## LĚSĚNI 9.

Manji a ndi nenge eam.  
 E ndi mabo ma mamboka malalo na ma-  
 mboka hěmbwědi.  
 Mboka jěhěpi i ndi piělě na manga.  
 Ndabo i longakwi na mbanja.  
 I yokakudwěndi na ngonja.  
 Jâkâ javio jâkâ jakia.

## LĚSĚNI 10.

Uhěkě u ndi mahě ma manga.  
 Egombe yâkâ kuně i kumbakiandi uhěkě itě.  
 Mekeba ndi me kumbakidě kěngělě uhěkě.  
 Egombe yâkâ manga ma bumbakandi.  
 Na mâ mǎ ka haka etâki eněně.  
 Nandi bwam na yěně oninge moto o he.  
 Ndi hanga moto ovoně o na mahihi.

## LĚSĚNI 11.

Manga ma na bejaka betě.  
 Bato ba weaki biâ na mbuja na mabâ.  
 Bajo ba kěkěndi na mialo ka tâlâkâ konongo.  
 Ba tibakiandi metibe ka tâlâkâ jâ.  
 Egombe yâkâ i jadi itě, yâkâ i diepě itě.  
 Kudu i weakwěndi na belâba na pogo.

## LĚSĚNI 12.

Leva a ndi nenge ehâlě piělě na Manji.  
 Bato ba diaka omě, kabo lonâni.  
 Na vionda ya diaka na miba.  
 Lonâni loitě lo kěkěndi ovoně ka wea bejaka.  
 Lo ndi biungu na megěga na kulumba.  
 Anyambě ndi a velaki belombo těkabe, nenge,  
 na bejaka, no lonâni, na belombo bepâkwě  
 biěhěpi.

## LĚSĚNI 13.

Buhwa ka buhwa ho jakudwi na Anyambě.  
Mbi bě na ngudi o yěně Anyambě.  
Anyambě a yěněkěte mba egombě yěhěpi.  
Oningě mba kutama Anyambě a ka yěněte  
mba.  
Anyambě a be yaviděngo.  
E ndi bobe na o kalaka bojoa.  
Oningě mba kala bojoa vâkâna mbi bobe.

## LĚSĚNI 14.

Bato běhěpi ba haki bobe.  
O bě na umbâkâ a ka vâyě na a bě hango  
bobe.  
Ba hake bobe běhěpi ba kěkěndi o njea ebe.  
Oninge mba ha bobe ipě mbi ka wandi na  
bobe bwamě.  
Mbi valake o njea ya Anyambě.  
Mbi' hake bobe na ibiamě bevâkě na behakě  
bihěpi.  
Mbi' kěke o njea ya bobe.

## LĚSĚNI 15.

O valake o njea ya mwana ube.  
Njea ebe e na ihuku ibe.  
O bě na moto a ka haě, ka Anyambě a ka  
haě.

Pělě eahu mětě e pělě ya bobe.  
 Bobe e bě pělě ya Anyambě.  
 Ho hake upango mwa Anyambě ahu.

## LĚSĚNI 16.

Mba yowě buhwa bwamě bo ka wě.  
 O ka wandi, yâ nyangatě te ya bato běhěpi.  
 Oningě mba wa na bobe, mba vale o Anya-  
 mbě ajadi.  
 Mbi hake naumba mbi ka vâkâ belombo  
 beam.  
 Haka ka âvě o malangudwě, ndi o hake bobe.  
 Oningě mba langudwě na mbi' hake bobe,  
 mbi' hake.

## LĚSĚNI 17.

E bě bwam na mbi yějěke o ha bobe na vilo-  
 ombo.  
 Oningě mba langudwě na mbi' joake, mbi'  
 joake.  
 Anyambě ndavelaki hwě, na ibiahu be yěněkě  
 biěhěpi.  
 Ka hwě ho jadi ndi kabojana Anyambě.  
 Mâ ndavelaki joba na ngândě.  
 Manga ma ndi maju, kabojana mâ ndavelaki  
 mâ.  
 Ehiki e ndi ehavo aju tepě.

## LĚSĚNI 18.

A velaki mba na mbi tândâke mâ, na umba  
mbi ka bangaka tepě mâ.

Anyambě a bwam na bato běhěpi.

A ka tati hwě ovia ikokia.

A ka tatate hwě tombe na ivititi.

A věki hwě ibiahu be janidi biěhěpi.

Mâ ndi a pangakě joba i pumakě.

A ka lomi mbwia aju ka ha bwam.

## LĚSĚNI 19.

Yowaka Jěhova Anyambě âvě.

O bě na Anyambě epâkwě kabo Jěhova.

Jěhova Anyambě a ndi upolo o bato běhěpi.

A ndi bwam na iyowě.

Ho vahake o yowě mâ kia.

Ho tândâke mâ o hwi jahu jěhěpi.

## LĚSĚNI 20.

Anyambě a te okava, a yěněkěte hwě běhěpi.

O be na moto a yěnidi Anyambě o egombe  
te egombe.

Anyambě a yěněkěte hwě ovia ubwa na la o  
kolo.

Anyambě a yěněkěte hwě tombe na ivititi.

A yowuděte e jadi ipikilia jamě.

A ka yokate ibiamě be ka vâě biěhěpi.

## LĚSĚNI 21.

Langaka ijanganangobo ya Anyambě na  
ibandamidě.

Yâ ndi ejanganangobo eam eahu e ka pahia.



Ndaga ja Anyambě i pâkwě pâkwě.

Yějěkě o langa yâ bwam.

E ka pangi hwě iyowě.

Bandamakidě ka Anyambě a vâki na nâvě.

Yokaka ndaga jaju na nâvě wa yowě.

## LĚSĚNI 22.

Mbi bangake Anyambě.

Tândâkâ mâ na ilina jâvě jěhěpi.

Kalakia mâ nubwa na kolo.  
 Bangaka mâ buhwa bwëhëpi.  
 Kalakia mâ oningë o këkë ka nangia.  
 Na pële javë jëhëpi yokakia Anyambë.

## LĚSĚNI 23.

Yokakia ba jadi o molo mwâvë.  
 O joake egombe te egombe.  
 Bandamakidë o kala pâkwë pâkwë.  
 O tubake dina ja Anyambë o nanë.  
 Mbi' nângâke e ha beamë.  
 Ho diake na këngâ na bato bëhëpi.

## LĚSĚNI 24.

Bana baiam ba ka bangandi Anyambë.  
 Anyambë a ka yokii mba oningë mbi kalakia.  
 A vâki na mbi tândâkândi bâ ba tândâkë  
 mba.  
 Ba vahakë mba kia ba ka dui mba.  
 A ka diandi Anyambë amë egombe yëhëpi.  
 Etiketike a vahaka o yowë.  
 Ndi bana baiam ba vahakandi oyowë.

## LĚSĚNI 25.

Hwë bëhëpi ho ka wandi.  
 Anyambe a ka pangate mba mbi waka egom-  
 be te egombe.



Ilina ja waka na nyolo.

Anyambě a te nangudi e lomakě ilina jamě o  
hěl.

Ilina jamě i ka diate egombe yěhěpi.

Ihuku ja bato běhěpi i te piělě.

#### LĚSĚNI 26.

Anyambě a vâki na o bě na moto mbâkâ a  
jadi bwam.

Ipikilia jahu i ndi ibe.

Hwa tândâkâ Anyambě na malina mahu mě-  
hěpi.

Njo itě mbi hakandi ka Anyambě a vâkě na  
mbi' hake.

Mba haka ka Anyambě a langwakiě mba.

Mbi bangakandi na mbi hango bobe boitě.

#### LĚSĚNI 27.

Anyambě a vâki na ulwaka ovia bobe.

Mbi luake ovia bobe na ipikilia jamě jěhěpi.

Anyambě a ka hani mba o ha ekae oninge  
mbi uingě mâ.

Ho kalakia Anyambě ihana jaju.

Věkě mba, O Jěhova, ipikilia i tândâki âvě.

Anyambě buluakidě bobe bwamě, na nâvě wa  
yongě mba.

## LĚSĚNI 28.

Pangaka mba holi o nyanga ya mwana âve.  
Anyambě a ndi itândâ. A lomakindi mwana  
aju ka yongě hwě.

Jehova Jisus a ndi mwana Anyambě.  
A yokakiendi elekanako ya Anyambě ya holi.  
A vĕkindi emĕnâ aju ka yongě ba nyan-  
gango.

Jisus, mwana Anyambě, a wakindi o nyanga  
bobe.

A te na ngudi a yongakě hwě.

## LĚSĚNI 29.

Mwana Anyambě a pumbwakindi.

A valindi oba o Anyambě ajadi.

A ka pândi o buhwa bwa madikanido.

Na mâ a ndia hwě ovia malonga.

Ba tândâki Anyambě bâ ndi bâ ka lě ka dia  
na ju.

Ba tândâkě bobe, ba ka lomwĕndi o hĕl.

O Anyambě pangaka mba oyâle o dia na  
nâvĕ.

## LĚSĚNI 30.

Haka i biâvĕ bevahakě na o ha bihĕpi na  
hwi utoba.

O buhwa bwa Anyambě o hake epavo, tombe  
na majoka.

Ekabo ndi buhwa bwa Anyambe bo velakidi.  
Ho peake na bâ.

Tataka buhwa bwa Anyambě holi.

Ho bonwake mapikilia mahu na Anyambe.

#### LĚSĚNI 31.

Ho' tubake dina ja Anyambe ka hwě ho  
tubakě mina ma bato. Ho ka tubaka dina  
jaju kabo oningě ho kalakia, na oningě ho  
langaka já o bejanganangobo beam, na onin-  
gě ho kalaka o bwam bwaju.

Anyambě a boněně boitě, na bwam boite.  
Mihâ maju ma te iboko viěhěpi a yěněkěte  
hwě egombě yěhěpi. A yěněkěte ibiahu be  
hakě biěhěpi, na mâ a youděte ibiahu be  
pikilakia. Ivititi na bwe be te o mwa jadi  
nyanga pâkâ. A ka yěněte ibiahu be hakě  
na ivititi bwěsě te ka mwehe.

Ho-bangake o ha bobe, kabojana Anyambě  
a ka vomuděndi ba hakě bobe.

#### LĚSĚNI 32.

Henri a tândâkâ o yokua lěsěni aju, a yě-  
jěkě o pâ o sikulu ikalia i te o hawě; na mâ  
a uaka Anyambě na a hanake mâ o yokua.

A tândâkâ Anyambě. A tândâkâ a yokwa-kidě mâ. A tândâkâ ejanganangobo aju, ovane ndi o mwa pahakiě ivomudwě egombě yâkâ. Oningě uyokwidi mwaju mwa vě mâ ndaga e pělakě, a die na ngudi e hakě yâ bwam; e yěnekidi mâ ihâni, na mâ a ka lingwaka, na mwa tândepě o via o sikulu.

### LĚSĚNI 33.

E ndi elombo eam na o yokua ilanga. Elombo ya boho ndi o yokua opěla ndaga bwam, na ndi vâkâna ho honganindi o langa jâ. Egombe yâkâ bana ba vahakandi o dika ipěla ba te o yowě ipěla ja ndaga bwam. Nonaně o bě bwam. Oningě ho yokuingě ipěla bwam, vâkâna ho tubindi ndaga piělě. Yějěkě ipe o ka pěla ndaga ja lěsěni tēkaně jěhěpi.

### LĚSĚNI 34.

Jisus Kraist a ndi mwana Anyambě.

A vakiendi o he tēkaně ka yongě bato babe.

A makěkěndi a kěkě a hanaka bwam o nyolo na malina ma bato. Bato babe ba u tândâkâ mâ.

A weakudwěndi o krâs. A tongakudwěndi



o upulungu mwa malale. O buhwa bwa ilalo  
bâ ndi ibwaju bo pumbwakidi. A betakindi  
o hëvën.

A ka viandi ka yëkidë bato bëhëpi o he.

A tândâkândi ba kamakidë mâ.

A ndi mbwei ahu eam.

Oningě na ho ndi bato baju vâkâna a ka pumbudi hwě o buhwa bwa madikanido, na mâ a nângâ hwě ka dia naju o hěvën.

LĚSĚNI 35.

KRAIST A PUMWAKIDĚNDI MWANA WA MWALIKA.

Ka Jisus a vala o mboka e tubakwě na Nen, bato baitě ba kěki na ju. O mwa pâkidi piělě na jâmbě ja ugo-  
mba mwa



mboka, a lataki na bato, ba diaki na ekengo ya mwana wa mwajo a diakite mwana mbâkâ kabo mâ, ba kěkě ka tonga yâ.

Mâ a kěki na ekengo ya mwana aju mbâkâ a yěněki ngěbě etě. Ka upangii a yěně mâ ngěbě ka mwa vâ na ju na, o yake pě.

Ka mwa pâ ilala, ka mwa a kahide enâ aju omě, ka mwa vâ na ekengo na, mba vwi na nâvě na, umwaka.

Nandi a diakidi wango ka mwa pumbua ka mwa dia, ka mwa kala na mâ, ka mwa panga mâ o yěně mbia, a mayaka sas. Ka mwa nângâ mwana aju ueam umbâkâ o mboka na mbia.

Jisus a ka language hwě běhěpi na ho pumbwake o buhwa bwa madikanido. Te ho ka lati na mâ, na hwě ho ka diaka na Anyambě egombě yěhěpi.

### LĚSĚNI 36.

MOTO WA SENTURION A YONGAKUDWĚNDI.

Enami ya momo e kěkindi o Jisus Kraist ajadi ka na mâ na yongake elěnge ya momo e mahakia mâ. Ka Jisus a vâ na mâ na mbi ka vii ka yongě mâ.

Enami těně ya u diaka na maduba, a piki-



lakiëndi nyanga ya bwam bwa Jisus Kraist bojadi. Ka mwa vâ na pagate Jisus a kalingě ndaga, tombe a die na elěnge a momo, piělě a ka yongate.

Ka Jisus a kala ndaga, ka mwa a panga mâ a yongaka. Enami na elěnge ya momo ba yěněkindi mbia eněně na Kraist a diaki kěngâ na bâ.

Kalakiani Jisus, tombekete o běkěni na oningě o jadini mepeha. Ho diake kěngâ na mekuge, na ba jadi na njuke.

Jisus a diaki na ngěbě na belěngě na mebědi, a mahaki bâ bwam.

#### LĚSĚNI 37.

##### BATO BA PÂGU.

Bato babale ba diakindi o pěpěķě ya njea ijombana, kabojana ba u diaka na ngudi e yěněķě o ha. Ba langakudwi na Jisus a běndi piělě, ka bâba vâ na, O Upangii yokakia hwě ngěbě. Ka bato ba diaki piělě ba lingua bâ na, O yamaki nonaně. Ndi ba yamaki pě na iněně, O Upangii yokakia hwě ngěbě.

Ka Jisus a himba ka mwa ndia bâ na ba vake o mwa jadi, ka bâba vala piělě na ju.





Ka mwa vâ na, o vahakalëni mbi hake inyëni na? Ka bâba vâ na, Upangii bumwakidë hwë mihâ mahu. Ka mwa yokia bâ ngëbë, ka mâ a bumudë mihâ ma belëngë bebale. Ba yënëkindi mbia na o yënë Jisus Kraist a mapanga bâ ba yënëkë.

O Upangii bumwakide mihâ ma ilina jamë wa panga mba mbi yowake na umba mbi ka tândâkâ mwana âvë Jisus.

#### LĚSĚNI 38.

##### KRAIST A TAMWAKA O MANGA.

Na kolo bato ba diaki na Jisus Kraist ba dikaki mâ o he, ka bâba vala o manga na bwalobutangani.



E ka bweaka ivititi. Ka manga ma lingua Upupě u ka vungaka na ngudi. Ka bâ bēhēpi ba yēnē Jisus a tamwaka o manga, a vaka piēlē na bwalo. Ba bangaki jângâ itē. Ka mwa va na bâ na, o bangakeni, a te mba. Ka Pite a vâ na, Upangii, oninge na a ndi âvē langwakia mba na mbi vake âvē ojadi o miba. Ka mwa vâ na, vaka.

Ka Pite a huba bwalo bu tangani ivitē ja Jisus. O mwa yēnēkidi manga ma ka beva-ka na upupě, ka mwa banga jângâ itē. Ekai

ndi e pangaki mâ a hingaka, ka mwa vâ na, Upangii yongakě mba. Ka Jisus a hambidě enâ aju, ka mâ a bwea mâ, ka mâ a tata mâ bwam. Ka Jisus a beta bwalo bu tangani bâ bēhēpi ba yēnēki mbia nēnē o bâba yēnēki mâ.

Moto wēhēpi a kalakie na, O Anyambě yongakě mba, kabojana o bě na upâkwě a ka yongě na mwa tata ilina jamě kabo Jisus.

## LĚSĚNI 39.

## MOMO A DIAKI NA EGÂLANI.

Momo a diaki na mehiu nyolo yēhēpi a vakindi o Jisus ajadi; ka mwa kwa o boho bwaju, ka mwa vâ na, Upangii oningě o kamiděngě o te na ngudi o yongakě mba, hakangě. Ka Jisus a yēnē momo tēnē ngēbě, ka mwa vâ na mbi kamiděndi, yongaka. Ka mwa yonga o njo pâkâ.

Jisus a diakindi bwam, na kěngâ na momo tēnē. A bě bwam na kěngâ na nâvē? Tân-dâkâ mâ hwi jâvē jēhēpi. A věngěmě tombe na ukěkě, a věngěmě tepě na nâvē.

O Upangii Jisus yongakě mba o bobe bwamě na nâvē wa panga mba bwamu.

## LĚSĚNI 40.

ETUMBĚ SAMUĚL.

O diakindi mwajo ueam, dina jaju ndi Hana, a valanaki mwana 'ju Samuěl o mwa diaki mwa nděmbě, o Ilai minisě meněně. Ka mwa vâ na mbi kalakiendi Anyambě na a věkě mba mwana, ka mwa vě mba mwan' amě ekaně. Ka Ilai a nângâ mwana ka dia naju, na ka dilě Anyambě o těmpil.

Bulu bâkâ Samuěl a jadi bia, o viâ, ka Anyambe a ndia mâ; ka mwa mua umbila na valu o Ilai ajadi, ka mwa vâ na, umba nděkaně; kabojana âvě ndi o mandia mba. Ka Ilai a vâ na, mbu ndia, ka nangakie. Ka mwa vala ka nangia. Ka Anyambě a ndia pě mâ; ka Samuěl a vala Ilai a jadi, ka mwa vâ na umba nděkaně, kabojana âvě ndi o mandia mbu. Ka Ilai a timbě pě mâ ka nangia. Ka Anyambě a ndia mâ njo yilalo. Ka Ilai a yowě na Anyambě ndi a ndakia Samuěl, Ka Ilai a vâ na, ka nangakie, oningě a ndia 'vě, o ka vâkâ na Anyambě kalaka, kabojana mwan' âvě a yokakate.

Ka Samuěl a vala ka mwa nangia o enangiaju. Ka Anyambě a ndia, ka mwa mandia



o boho, Samuël, Samuël! Ka mwa vâ na Anyambě kalaka, kabojana mwan' âvě a yokakate. Ka Anyambe a kala, ka mwa lingua Samuël, na bana ba Ilai ba ndi babe, ndi yâ ndi ya Anyambě, e vâkě na, a ka vomudendi Ilai na bana baju babale.

Ka Samuël a nangia kabo ubwa. Ka mwa mua, ka dubua mambe ma ndabo Anyambě. A bangakindi o lingua Ilai nyanga 'ju e mayoka. Ndi Ilai a vahakindi mětě o yowe ka

Anyambě a mavâ. Ka mwa ndia Samuěl, na, langwakia mba ka Anyambě a mavâ na nâvě Sâsâ o dimbake mba na ya yâkâ. Ka Samuěl a lingua biěhěpi a dimbě mâ na ya yâkâ. Ka Ilai a vâ na a ndi Anyambě, a hake eaju e yěněkě na, e ndi bwam na mâ a haka.

Ulingo mu yavakia ka bana ba Ilai babalě bu wa o eduka, na egala ya Anyambě na nângâkwe. O Ilai a yokakidi ka mwa kwa o 'dia 'ju utimbě na mbuhwa ka mwa wa. Bato babe ba bě na ngudi ba yongake. Anyambe ya pâkwěpâkwě a ka vomuděndi ba hakě bobe o pěla 'ju. Mbi bangake banga mba lingudě Anyambě na bobe bwamě.

Ka mwana Samuěl a tombua, a matândâkwěte na Anyambe na bato ta. Anyambě a diaki na 'ju, na mâ na diaka prâfět eněně. Samuěl o mwa diaki nděmbě a mavengakiděndi Anyambě. Ho yalaki kia o tândâ na o dilě Anyambě. Ba bangaki Anyambě nděmbě, ba ka tombuandi n' iyowě na bwam.

#### LĚSĚNI 41.

JISUS KRAIST A MAPAHAKII BA NDĚMBĚ.

Prâfět Isea a langwakind' ovio pěla ya Jisus Kraist, ka mwa vâ na, A ka jakiděndi



mwanga mwaju ka utati, a ka lataki bana ba medâmbě na enâ aju, na mâ a ka bapakě bâ o ngonga aju. O Jisus Kraist a diakid' o he, ba nděmbě ba mavanakwěndi o mwa jadi na a bweake bâ na mwa ka tuaka bâ ibâtâ. Bâkâ ba diaki na ju omě, ba ha yowakidě kěngâ ni itândě ja Jisus Kraist i dianakidi, ba makandakiděndi ba mavanaka bâ. Ba vahaka o timbě bana. O Jisus Kraist a yě-někidi na ba bě na kěngâ, a lingwaki na bâ. Ka mwa vâ na, ba nděmbě ba vake umba mbi jadi, o ka ndakidi bâni, kabojana ka ekabu ndi ba ehiki ya hěvën. Pâkwěpâkwě mba vwi n' inyěni na, a ka měndě a pahie



ehiki ya Anyambě ka mu nděmbě, a pãe ovoně.

Na ndi Jisus na kěngâ a ndakia ba nděmbě o mwa 'jadi, na mwa a ka hěhěkě bâ na benâ biaju, a bweaka bâ na mâ a tuak a bâ ibâtâ.

Jisus Kraist a diaki na kěnga na ba tě ba nděmbě baně, na mâ tepě na kěngâ kia tě-kaně; tombě k' umba mbi ha yěněkě mâ, a yěněkěte mba. Mbi ka landi ka kalia mâ, Jěhova Jisus a mavambaka ba nděmbě ibâtâ o he, pahakia 'mba ka mwan' âvě ueam, na nâvě wa tua mba ibâtâ âvě o jad' o hěvěn.

#### LĚSĚNI 42.

#### UKANAKÂDI MWA ULII.



Jisus a vâki na, Yokakani, Ulii mwa la ka mwanj' ibângâ. Ka jâkâ ja kwa o njea: ka lonâni la via ka sâsâ jâ.



Jâkâ ja kwa o malale, o ha diaki na mahe maitě, ka jâ ja tombua wâwâ. O viori vi pan-yidi ka jâ ja wa, kabojana j' u diaka na metamba.

Jâkâ ja kwa o mabutu, ka jâ ja wa na kâlu ya bele be tombuedi, i yěkěme.

Ipâkwě ja kwa o ehiki eam, ka jâ ja kěkě, ka jâ ja tombua, ka jâ ja pahia ibângâ itě. O Jisus a kalaki belombo těkabě ka mwa yama na, a di na matâ ma yokakě a yokake.

Bâkâ ba diaki n' aju, ba vaki mâ na, a yowakidě bâ ka mwa mavâ; ka Jisus a vâ na ibângâ ndi ndaga ja Anyambě.

Ekaba ndi ba duakě 'bângâ o njea. Oningě ba yoka ndaga ba' bandamidě yâ, o setěn a vake na mâ, a nângânâ bâ yâ, ovaně ndi o ba kaměndě ba kamidě na bâ ba yonga.

Ekaba ndi ba duakě ibângâ o malale. Ba yokaka ndaga, na bâba pahia jâ, na bâba ka yěněkě mbia; ndi ba die na metamba bâ měte, ba bembe na mbia. Oninge iyějudwě i ka pâě o nyanga ya ndaga, vâkânâ ba kwendi piělě.

Ekaba ndi ba duake ibângâ o mabutu. Bâba ka yoka ndaga na bâba vala ipikilia ja belombo bia he těkaně, be weakidi ndaga,

nonane e die nañgudi e pahakidi ibângâ iam.

Ekaba ndi ba duake íbângâ o he eamu. Ba yoka ndaga, na bâba ka bandamakide ka já i weakě, na bâba ka tataka ja na ebumulema eamu. Nonaně na bâba ka pahake ibângâ iam, itě.


Mbi vahakandi ndaga ja Anyambě i kwaka pani ka ibângâ iam o ebumulema 'mě. Mbi yokake ndaga ja Anyambě bwam, n' umba mbi ka haka já. Mbi vahakandi ndaga ja Jisus Kraist i diaka n' umba. Mbi kamakidi n' umba mbi ka yokakia, vâkâna mbi yongindi.

#### LĚSĚNI 43.

#### IVELWĚ JA HE.

Anyambě ndi a velakidi belombo bihěpi. O diaki na egombe ya joba e ha diakidi, na ngândě na nyětěti, na tito. Pěle na he ahu e diakě ya u diaka. Ndi Anyambě eněně a velakite belombo biěhěpi naně.

Ehiki o boho yu kwanaka elombo, na yâ yu diaka tepě na 'lombo. Yu diâka na bele, na bebuma, na bato, na tito, ndi Anyambě a ndavelaki biâ biěhěpi o hw' utoba.



Buhwa bwa boho  
 Anyambe a vâki na, O  
 diake bwe! ka yâ ya dia  
 bwe. Ka Anyambě a  
 yěně bwe na e ndi bwam.  
 Anyambě a van-  
 gakiđendi bwe na  
 mwehe, ka mwa  
 vangidi ivititi na bulu.

O buhwa bw' ilalo ka Anyambě a vela oba.  
 A velaki bele o buhwa bw' ilalo, ka mwa  
 panga behavu na be dibake boho bwa he, ka  
 mwa vela tēpě malângâ m' usasa.

O buhwa bwa hwi 'nai, ka Anyambě a vela  
 litua loněně lobatě, joba jâ i pangakia mwehe,

na ngândě e pangakia bulu. Ka mwa vela nyětěti tepě.

O buhwa bwa hwi 'tano'ka lonâně la velwě. Mâ ndi a velakidi nyambimbi eněně, na bejaka bia manga biěhěpi.

O buhwa bwa hw' utoba ka Anyambě a vela tito ja hiki, na bembe bia mboka, na belombo be landakě o he biěhěpi. Ekabe pa, ka Anyambe a vâ na, ho velake moto a kwana-kě hwě. Na mâ a ka pangakia ehiki yěhěpi, na belombo bejad' ome biěhěpi: ka Anyambě a vela momo wa boho, Adam holi na mbia, weango n' idilu jaju. Oba na he na belombo be jad' omě biěhěpi be velakudwěndi o hw' utoba. Ka Anyambe a yěně belombo biaju be velakidi be jadi bwam.

Ka Anyambě a yâjâ o buhwa bwa hěmbwědi, ka mwa nyěvidě bâ. E diakindi iyokude jahu na ho yâjâke ovia behavo biahu. Tataka buhwa bwaju bieam n' idile, n' ilanga n' ikalia jaju. Anyambě a velaki belombo biěhěpi, a nangudi eněně, n' iyowě iněně. A bwam měte a bandamakiděndi ibiaju be velakidi biěhěpi.

Behavo bia Anyambě biěhěpi bendaki mâ.

A kalakě wěhěpi a bendake Anyambě. Bendakěni Anyambě.

## LĚSĚNI 44.

Ekadi ndi ndaga ja pâkwě pâkwě, bwam na bato běhěpi ba kamakidě, na Jisus Kraist a vakiend' o he, ka hungina bato babe.

Mbi ka timbě lě Anyambě nde, o bwam bwaju bo hakiě mba.

Tândâkâ belombo be jad' oba, ndi hanga bia he.

Dikakani mběmbâ janiu ibe, o ka haki bwam.

Ho tândâke Anyambě wa na belombo be-pâkwě biěhěpi.

Mihâ ma Anyambě ma t' iboko viěhěpi ma hilakě bebe na beamu.

Tândâkâ Anyambe n' ulema mwâve mwěhěpi.

## OPĚLA MALANGO.

Ba ka langě Malango tě ekama, ba bekinake na měhě te ma di pâkwě pâkwě; be wa belombo be tombakě moha, na hwě ho te yowěngo na tito na lonâni ba kalakia moi ma bato.

## LĚSĚNI 45.

TITO JA 'HIKI.

O diakindi na momo mbâkâ o epedi yavio, dina na Bokona, ikaka jaju ndi Bodikito, a kikiind' o 'hik' utema ka ha ibiaju; ndi o mwa bĕkidi a ka timbaka na kolo, na vala o mbo-ka, ka mwa yoka etâki o boho. Ka mwa pivia na ipĕ ba ndi bato; ndi o mwa bĕkidi bengiango ovone a yĕnĕ bato, kabo bokoya bwa ngwea i kalaka moi ma bato. Ka mwa sulie bwam mĕtĕ na ngwea ndi i kalakĕ moi ma bato.

## LĚSĚNI 46.

OPĚLA KWIA.

Kwia a bĕkĕndi njo jâkâ. Oninge moto a vâe na a bweĕ yâ na njali, oningĕ yâ e jadi ya mwadi vâkâna e bweaki diba jaju ndu na yâ; e ka levakidĕ jâ moto, ivâ ja na, wa wĕ na mbi te mwajo ka nyângwĕ? Dibĕ jâve i nyangakidi i te bwĕsĕ ka ekadi, ndi na nâvĕ, mâ na, o vahakand' o wea mba?

Kwia a bĕkĕ tepĕ oningĕ yâ mwana jango, vâkâna a nângâkândi belombo bia mianga na mâ a ka batakidĕ biâ o bâlâbâte bwa mwana. Yenĕ e to vanĕ bwĕsĕ te ka hwĕ bato ho hakĕ.

## LĚSĚNI 47.

## OPĚLA NGIA.

Mwajo umbâkâ a kěkindi o 'hiki ka ha me-  
gono miaju. Nubwa mâ megono miaju hae-  
hae pâ, mâ nandi na mba land' o mboka; na  
kolo ebâbu a bě piěle na mboka a tamue o  
boho ngia e vaka, mâ a vaka ta. Yâ tepě mâ  
botimbanaka o 'hiki utema, de de wě, na o  
tina 'le eněně. Yâ tepě mwajo tě pwě kanga-  
laněngo o tina ya ele aju e diakidi dia mâ, na,  
mbi ka jate mâ kabo nubwa; kabojana ngia  
a jaka elombo aju e weakě na kolo yěhěpi, na  
bulu. Ovaně o yâ e timbanakě mâ, mâ te na  
elinga 'ju ukângâ. Na bulutema ngia ya be  
o viâ, mâ tepě enâ aju yâkâ hoduangó: yâ  
tepě kâkâlânângo timbango pě mâ bwam,  
kangalaněngo die die na yakako viâ, mâ na,  
mba bweand' âve. Yâ tepě ovia pubo, benâ  
na beko biěhěpi pâtě pâtě; mwajo tě tepě, na  
jana nyolo hoduangó de, ubâmbâ mwaju mwa  
makongo n dianakidi o elinga pwě ndumbu  
mwa ngia hwa, kwanga na la o kingâ. Mâ  
tepě bokěkě membila o mboka, ka langua-  
bato, o bâba validi kâbiděngo ngia ya wa.

## LĚSĚNI 48.

## OPĚLA NGANDO.

Bana babale ba diakindi ba tukaka, na ngando na vaka o bâba diakidi. Ka yâ ya nângâ umbâkâ, na vala na mâ ubana mwaju komango. E weë mâ yâ mâ ovoně mbwe; botimbaka ka vaha upâkwě a dikanakidi. Mwa te a timbě dihâ ovone ubana, bejaka omě ti ti bia mihâ. Ubana upâkwě honongangenengo na ju oba, mâ tepě na mâ pwa bokěķě membila na la o mboka. Ipěsi tedine o bato bajadi kâmbwâ. Ba ka bweaka njali na mbia, ikehani ja mwana. O ngando e bekidi wě iboko te e yěněpě mwa tě, a dikanakidi, ka yâ ya lingua. O yâ e linguaedi, bato ba ka bweaka yâ njali, ka yâ ya timbu na la ubana ka ja naju a bweakidi. O yâ e běkidi ubana jâi e yěne mâ; ka yâ ya lingua n' iněně, na betaka o mboka ibati. Hwi lalo yâ te kabo kâgaka, na mboka ivaha jaiweana.

## LĚSĚNI 49.

## HO TIMBAKENI O MAKODO.

Bamo babale badiaki mboi na bolongi. Upâkwě mâ na, ngwělao, mbi te o vala o hiki ya Mělik, ka jopa. Nd' umba mba la,



mba dikiandi âvĕ ovanĕ ulega mwamĕ mwa sitânyĕ. Tataka mba mâ bwam. Ndi sitânyĕ tĕnĕ e ndi ěja bu e majaka o ekiki tĕnĕ. Mbwe aju mâ na e. Ndi e na elombo evane? Wa mbwe aju na kĕkĕ o ehiki ya Mĕlik ka jopa. Mâ tĕ ovonĕ hânge mwada mbwĕ aju a kahi jemi; ndi jemi tĕdini ja ðokwakidĕ mâ ilângâ ipâkwĕ kabo sitânyĕ. Boiyake momi aju a la ka numba te, kabo nonanĕ, buhwa kâ buhwa bwĕhĕpi; na mbuhĕmbuhĕ mâ na mba na kakana, vâkâna mbi ka pelidi dâli, ndi mbi panakie o nângânge sitânye a mbwe amĕ. Oninge a ka mbaka o pâ n' umba mba hambia mâ epâkwĕ. A nângindi ulega, a vâe na a ðubua, mâ kakana dâle ja tomba o ndĕki po. Mâ na hângĕ ulega te mwa mbwe amĕ u vâki na mwa sitânye: eka-mo u mwa dâlĕ? Ndi hângĕ mbi nângâki dâlĕ, n' umba mba timbe sitânye, kabojana mâ a tubaki na sitânye. Ulingu mwa jom ja mepuma u tombidi ka mbwe aju a pâ. Ka mwa vâ na mbwe aju na bĕkĕkĕ mba ulega mwamĕ u dikaki na nâvĕ. Mbwe aju a dikanakidi jâi o mwa jadi ulega mwa sitânyĕ. O mwa ðubui mâ ka kâbâkidĕ ulega mwa sitânyĕ ti, yakia e to puka. A ka mamaka,

mâ na mbwe amě mba dika ulega mwa dâle, a ka timbakě mba ulega mwa sitânyě? Ka mwa ndia mbwe aju, na mbwe amě o ha lě mba na? Umba moto a dikakied' âvě ulega mwa dâlě, nd' o ka timbakě mba ulega mwa sitânyě? Mbwe aju mâ na, ndaga ka yâně e bě, o dikaki mba sitânyě, k' umba mba timbě tepě âvě sitânyě. Ngwělaho o mba-kandi o ibia mba dâlě. Upâkwě mâ na âvě ndo mbake o ibia mba dâlě jamě, nd' âvě o vâkě nonaně, o ka ka sâja o batodu ba jadi. Mâ na jambo iamu, ho kěkě ka sâja. Bâ vale vale wě, na batodu bajadi. Wa boho de n' upako, mâ na ho běkite umba mbi pangakidi ekěndâ ya 'hiki ya Měliki ka jopa. K' umba mba dikia mbwe amě ulega mwa dâlě, na a tatakě mba mâ. K' umba na henjia mâ na e sitânyě, na na a youdčngě na i dâlě, vâkâna a ka dubuwi mâ. Mbwe aju mâ na, mbwe amě a dikakii mba ulega mwa sitânyě o mwa pâdi k' umba, na timbě, tepě ma ulega mwa sitânyě, ndi miamia de pě, na u diaki mwa dâlě. K' umba mbi vâkě na mbu yě-někě dâlě. Batodu bâ na hângě upako u nonane. Âvě wa boho, ekaně wa dimbiandi, âvě wa dikia upâkwě sitânyě. Ka mwa timbě

tepě âvě sitânyě, nd' o vahakalě o ibia mâ dâlě na nja 'lombwě?

O mwa yoki nonaně mâ upako, na ngambi, mbwe na, e diake dâlě i diakite ijamě mětě, tombe ja nyanga, i' bě n' isâlâ. Bana babu babale ba jokaka o uhěnge, mwana wa a diakidi a dua dâlě n' upâkwě na, ngwěla mětě hângwě a haki lě dâlě ja paia na? Paia dikia hângwě ulega mwa dâlě, ka hângwě a vahakěte o iba jâ boibaka. Upâkwě mâ na, e bě nonaně, hângwě ndi a mbakidi o iba paia dâlě, kabojana hângwě a dikia paia sitânyě, ndi na a vahakandi o nângânâ mâ dâlě?

Mâ na ngwěla na nâvě na jawě o yěnitě sitânyě e diaka jom ja mekuma, e puke? Upâkwě mâ na nyawě, Mâ na sitânya e ka běkě paia a bě na dika yâ, na jom ja mepuma ndi e sěge, e pukě? Buhwa bwěhěpi bâ te kabo penda těně. O batodu ba yoki nonaně, ka bâba vâ na, ho timbakeni evâvâ těkai o makodo. O bâba timbiedi evâvâ bâ na e nonaně; âve ekaně wu dikaka sitânyě. O dikaki dâlě, kabojana sitânyě ya yâtě o dia jom ja mepuma e jongolie. O dikaki dâlě. Nângâkâ dâlě jâvě. Na mâ na nângâkâ dâlě jaju.

## LĚSĚNI 50.

## PUTU, EDUKA NJALI.

Eduka njali a matubakwěndi ovio na Putu, kabojana bavio ba takindi o yěně biâ na Putu. Ndi momo mbâkâ a diakidi evemba, a uma-ka na mahango maite. A yěně moto pivi, kabojana au diaka n' uaju a mabangaka. A la ka kâbidě mwana ngani o uhěngě, a nyungudi mâ. O mwa te a kalidi, mâ ndi a ka bomakě mâně. Mwa te a diaki na Putu, au hâpâpě tepě a bukaka yâ mekwala ta tebididi yâ o mwa jadi. Momo te wa ngani uněně kula. Bato baju bâ na, o mwa t' u nděmbe ekaně a wei momo těkaně, ho bweaki bâ na hangwě běhěpi, hwa la ka lena bâ mabâlu. Batodu bâ na, e bě nonane, a bě mwa těkaně a wea momo těkaně: eduka ndi ya wea momo těkaně, a mahakandi eduka, ka eduka e wei mâ. Já ndi jabu ja vangidě Putu na eduka njali.

## LĚSĚNI 51.

## UNAGO NA EKELA MBENGO.

Unago na Ekela ba diakidi mbwei 'něně. Ndi ba madiakandi, Unago o Mbini o Eyo. Ekela o Jěkě o Muni. Ndi ba maběkěte,

oninge mbâkâ a weidě ngwea vâkâna a ndakiandi upâkwě. Oningě Unago a weidlěngě ngwea vâkâna a ndakii mbweaju Ekela. Mâ o Mbini na, ngwela Ekelaou o ka pundaka ono okava, Vaka ka ja isango ja ngwea. Na bana baju na, paia mbwe âvě mâ o Jěkě, âvě ono okava a ka yokate? Mâ na e, a ka yokate. Vâkâna ekela a vâkâ tepě ovoně na bana baju na o yokakateni ka mbwe amě a ndakiě mba? Bana bâ na hwa yokaka. Mâ na e, mbwe amě a ndii mba ka ja ngwea ovoně vakě. Boyaka Ekela a nângâkâ utumbi mwaju, na ehěhě eaju a tēměkě. Joba i vâi n' ipambua okava a betaka o Mbini. Unago na bana baju na, mbu vâkâ n' inyěni na a ka yokate? Vâkâna ba jakandi isango, isango pa, ba ka langwaka malango. O kolo Ekela mâ na, ngwela mba timbandi. Unago mâ na e. Mâ muliko dikiděngo, ekaně a kěkě ekaně a timbaka. O Ekela a kěkě ovaně de wě na o Jěkě bovinde. O bana baju ba ka yěně kola jaju i vanakě, běngě ba kamakidě na a diakate o Mbini.

## LĚSĚNI 52.

## MANGA MA EKELA MBENGO.

Manga ma Ekela ma bě o mwehe ma bu-  
hwa ukanakâdi ekama. Ma maběkěndi  
oninge a pundinge o manga ma ubwa vâkâna  
a kěki de de de via Hondo. Hondo kělěbe,  
hukiango, kabo o bâ na mbwe aju ba kâbâ-  
nâkide bâmě malango, lingua, lingua pa,  
vâkâna ba timbanakiděndi. Ekane a kěkě  
eaju mboka; ekane a kěkě eaju mboka. O  
Ekela a kěkě vakânâ a dikakandi ehěpě eaju,  
o iboko viabu na mbwe aju vi diakě. O mwa  
a ka pâě o mboka, vâkâna a vâki na bana  
baju, na ka nângâki mbani ehěhě ya behalii  
mba, ovaně o manga; iboko viamě i madia.  
Bengakateni itambi jamě. O bana ba ka lě  
n' itambi n' itambi wě o Hondo. Itambi te  
kabo kěkě; bana botimbanakidě wě na ha-  
ngwě abu ajadi, na hu yěně ehělě. O mwa  
ka lě nubwa upâkwě běnge a vanake yâ.

## LĚSĚNI 53.

## UHÂDWĚ MWA NJAMBĚ.

Uhâdwě na Bokume na Njâku ba jakudwi  
jemi jâkâ balalo. Ovane Bokume a tubakwe  
na Njâpe. Bâ t' omě ka Uhâdwě a ndia

bana ba nyangwě, Bokume na Njâku, na,  
 bana bina, ho pēhēkeni, umba mba 'landi o  
 Manga Manēnē, âvē Bokume kēkē o 'hiki,  
 âvē Njâku kēkē tepē o 'hiki. Bokume o la o  
 'hiki a ka tombwaka ovonē. O Njâku a va-  
 lidi ovanē na ngambina mba le ka dia o  
 'hiki; mba li ka longa na ba mboka. O mwa  
 validi pulu o mboka, a pulakiate o mboka,  
 beko mâ hindwo hindwo bia bē matindi.  
 Matâ mâ hinduango pobolo. Mahonga lâ-  
 ngângo, ekamu ubango lāngâ, ekamu ubango  
 lāngâ. Ba mboka ba la ka kemia mâ. Mâ  
 botimbaka o 'hiki. Mâ na ba mboka umba  
 mba la o 'hiki okava, hwě, n' ilāngâ janiu,  
 ikaliē o 'hiki jēhēpi ho ka landi ekēndâ. Ka  
 Njâku a kēkē na beja ekēndâ. O Uhâdwē a  
 validi ovanē de pulu na manga, iboko viaju vi  
 pulakiedi uluango itina ja melāngâ, utumbe  
 mwaju u bweakidi uluango ntanda. Matambi  
 mabu, na mbwa 'ju ma pitakidi ma ngit' omē,  
 na bwa buhwa tēkabo.

A ji tomba ovia mwa diakidi n' o manga  
 manēnē, eaju e jabwanakidi. O mwa pâdi o  
 manga manēnē a kenjidi bwalo bu tangani.  
 A vamidi bâ ilāngâ ja metangani i tanakē; uki-  
 ta jēhēpi. Mâ na kēkēni ka nāngâki mbani

mwa nina. Bwalo bu tangani bo viendi viango kubu, ka hwi 'nai ba duwe moto a vakia ovia he, na pita bwalo bu tangani: tombe ovia bwalo bu tangani na pita he. N' ipuha ja evanigo na mbuhě mbuhě k' Uhâdwě a via ka pumia bâ o ndâtâ, na kěkěni o 'hiki wa lenani Njâpě, wa pakini nyanda wa la ka latěni bwalo bu tangani. Boyaka ba valindi o 'hiki, ba nângi bokumi; ba lenindi, ba bokolindi bokolango pa; ba kwehiděndi o manga, na ba nděmbě na kěkěni. Ba nděmbě banai ba vaminde o nyanda na la ka latě bwalo bu tangani. Ba bweakate na bâ, ka okava ka okaoni, bâ kombo ba dukepě. Metangani me ka pěpěkidě bâ pě pě. Bâ viango ta, ba ka kalaka n' utangani Benga. Utangani u ka kalaka tepě na bâ Benga. Utangani na bâ na, mbi mavii ka hamba mahonga matito tě didi okava, o 'hiki na matindi na mebangi, na matâ maněně e tubakwě na Njâku. Bâ na e, jambo iam. O bâba diaki ba ka kěkě utangani jâi o bâ bajadi kipiani ja tabako inai, megobo mia menamba menai, mapaki manai, na belombo bepâkwě, o bâba jadi pwo. O bâba pâdi o he ba langui bâ na, utangani u vahakandi Njâku, na mâ u



tepě na belombo be weakě njâku bia bwe. Ba lind' o utangani ba bâmi njali, na mahani na pita, ba valind' o 'hiki, ihani n' ikângâ; ba ka yanaka na njâku. O hwi 'bale okava bwalo tẽ bo londindi, bo pumi tepě. Ka yâ e hamakẽte nonane na bwa buhwa tẽkabo.

## LĚSĚNI 54.

## \* E K A N O .

## N J Â N A I H Ě L I .

Njâ a nyimi diba o mboka Njambe. Mâ ndi mâni, na Njambe, na mbi ka vuland' âvě kabo tito. A timbindi o abu hwi bo langaka; mâ na Ehibo na oka, kadikidě mba o bohângâ. Ehibo mâ na e, oka. Ekëndâ ya botamwaka e lě nande? O bâba validi ovaně valě valě wě na viho viněně. Njâ mâ na, mâ Ehibo, viho tẽkavi vi bẽkětě okava na nâvě, na taka jabua wa ta uhwa pavo âvě ya egolo o miba. Ehibo mâ na e. Ndi mbi lě nande? Njâ mâ na ndi dibaka mihâ, mbi to hwa eamě banga wa vâ na mbi yabakand' âvě. Ehibo mâ na e. Mâ mihâ bwam pi, njâ ilale pwě o miba vě, mâ na mbi hwendi eamě, uhwaka tepě eâvě. Ehibo mâ na, ndi dibaka tepě

mihâ. Njâ mihâ gagalanidengo pi. Ehibo pavo aju pwě o miba vě. Bâ viho so jabwo de de de wě, na o tina buda. Njâ mâ na, mâ Ehibo, buda tēkabo bo jakwěte okava kabo moto moto eaju pělě. Ehibo mâ na e. Ba luendi ekaně pēpěkě pākâ, ekane pēpěkě pākâ. Njâ pavo aju hoduango, kuda kēkēngo udumba hwa, mâ ndi mâni na kangangili, âvě moto o die na pavo wa jaka utongaloba mwa kuda. Ehibo a ka pukulaka ijaju na mahonga, o njâ a didi o mwidi upâkwě ovaně a kabo věhěkě mâ. Njâ mâ na, ho kēkě, buwha bwa landi, Ehibo mâ na, oka. O bâba valid' ovoně de-wě o ebwahavo. Njâ mâ na ho betaki bebwahavo, ndi o hwě ho betake ebwahavo tēkai, e betakwe te okava moto mbâkâ, mbâkâ. O ekaně a betake upâkwě mihâ pi ya betakwě na tina, kabo na bongo tē, ibwâvě bo yēněkě boně. Ndi ta diba mihâ mbi bete. Ehibo mihâ bwamu pi. Nja a bweindi o ukâdi ivombia jâkâ ta bēndi oba, mâ na Ehibo na betaka. Ehibo nd' a ka betake na bongo ně, kule kule yando, nyolo yēhēpi mâ jongoliango, kabo makia na makia. Njâ mâ na, ebwahavo tēkai e patakwe te okava, kabo metoda, ndi o dikaka mavinde.

Ehibo mâ na e. Hânge njâ a pataki mavinde a dikaka metoda.

Ba bebwahavo patě pa. Njâ mâ na, Ehibo dibaka mihâ mbi hube. Ehibo a dibi mihâ. Nja a bweindi ukâdi, ivombia jâkâ ta bëndi o he. Mâ na, nandi Ehibo hubaka. Ehibo ndi a ka hubake na o bongô ně, hube hube pusu na ne. A hubakat' okava, Njâ mâ na, ho die na vea. Ho ka beidě lě bebwahavo nande? A la ka yěně ukwēdikwēdi u kěkě, mâ na, mâ Ehibo vitanaki vea, ndi vi kěkě ekavini. Ehibo a vutamaka umbila. Njâ a luaka o tina ele, a bondi vea viaju, a beiděndi ibiaju, a ka jakandi, a makidětě, okava a di-make vea. Ehibo wě, Mâ na mbu kâbide, mbi yonyiděndi. Njâ mâ na e; vi diake. Mbi pukulindi ibiamě mbelebehu ndi ho hake ekěndâ, o kěkě, o kěkě o pukulaka ibi-âvě. Bâ vale vale wě na mboka diba. Ba yambudwi beja be tědwěndi 'kěnga, Njâ mâ na, Ehibo, jaka 'vě o hě, umba mbi ka ja o tagulu, umba mbi jaka mehoni, âvě o jaka bevehe; ba je je pa. Nja mâ na, Ehibo viâ-kâ behavo wa la ka uhwa; hânge a běte ovaně ba pâkâte valango n' uki aju na, mbi vanindi âvě tito. Ndi ka tongaki mbela o

behu bia ikenga jamě i ka die. Na nâvě wa vame makângâ na bekosakosa, na belombo bevolu biěhěpi. O umba mbi ka lomě mâ ka uhwa behavo na mwa kwa omě, wa wei mâni. Ehibo behavo viâe viâe, pwě o elinga, hwa a uhani biâ o behu ka uhwa. A vâe na a uhvě biâ okava, mâ mbela vâlâmu dâ, O ba mboka ba pâdi. bâ mà peha ko, ko, ekengo bia. O njâ a timbidi o abu, bato ba Ehibo bâ na, Ehibo a lâvě? mâ na Ehibo a benganiděndi ulunda mwa mboka bobadi na beja, na bajo, ka mwa vâ na mba timbepě.

. Yeně ekěndâ a ndia yâne tito te kabo nonaně. Na mbuhě mbuhě Ihělě mâ na, ndomina mbi to vala, ka dikidě âvě o mboka diba jâvě. Njâ mâ na mbu vaha âvě. Ihěli mâ na, ndomina o věngělě ibâvě ba valanakě bapâkwě ekaba, ndi na kumbanakidě umba. Njâ mâ na e, ho kěķě. Bia bwe ba těměķe, vale vale wě na viho viněně. Njâ mâ na, mwana kad' amě ihěli, viho těķavi vi běķěte na nâvě, na taka jabua, wa ta uhwa pavo âvě o miba. Ihěli mâ na, ta uhwa eâvě, vâķâna mbi uhwe tepě eamě. Njâ mâ na dibaka mi-hâ. Ihěli a gaganididi benâ o miha gaganidengo. Njâ ilale pwě o miba vě. Ihěli mâ

na dibaka mihâ, mbi uhwa tepě eamě. Njâ mihâ pi. Ihěli ilale pwě, o miba vě. Ba vale vale wě na tina buda, Njâ mâ na, Ihěli, buda tě ekabo bojakwětě okava, kabo ekaně pěpěké pākâ, ekane pěpěké pākâ. Ihěli mâ na e. Njâ pavo hoduangó kúda kěkěngó udumbu hwa. Mâ na kangangili moto a die na pavo a jaka utongoloba mwa kúda. Ihěli tepě eaju kěkěngó udumbu hwa. Mâ na kangangili moto a die na pavo a jaka utongoloba mwa kúda. Njâ mâ na Ihěli oka. Bâ vale vale wě, na o ebwahavo. Mâ na ho patake bebwahavo. Ebwahavo tēkai e betakwēti kabo na o bongo tēkabo. Ihěli mâ na e. Ta beta 'vě. Njâ mâ na dibaka mihâ, Ihěli mihâ pi. Ivombia jákâ te Njâ a bě ndi oba. Ihěli mâ na, dibaka tepě mihâ, mbi bete, Njâ mihâ pi, ivombia ja Ihěli ja ivombia jákâ ta bēnd' oba. Njâ mâ na, ebwahavo tēkai e patakwēte kabo metoda. Ihěli mâ na e. Bâ bebwahavo pate pate pa, hubango. Njâ a yěni joba i kěkě; mâ na Ihěli vitanaki vea ndi kěkě ekavině. Ihěli mâ na vině i be vea. Njâ a bondi vea. Bâ bebwahavo beiděngó jango, botēměkě. Njâ mâ na o umba mbi ka yoke ulema wa via ka poma

mba ele tēkai. Ba kumbakate yâ mbuhwa Ihēli mâ na, mbi to vala o pēpēkē; a valindi, ele te pomango o 'landi; hwa vale vale wē na mboka. Beja be hawudwēndi, be tēmē-kētē o tagulu okava. Njâ mâ na, Ihēle mbi yokakandi ulema mehiu ka pomakē mba ele tē eamē, e malevid' âvē. Ihēli a hângâlindi enâ o elandi aju, mâ na yâ ndēkai. Njâ mâ na e. Ta dika yâ ovanē. Ho to ja. Bâ beja pa. Ihēli behavo viângo o elinga hwa. Njâ mâ na, oka, mbi vale ka levide âve iboko vi hwakwē behavo. Ihēli a vâe na du hwē behavo, Njâ a via ka tindia mâ o mbela. Ihēli sua o mwidi upâkwē de. Mâ na ndomina wa vahalē o ha mba nde? Njâ mâ na e bē 'lo-mbo. Na bulu ba vali ka nangia, njâ na mwad' aju o ikondo; Ihēli na ebungu o he. Ihēli mâ na, ndomina o yokingē mba, mbi kângâlâkidē ngâdi, vâkâna mbi yandi, ndi oninge dâ vâkâna mbi to mihâ. Ukili uhâle Ihēli a ka henjaka ngâdi. Njâ mâ na a yandi, mâ tepē uhangâ pwē o diâ hwa, u veaka a dupwaka a vâe na a soke mâ Ihēli. Ihēli mâ na, o haka lēnde? Njâ mâ na e bē 'lo-mbo. Njâ a yandi, Ihēli a pendindi o ikondo ja Njâ, a hēhi mwada njâ o ebungu. Na bulu

njâ a nângindi uhângâ a soki mâ mwada 'ju. Ihëli mâ na o wei moto a ngani? Njâ mâ na, bě. I bě na vâ na ipě a ndi âvě. Ihëli mâ na, nandi hânge umba nd' uâve a mavaha o wea? Njâ mâ na, o kalake, pakaka, ho jake. Ihëli mâ na, umba! o ba imboka ba ka yokě, ndi ba ka vâkâ na, Ihëli a weilě wa nja o mboka bakiyo uaju, a pakake na bulu? Njâ a pakindi, a maděndi; mâ na Ihëli yambaka. Ihëli mâ na umba! o ba mboka ba ka yokě mbea e tâkâkâ na baba ka vâkâ na ihëli a wei lě wa nja o mboka bakio u waju, a yambake na bulu? Njâ a yambi mbea, e beindi, mâ na Ihëli ka benjake ekâi. Ihëli ma na Umba! O ba mboka ba ka yoke ekâi e kalaka, nandi ba ka vâkâ na Ihëli a wei lě wa nja, o mboka bakia u waju a benja na ke bekai na bulu? Njâ a valindi ekâi benjango, ma na Ihëli yambaka bekâi. Ihëli mâ na umba! O ba mboka ba ka yoke bekâi be kalaka, nandi ba ka vâkâ na Ihëli a wei lě wa nja, o mboka bakio u waju a yambanakě bekâi? Nja a yambi bekâi a beiděndi mâ na Ihëli vaka ho jake. Ihëli mâ e, ndi o hwě ho jakě ho dimake vitua pěla moto e ka diě na bevehe betě, vâkâna mâ ndi a mawea moto a

ngani. Njâ mâ na e. Ba dimidi vitua ; o bâba  
jake ovane: hânge Ihëli a te kabo yangwaka  
bevehe o pëla Njâ. O bâba yodidi vitua, Ihëli  
mâ na hânge âvë ndo mawea moto a ngani  
ba makidë ija buhwa boyaka. Ihëli mâ na  
umba mbi ka kutama o ukâbë. Njâ mâ na  
ukâbë tē u lukake n' utodu. Ihëli a vali ka  
panama na jomba ja mebâje o ubiâ ; o ba  
mboka ba pâdi. Ihëli a kutwaka, a kēkē  
umbila ; mâ na Njâ a t' ovanë, Mâ ndi a ma-  
wea moto aniu â—. Njâ o mwa yoki nonanë  
a vâe na a pume bamo mâ ndu. Ba lati-  
dëndi ebeki a vea enënë o uhëngë latëngo.  
Bâ Njâ pwë omë, pu, a ka dikakia.

---

### MEKANAKÂDI.

Benyakidë nd' o vâtâke.

Idolo i tuakudwë mepenjo i ka longwi mboka.

Iboko vi diakë ehuka via yangwakudwë ilale.

Mwëngi a pataka pele.

Ininë a katakwë o die na jombâ ja vianga.

Mwëngi u weakë pondo mwa dikakudwë.

Mwëngi a bomakandi ngâmâ ipolo.

Ibâmâ ja njâni ja makidë evâvâ.



Ekengo ya ngani a' diakwě o molo.

Nděmbě a wei ibembe a ka bembemaka na  
jâ.

Nděmbě a vaha ubanga wa vě mâ kokwi  
'lale.

Bokeli o na ikoba.

Nděmbě na eaju a tubakwě ngwaló.

Ikângâ jâvě i kwangwanakidě âvě o yangwa-  
ke jâ ihuka.

O betake bwěni bonděndě mbube o banga wa  
vonja wa mângâlânâ wa kwa bonangi bu-  
kakajě bo puhake moto wa umudě.

Kalěkalě a mbaka o lemaně.

Ivi ja boho konja vâvâ.

Peta y' iya ndi e weakidě ikâ.

Sâsâlâ a yonganakě.

Enâ ebâbu ndi e hoduakě pâhě ubana.

Ehâhâdu a luaki bwaiě.

Majoka ma nděmbě n' utodu nja lě a yake?  
nděmbě.

Etikitaka majoka ma uluaka njango.

Mwana o tamwake na ngudi he e n' ibeku.

Ba ehiki na miata ba mboka na njanjakâdě.

Ehelele mâ na o jewě o ka yanjamaka.

Dihâ a ya na vijo viěhěpi.

Bodelo na nyimba bokaka na mba.

Eyombwa mwa nja ibuhu hwa tataka nyue angani.

Uvâvâ mwa pe mâ te mwa unyunge.

Ebaki a yějě mweli bapeha ba ka vengamaka.

Upenjo mbâkâ a pinduaka boho.

Mbuhwa mbuhwa mekângâ mekângâ biondo na biondo be bapanakě.

Hova i diake o etaka ja ndi ibolonganake.

O paluanide majoi o be o paluanide bekaku.

Betomba bebale mapakidi ma tito mabale.

Ekengo o mani mavenge o makadu, e hâhâ-lâkiděndi.

Ekoto a mbua e pinyakidi n' uhěngě.

E hamakě o bokola yâ te e timbake o bokola.

Ejaka yâkâ ndi e pakidě bepâkwě mekuju.

Uhâhâ mw' ijawě u nd' o mwanga.

A kwanakě a waka.

Mavuja matâmbâ manje ma igaga.

Fundapaga na lenaka Luango.

Medumbu mebale na weakidě Nduka na mwad' aju.

Nděmbě a tolaka mboka a to bweyuwě ukenda.

Edia na enanga.

Pombolo mahěngě.

Ngunu ehâlě ndi e kuduakidě eněně iwedo.

Majoka a pâkâ o dihâ.

Kuda tongetonge na o 'pape.

Jemi a hambe yëngâ, njâku o nambí bokaka.

Ehio na hënge.

Ibembe a wakite meganga kota.

E bâbâkě ya vengaka ngombe.

Bodia boeam bo hinakiděndi nyělělě na eti-  
ngi a vea.

Ndëmbě a tate vea a to nangia nguta.

Mbwa mboma e waki na mangongo.

Ngambi na weakidě edudumbe.

Ma yakě na buhwa ma waně.

Wa jabua viho viâkâ o kilake ngando.

O kutaka miâkâ itutu i yëněněkě.

Ilale ja nděndě a kwakwě njo ibale.

Kudu a kalaka ma ekoto, ngâmbe a kale m'  
uvâtâ.

Mahangu ma jemi ma nyungwakidě ibâlu,  
ibâlu a die na eaju.

Ngoangoa na kuba.

Hâmbi n' umba ukombi na mabâdâ.

Pilinganě a weakiděndi mwana ukwea o  
pěnjě.

Ekano kanněngo e pâe ihuku, vâkâna e ma-  
kanui na eboki.

Mavâ ma mavâ, makoba ma makoba.

Bevulavula be yongakidě utombo o mani.

Ngwai jom na ngwai loambi na ngwai e jadi  
makia umbendi.

Utombo mwa mbwe' a Viâlâ a nangakiendi  
ibongo na mbwei pâkâ.

Ivenda a betakwě na ngâi ya ngani.

Ebandandembo sa yoka maleva.

Enâ yâkâ a tingaka umbango.

Emukumuku e wakidi na ibapě ja mbingo.

Utodu a waki pake, nděmbě a waki pâgu.

Hangwě mboka a bâtâkândi indomba ja me-  
bâjě.

Mbute na mbute ba yanaka, âve pala o va-  
make omě.

Elinga n' ukângâ, elinga a salaka n' ukângâ,  
ukângâ a sale na elinga.

Mbwei y' ukeba n' ilale, ukeba a pâkâ o mbo-  
ka y' ilale, ilale a pâe o mboka y' ukeba.

Mbwei ya ehuka n' idango, ehuka a pâkâ  
o mbok' idango, idango a pâe o mboka ya  
ehuka.

Mbwa va va hângě peha e jadi ukângâ.

Mwambula mokândâ a kândâkâ viondo.

Mbwei ya Njâ na Iheli.

Sulu dia kwambě yěkě mbâmâ e pukulaka  
mabedu.

Na taka o pumia uhěkě a taki n' utově.  
 Ija o ukângâ mwa mangângwě.  
 Hanga be idakid' o Mbwěně.  
 Ja mboka a bě n' ihuku.  
 Uhâhâ uněně ndi u weakidě uhingilângâ.  
 Iluku ja papapa a jakindi jomba ja meha.  
 Kudu mâ na kaho.  
 Ikuke a wakindi o mboka ubâkâ.  
 Bapuku metove.  
 Ikěngâ ivolo ja kěngěke molo mbâkâ.  
 Mabedu ma kwakate o molo mwa mbâmâ.  
 Etingibande e beyakidě imbomba ja njâku.  
 O die na matako, o vandake udii meduma.  
 O die na mwana nyângwě wa langudwě jambo j' ukoko.  
 Inâni na dihá a waka o imâti.  
 Mbi yěnekěte a weakiděndi 'huka.  
 Eko e bâti mwěni ya kandaka na mwěni.  
 A dua bwalo a tombaka na ja he.  
 Mwana ngani ibombibomba ikombikomba  
 ihuku to mboka nyangwě, na hangwě.  
 Ma buma ma buma, ma bovenga ma bovenga  
 el' a kwaka na mabunja ma ngani.  
 Ekěndâ a ngani a umbwakudwě joba.  
 Dongodongo e tubakidi nyângâlâ mihâ.  
 Ihâni malanga ma njâbu a tito.

Ya Benga e nd' egala ya tēmēkē o he.

Ditâ a baka ivala.

Uvii mbuhwa a mbaka o beta ekandangolo.

Inâni vĕgĕvĕgĕ a kandaka n' ukolongo.

Uliko a jabwaka viho.

Wa banga mbwia wa la ka jijia ukudi.

Bwae bo ha bĕ na mwana bwa nangamaka.

Yoka wa meloma, mbala wa meholĕ, nd' e  
lĕnde ya momi mwa yoka ya wa n' itânâ ja  
mbala o ukângâ.

Mwadi mwa kwia na jemi, mwa ngia n' ibapa.

Yâmbĕ yâmbĕ a mbaka o pâ o ebunyĕ.

Inâni i pundaka n' ubwa, vâkâna i manan-  
giandi o yako ebe.

Pâkâ Pâkâ a dibakĕte jom.

Mwibi a bweakwĕ n' itambi.

Eduka a jaka mwana ueamu.

O buhwa na buhwa a mbaka o kwehĕ ehĕbâ.

Kudu a bulu a yowanakĕ behĕkâ.

## NIUWE N' IYAVWANA.

Nja velakid' ávě?

Anyambě.

Nja velakidi belombo biěhěpi?

Anyambě.

Anyambě a kalakate na hwě?

E; Anyambě a kalakate na hwě o ejanganangobo aju.

Anyambě a langwakia lě hwě na o ejanganangobo aju?

A langwakii hwě opěl' aju mětě, na opěla Jisus Kraist mwan' aju, na opěla 'hu e ka haiě, na belombo bepâkwě tepě.

Anyambě a yokwakidě lě hwě na opěl' aju mětě?

A yokwakidi hwě na, a ndi boněně na bwam.

Anyambě a te na nyolo ka hwě?

Nyawě; Anyambě a ndi 'lina.

Ilina a lěnde?

Ilina a ndi elombo e jadi, e ha bě nangudi e wakě.

Ho ka yěněte ilina?

Nyawě, ho bě nangudi ya yěně ilina.

O te na moto a ka yěně Anyambě?

O bě na moto a ka yěně Anyambe o he těkaně.

Anyambě a t' iboko viěhěpi?

E; Anyambě a t' iboko viěhěpi.

Ndi e lěnde eahu e ha yěněkě mâ?

Kabojana a ndi ilina, mihâ mahu ma yěně ilina.

Anyambě a yěněkěte belombo biahu be hakě biěhěpi?

E; Anyambě a yěněkěte belombo biahu be hakě biěhěpi.

Anyambě a ta yěněkě belombo biěhěpi o njo pâkâ?

E; Anyambě a yěněkěndi belombo bihepi egombe yěhěpi.

Anyambě a yokakate ndaga jěhěpi ijahu i kalakě?

E; Anyambě a yokakate ndaga jěhěpi ija-hu i kalakě.

Anyambě a yowuděte belombo biěhěpi?

E; a yowuděte belombo biěhěpi.

Anyambě a yowuděte nyang' ahu e pikilakiě?

E; a yowuděte nyang' ahu e pikilakiě.

Ndi hwa lukaka o bandamidě nyanga hu e hakě?

E; ho lukakandi o bandamidě nyanga hu e hakě, kabojana ho ibě na elombo ahu e ka kutiě Anyambě.

Anyambě a t' a haka belombo biěhěpi?

E; a t' a haka belombo biěhěpi.

Anyambě a nangudi wa na belombo bepâkwě biěhěpi?

E; A nangudi etě mětě wa.



O na 'lombo pâkwě e diakě e jadi boněně ka Anyambě?  
Nyawě, Anyambě a te wa.

Bato baningě ba di n' Anyambě?

Balalo ; Hangwě, na Mwana, n' Ilina Iam.

Bâ bēhěpi ekaba ba te Anyambe yâkâ?

E ; bâ bēhěpi balalo ba te Anyambě yâkâ.

Ba te nyanga pâkâ na ngudi n' ivenda?

E ; Ba te nyanga pâkâ.

Anyambě a yalakě 'dia?

Nyawě, Anyambě á yalakě 'dia.

Anyambě a hukidě 'dia?

Nyawě, a ka diate egombe yěhěpi.

O te na moto a ka bweidě elombo Anyambě yěhěpi?

Nyawě, ho bě nangudi ho yowakě mběmbâ  
jaju yěhěpi.

Anyambě a velaki lě moto na?

A velaki nyolo jahu na mahě, ka mwa vě  
hwě ilina.

Ilina a wakate na nyolo?

Nyawě, ilina a waka.

O nyolo e wakě, ilina i kěkě lě ove?

O nyolo e wakě ilina i kěkěndi o ehiki ya  
'gombe yěhěpi.

Nyolo e ka diate pě?

E, Jisus a ka pumbudi nyolo o buhwa bwa  
madikanido.

Wha lukaka o vaha belombo bia ehiki epâkwě wa na bia he tēkaně?

E, Ho lukakandi o vaha belombo bia 'hiki epâkwě wa na bia he tēkaně.

Na nde lě?

Kabojana hwa mbe o dika he tēkaně ndi ho ka diandi o 'hiki epakwe egombe yēhēpi.

Anyambě a velaki lě hwě nande?

Na ivenda jaju.

Ho ka bendělě Anyambě na?

N' itândâ, n' ihaia, n' idilě jaju.

Ho kalakiete Anyambě?

E; Ho kalakiete Anyambě dipâ.

Anyambě a langwakate hwě nyanga 'ju e vahakě ho haka?

E; Anyambe a langwakate hwě nyanga 'ju e vahakě ho haka o ejanganangobo aju.

Hwa lukaka o yokua ejanganangobo ya Anyambě?

E; Oningě ho yokuwe ejanganangobo aju hwa yowě na hwě hwa nyěve.

Anyambě a hwě vengo elekanako aju?

E; a vengo.

Ho duwakalě yâ bovuve ove?

O jom ja belekanako.

Elekanako ya boho lě nde?

Elekanako ya boho ndi, na o diakepě na Anyambě 'pâkwě kab umba.

Elekanako tēkai e sombiakēlē hwě nde?

E sombiaki hwě na, ho dilakě Anyambě na  
ho ka kalakia kabo mâ dipâ.

Elekanako tēkai e kandakidēlē hwě nde?

E kandakidi hwě na ho vēke ulema mwahu  
elombo pâkwě kabo Anyambe.

Elekanako ya bebale lě nde?

Elekanako ya bebale ndi na, o hake ugano  
u kalakiě.

Elekanako tēkai e sombiakēlē hwě nde?

E sombiaki hwě na, ho kalakiete Anyambě  
kabo ka mwa yokwakidě hwě.

Elekanako tēkai e ka ndakidēlē hwě nde?

E kandakidi hwě ipiga ja tângâ, iha ja nje-  
ko, na maganga iyabua ja miondi n' ipâga ja  
melâgâ, na belombo bia jângâ tēdině biěhěpi.

Elekanako y' ilalo e lě nde?

Elekanako y' ilalo e ndi na, o tubake dina  
ja Anyambě etubětubě.

Elekanako tēkai e sombiakēlē hwě nde?

E sombiaki hwě na ho yěněke dina ja An-  
yambě mahihi, na hwě ho ka dilake elombo  
e bakami na mâ yěhěpi.

Elekanako tēkai e kandakidēlē hwě nde?

E kandakidi hwě bekaněkaně be ha bě n'  
itinga.

Elekanako ya benai e lě nde?

Elekanako ya benai ndi na, yongakidě bu-  
hwa bw' iyâjâ, o ka tataka bâ bwam. O hake  
bâ ehavo.

Elekanako tēkai e sombiakělě hwě nde?

E sombiaki hwě na ho lenake bühwa bw'  
iyâjâ n' idilě ja Anyambě.

Elekanako tekai e kandakidělě hwě nde?

E kandakiděndi ehavo ka' 'havo yěhěpi na  
bejopějopě, na ijopa ja mepaka.

Elekanako ya betano e lě nde?

Elekanako ya betano ndi na, dilakě hân-  
gwě na nyângwe.

Elekanako tēkai e sombiakělě hwě ndě?

E sombiaki hwě na ho tândâke na o hekidě  
ba jaki hwě.

Elekanako tēkai e kandakidělě hwě nde?

E kandakiděndi ihadivide na ipua j' iyokia.

Elekanako y' utoba e lě nde?

Elekanako y' utoba ndi na, O weake.

Elekanako tēkai e sombiakělě hwě nde?

E sombiaki hwě na ho bañdamakidě be-  
mēnâ biahu na bia bapâkwě.

Elekanako tēkai e kandakidělě hwě nde?

E kandakiděndi mabino mēhěpi, ekukubi,  
momano, metâbu, ikila, inyungudě, na iyana.

Elekanako ya hëmbwëdi e lë nde?

Elekanako ya hëmbwëdi ndi na, o hake ihonde.

Elekanako tēkai e sombiakëlë hwë nde?

E sombiaki hwë këngëngë ya mapikilia, ndaga, na behadi.

Elekanako tēkai e kandakidëlë hwë nde?

E kandakidëndi elombo ya evove yëhëpi.

Elekanako ya loambi e lë nde?

Elekanako ya loambi ndi na, o ibake.

Elekanako tēkai e sombiakëlë hwë nde?

E sombiaki hwë ka ha megono miahu bwam, ka bandamide ungumba mwahu mëtë, na mwa bapâkwë.

Elekanako tēkai e kandakidëlë hwë nde?

E kandakidëndi iba, ibalana, mbalo, ijania, na bokëhë.

Elekanako y' ibua e lë nde?

Elekanako y' ibua ndi na, o velakie bato bapâkwë.

Elekanako tēkai e sombiakëlë hwë nde?

E sombiaki hwë ikala ja pâkwëpâkwë egombe yëhëpi.

Elekanako tēkai e kandakidëlë hwë nde?

E kandakidëndi bojoa, iyabana, ikândâ, na inoka.

Elekanako ya jom e lě nde?

Elekanako ya jom ndi na, o tânginake belombo bia ngani.

Elekanako tēkai e sombiakělě hwě nde?

E sombiaki hwě ka hwěmiě na nyanga ya Anyambe e vėkě hwě.

Elekanako tēkai e kandakidělě hwě nde?

E kandakiděndi įvahidi via tâ.

Belekanako tēkabe be yokwakidětě hwě nde?

Be yokwakidi hwě na ho tândâke Jěhova Anyambe ahu n' ulema mwahu mwěhěpi, n' ilina jahu jěhěpi, na ngud' ahu yěhěpi, na bato bapâkwě ka nyolo jahu mětě.

Mato wa boho wa Anyambě a velakidilě nja?

Adam.

Mwajo wa boho lě nja?

Iv.

Anyambě a velakite bâ bwamu?

E, a velakite bâ bwam na mbia.

A dikakilě bâ 'vě?

O mwanga mwa Iděn.

Anyambě a langwakielě bâ nde?

A langwakii bâ nâ, ba jakete bebuma bia bele be diakide o Iděn biěhěpi papuděngo yâkâ.

Ba diakite bwam, na mbia ka Anyambě a velaki bâ?

Nyawě; bu' diaka bwam na mbia ka Anyambě a velaki bâ.

Ba jakindi ebuma ya Anyambě e kandakidě bâ?

E; ba jakindi.

Nja langwakii bâ na ba jake ele tēně?

Setan.

Setan lě nde?

Setan ndi ilina ja Anyambě i velaki bwam, ka jâ ja beva.

Setan a tubakwělě njo jâkâ na?

Děvil.

Nj' ivomudwě ja Anyambe i vâki na, i ka vomudwi bâ oninge ba ja ele tēně?

Anyambě a vâki na, oninge ba jenge yâ vâkâna ba wendi.

Bato bēhēpi ba wakandi na o Adam a ha yokakiedi Anyambě?

E, bato bēhēpi ba wakandi kabojana Adam a pulakidě elekanako ya Anyambě.

Yeně e lě na?

Kabojana Adam nda pâkidě bobē o hē, ka bobē bwa pâde iwedo, ka bato biēhēpi ba wakē kabojana ba hakē bobē.

Iwedo tēkadi i te kabo ja nyolo dipâ?

Nyawě; i te na bebēdi, njuke, ngēbē, iwe-

do ja nyolo, na iwedo j' ilina o hěl egombe yěhěpi.

Hěli lě nde?

Hěl ndi iboko via maguga vi ha dimaka vea egombe yěhěpi.

Bato babe ba valakudwěle o hěl nja 'gombiě?

Ba kěkěnd' o hěl egombe abu e umwakě o he těkane.

Hwě běhěpi te ho hakě bobe?

E; hwě běhěpi ho haki bobe opěla Anyambě.

Hwě běhěpi te ho di weango i vala ja hěli?

E; hwě běhěpi ho weango ivala ja hěl, ka-bojana hwě běhěpi te ho hakě bobe opěla Anyambě.

Ho haka lě bobe opěla Anyambě na?

Ho hake bobe opěla Anyambě n' ipikilia ja mapikilia mabe, n' ikala ja ndaga ibe, n' iha ja behadi bebe.

Ho te ho haka elombo e ka pangě Anyambě a yakidě hwě mabe mahu hwě mětě?

Nyawě, hwa yâlě.

O te na moto a di na ngudi ya yonge nyolo aju mětě?

Nyawě, o bě na moto a di na ngudi ya yongě nyolo aju mětě.



Ndi nja di na ngudi ya yongě hwě?

Jisus Kraist a te na ngudi ya yongě hwě.

Jisus Kraist lě nja?

A ndi mwana Anyambě.

E lěnde ya Jisus Kraist e hakidi o iyongě jahu?

A vakiendi ovia hěvĕn, a diaki momo, ka mwa wa o krās.

E lěnde e pangakidi Jisus Kraist a vaka ka wa opěl' ahu?

Itāndě jaju i tāndāki hwě.

Jisus Kraist a mahaka lě na o mwa diakidi o he tēkaně?

A mayokwakidi bato ndaga ja Anyambě, na mwa mahaka tepě belombo bemamana-kwě betě.

A hakilě nja belombwě be mamanakwě?

A mapangakandi pāgu i yĕnĕkě, bebokě be tamwaka, mebědi me yongaka, na bekengo be pumbwaka.

Jisus Kraist a vangwakalě hwě ove?

Ovia bobe na hěl.

Jisus Kraist a vangwakalě hwě ovia bobe na?

A vĕki hwě ilina jaju iam i pangakě hwě melema meam, na ovaně ndo hwě ho ka tādě belombo beam.

A vangwakalě hwě o hĕli na?

A bapakidĕndi ivomudwě ja bobe bwahu o krās.

Jisus Kraist a yongakěte moto wěhěpi?

Nyawě á yongakě bato běhěpi.

A yongakěľě banja?

Ba pitakidě mâ dipâ iyonga.

Bato ba ka pâlě o Jisus Kraist ajadi na?

Na ngěbě opěla bobe n' ikamidě.

Jisus Kraist a te na ngudi na mwa tepě kamiděngo na yonga bato běhěpi?

E, a te na ngudi na mwa te tepě kamiděngo iyongě ja ba vakě mâ ajadi.

Ndi ho ka ha lěnde e ka yongě hwě?

Ho kamakidě Jehova Jisus Kraist vâkâna ho yongindi.

O te na pělě pâkwě y' iyonga?

Nyawě, O i bě na pělě pâkwě ka yonge kabo Jisus Kraist.

Jisus a ka kamiděte o yongě malina mahu egombe yěhěpi?

Nyawě, a yongě hwě oningě hwa wa na mabe mahu.

Hwa nyěve o via o Jisus Kraist ajadi pâni o mwa ngi te kamiděngo?

E; ho lukakandi o via pâni kabojana hwa wě egombe ahu e ka wě.

Be lěnja belombwě be yějěkě o himbidě hwě na ho pâke o Jisus ajadi?

Setan, bobe bwa melema mياهو, na pani ja bato ibe.

Ho hake lě nde ibala ja belombo te bebe ekabe?

Ho uake Anyambe na a hanake hwě o bala belombo tě bebe ekabe.

Uinge ho kamiděnge Jisus Kraist hwa tände mâ?

E; oninge ho kamiděnge Jisus Kraist vâ-kâna ho tândi mâ, ho kalii mâ, na ho yakie tepě mâ.

Nyolo ya Jisus Kraist e dikakudwě lâve o mwa békidi wango?

Ekengo ya Jisus e vamakudwěndi o malonga.

A ngite o malonga bia na bwa buhwa?

Nyawě, a pumbwakindi o buhwa bw' ilalo o mwa békidi wango.

Nandi Jisus a bě lâvě kia těkaně?

A valind' o hěvăn.

A kěkilě o hěvăn ka ha nde?

A kěkindi o hěvăn ka kenjě bato baju iboko.

Bato baju lě ba nja?

Bato baju ndi ba tândâkě, na ba yakakiě mâ běhěpi.

Vi lě nja ibokwě iviaju vi kenjakiě bâ?

A kenjakii bâ hěvăn.

Iboko via hěvăn vi lěnja jângwi?

Vi ndi 'boko viam vitano, bobe bo bě na ngudi bo pâki omě.

E lěnja 'gombia ya Jisus e ka nāngě bato baju o hě-  
věn?

Egombe 'abu e ka dikě he těkaně.

Ba ka wi pě?

Nyawě ba we pě, ba ka dii na Anyambě o  
mbia ya egombě yěhěpi.

Kraist a ka vii pě o he těkaně?

E, Kraist a`ka vii pě o he těkaně.

A ka vialě nja 'gombiě?

O buhwa bwa madikanido.

A ka vialě ka ha nde?

A ka viandi ka yěkidě he.

A ka ha lěna o mwa ka viě ka yěkidě he?

A ka pumbuděndi ba wewe, na mâ a ndia  
bâ o mwa jadi.

A ka yěkidělē bâ na?

A ka yěkidi bâ o belombo biabu be hakidi  
o he těkaně biěhěpi.

Ho ka pâ tepě ka yěkudwě o boho bwa Jisus?

E; ho ka pâte ka yěkudwě o boho bwa  
Jisus?

Ba lě ba nja ba ka huwudwě o buhwa těboně?

Ba kamakidě Jisus iyongia.

Behavo biabu beam be ka hunděte bâ?

Nyawě, belombo biabu be di hango beam  
bia' hundě bâ.

Nd' e lënde e ka huwudě bato ba Kraist?

Nyanga ya Jisus e hakii bâ.

Jisus a ka nângâlě bato baju ove o buhwa bwa madikano?  
nido?

A ka nângi bâ o hěvĕn.

A ka validělě babe ově?

A ka validi bâ o hěl.

Jisus a ka vâlě na baiam o buhwa těboně na?

A ka vwi na baiam na, "Ba paia ba di vambiango ibâtâ vakani, jigakani ipangia i kenjakudwě inyĕni ovia jali ja he."

A ka vâlě na babe o buhwa těboně na?

A ka vwi na babe na, "Yavakidi n' umba inyi ba di hâkwĕngo, kĕkĕni o vea via 'gombe yĕhĕpi vi kenjakudwě dĕvil na enjĕl jaju."

Ho te ho pâkâ o Jisus ajadi kia těkaně?

E, ho te ho pâkâ o Jisus ajadi n' ikalia.

Nja yokwakidě hwě ikalia?

Ilina Iam ndi i yokwakidě hwě ikalia.

Ho ka kalia lĕnja?

Ho ka kaliate kabo Anyambě dipâ.

Ho ka kalialě Anyambě nja 'gombiě?

Ho kalakiete mâ buhwa ka buhwa bwĕhĕpi.

Ho kalakielě na dina ja nja?

Na dina ja Jisus.

Anyambě a ka yokiate hwě ikalia jahu o nyanga ya Jisus?

E; oninge ho kalienge n' ulema.

Anyambě a ka věte hwě ibiahu be ka jombě mâ?

E; Anyambě a ka věte hwě belombo beamu biěhěpi.

Ho ka kalialě mâ nja belombwě?

Ho ka kaliand' Anyambě na a yakidě hwě mabe mahu, a yokwakidě hwě nyanga e di bwamu, a věke hwě ulema mwakia ovane ndi O hwě ho ka tândě na hwě ho ka yokakia mâ, vâkâna Anyambě a vambě hwě ibâtâ o he těkaně, na mâ a nângâ hwě o hěvën o hwě ho ka wě.

Ho yokwakalě belombo te bia pělě Anyambe na hěven na hěl ekabe ově?

O ejanganangobo ya Anyambe.

Ndaja ja Anyambe i tubakwělě na?

I tubakwi na Baibili.

E be elombo eamu na bato ba yokwaka ilanga ja baibili?

E; e ndi elombo eam kabojana omě ndi o hwě ho yokwake opěla Anyambě na malina mahu, na hěvën, na hěl.

## IYOKWANIDĚ VIA MALĚNDWĚ.

1. Nja velakid' âvě?

Upangii Anyambě nda' velaki moto na mahě ma he. GEN. 2:7.

2. O velakudwě lěna?

Mbi velwěngo na mahihi n' imamanwě itě. PSA. 139:14.

3. O velakudwělē nande?

Hekakidě Anyambě o nyolo âvě na ilina jâvě be didi bia Anyambě. 1 COR. 6:20.

4. Anyambě a lěnde?

Anyambě a ndi Ilina. JOHN 4:24.

5. Mběmbâ ya Anyambě lěnde?

Anyambě a ndi itândě. 1 JOHN 4:8.

6. A tepě mahua na hole?

Anyambě ya pâkwěpâkwě e ha bě na bobe, e di mahua na hohonganěngo. DEUT. 32:4.

7. Babě banja ba Anyambě ba tândâkě?

Mbi tândâki ba tândâkě mba. PROV. 8:17.

8. Anyambě a tândâki bato babe?

Anyambě a lingwaki na bato babe buhwa bwěhěpi. PSA. 7:11.

9. O nyanga ya na nděmbě ka âvě nonaně a yongakidě tepě Anyambě ?

Yongakidě nandi Uveli mwâvě o hwi jávě ja nděmbě. ECC. 12:1.

10. Anyambě a tâ yěněkě âvě ?

Âvě Anyambě e yěněkě mba. GEN. 16:13.

11. Anyambě a te iboko viěhěpi, a yěněkě belombo biěhěpi ?

Mihâ ma Jehova ma te iboko viěhěpi, ma hilakě bobe na bwam. PROV. 15:3.

12. Anyambě a yokakate nyanga âvě e kalakě yěhěpi ?

O bě na ndaga o emi amě ndi hilakěte o Jehova o yowuděte ya yěhěpi ta. PSA. 139:4.

13. Anyambě a yowuděte ipikilia jávě jěhěpi ?

Mbi yowuděte belombo be vakě ulema mwavě biěhěpi. EZ. 11:5.

14. Baibil e ndaga ya Anyambě ?

Ilěndwě jěhěpi i věkudwi na itumbwana ja Anyambě. 2 TIM. 3:16.

15. Malěndwě ma ka yâlělě o ha âve nde ?

Malěndwě ma hole ma didi ma yâlâkě o ha âvě iyowě nal' iyonga. 2 TIM. 3:15.

16. O sombiakwi na langaka Baibil ?

Butaka Malěndwě. JOHN 5:39.

17. Baibil e diake lěna âvě ojadi ?

Vitwa o beko biamě na bwe o njea amě. PSA. 119:105.



18. Ndaga ja Anyambě i ka tatand' âvě oningě o tândâkâ já?

Mbi kutango ndaga jávě o 'bumulema amě na mbi' diake na ngudi e hake âvě bobe. PSA. 119 : 11.

19. Anyambě a lě yohaněngo ba nděmbě o Baibil na?

Ba pundakě ivaha jamě ba ka dui mba. PROV. 8 : 17.

20. Anyambě a lě yohaněngo Krisâni o njuke na?

Mbi ka dii na ju o njuke. PSA. 91 : 15.

21. A yohanakě běna o 'bědi?

Jehova a ka yâdidi mâ ikondo ja ikângâ ; o ka bongwandi ikondo jaju jěhěpi o 'bědi aju. PSA. 41 : 3.

22. A yohanakě lě Krisâni na iwedo?

Tombete mba tamuwa itaba ja edingihě y' iwedo, mba bange bobe, kabojana o n' umba, utumbe mwâvě n' ikâgu javě be yâdâkidi mba. PSA. 23 : 4.

23. A yohanakě lěna o bonyamo?

Jehova ndi Utati mwamě, mba nyame. PSA. 23 : 1.

24. A lě yohaněngo nyuwe na?

Hangwě ya ba ha běna bahangwě, na Uyě-kidi mwa mialika ndi Anyambě o edia ju ya hole. PSA. 68 : 5.

25. A yohanakělě batodu na?

Tombete igona janyu itodu, umbi mâ mbi ka bapěndi inyěni kwanga-na vala o howe ja nyuwe; mbi velango mbi ka bokwandi, umba mbi ka bapěndi n' umba mbi ka věngidend' âvě. ISA. 46:4.

26. Belombo biěhěpi be kovaki bana ba Anyambě bwam?

Belombo biěhěpi be haki ta o bwam bwa ba tândâkě Anyambě. ROM. 8:28.

27. Belombo biahu beam be vakia lâve?

Ya bověkwě eam yěhěpi na ya bověkwě ya hânjâbiěngo yěhěpi e vakiandi oba, e hubakandi ovia o Hangwě a bwe ajadi. JAS. 1:17.

28. O moto ube?

Běhěpi ba hango bobě ba bě pâděngo iven-da ja Anyambě. ROM. 3:23.

29. Bobě bo pâkilě o he na?

Bobě bo pâkindi o he na moto umbâkâ. ROM. 5:12.

30. Bato babe ba ka valand' o hěl?

Bato babe ba ka valudwěnd' o hěl. PSA. 9:17.

31. Ilina jâvě i ka yonga lěna?

Kamakidě Upangii Jisus Kraist vâkâna o yongindi. ACTS 16:31.

32. Upangii Jisus a vakilě ka ha nde o he?

Kraist Jisus a vakiendi o he ka yongě bato babe. 1 TIM. 1:15.

33. Kraist a ndi Anyambě?

A jadi molo mwa běhěpi, Anyambě y' ibâtâ egombe yěhěpi. ROM. 9:5.

34. Kraist a ndi ovia egombe yěhěpi.

Mâ te a diaki na Anyambě o jali. JOHN 1:2.

35. Kraist nda' velaki belombo biěhěpi?

Mâ nd' a velaki belombo biěhěpi; o běna elombo e di velwěngo eaju e ha velakidi. JOHN 1:3.

36. Kraist a ulwaka?

Jisus Kraist a te nyangatě ya pâkâ, vaiko, na buhwa, na egombe yěhěpi. HEB. 13:8.

37. Kraist a yowuděte belombo biěhěpi?

Upangii o yowuděte belombo biěhěpi. JOHN 21:17.

38. Kraist a ta' haka belombo biěhěpi?

Ngudi yěhěpi e věwěngo mba o hěvën na o he. MATT. 28:18.

39. Bato běhěpi ba hekakidě?

Mwana pani ka bâ ba hekakidě Hangwě. JOHN 5:23.

40. Beyokwedi ba kalakii Kraist ?

O bâ ba yěněki mâ ka bâ ba kalia mâ.  
MATT. 28 : 17.

41. Kraist a mayakidi bobe ?

Ndi ovaně nd' inyěni o ka yowě na Mwana  
moto a na ngudi o he yakidě bobe, (jâ ndi  
ijaju ja vâ n' ubědi mwa ngadi na,) Umwaka,  
nângâkâ ikondo jâvě, wa vala o ndabo âvě.  
MATT. 9 : 6.

42. Mot' upakwě a te a yakidě bobe ?

Nja didi a yakidě bobe hanga kabo Anya-  
mbě dipâ ? MARK 2 : 7.

43. Anyambě a vâkâ lěna Kraist na ?

Eka 'vě, O Anyambě, e ndi egombe yěhěpi  
na 'gombe yěhěpi. HEB. 1 : 8.

44. Mwana wa Anyambě Kraist a ulwaki moto ?

Anyambě a levakudwěndi o mehoni. 1 TIM.  
3 : 16.

45. A yâdâkindi iyokwanidě jaju na belembo ?

Kamakidi mbani opěla behavu mětě. JOHN  
14 : 11.

46. Belembo biaju be diaki beítě ?

O na ndembo ipâkwě itě pâkwěpâkwě ja  
Jisus i hakidi o boho bwa beyokwedi biaju  
i ha bě lěndwěngo o ejanganangabo tēkae.  
JOHN 20 : 30.

47. A haki lěna o he ?

A makěkěndi a kěkě a haka bwam. ACTS  
10 : 38.

48. Uhingini te kabo Kraist dipâ ?

O běna dina ipâkwě i di věwěngo bato  
ibomaka ja oba ijahu i ka yonganwě. ACTS  
4 : 11.

49. Ulati te kabo Kraist dipâ ?

Anyambe e te yâkâ, na Ulati umbâkâ o  
hanganě ya Anyambě na bato, moto Kraist  
Jisus. 1 TIM. 2 : 5.

50. Kraist ndi Ukamanii mwahu ?

Ukamanii na Hangwě, Jisus Kraist ueamu.  
1 JOHN 2 : 1.

51. Kraist a hâhâlâkiděndi opěla 'hu ?

A hâhâlâkidě tepě opěla 'hu. ROM. 8 : 34.

52. Kraist a tândâki ba nděmbě na mwa vahaki bâ ba  
vaka o mwa jadi ?

Jisus a vâki na, Dikakani ba nděmbě, n'  
inyěni o kandakidi bânî ba vake umbi jadi.  
MATT. 19 : 14.

53. O nyanga ya na o na ebumulema ebe ?

Ebumulema a nd' iyabana wa na belombo  
biěhěpi na mwa na bobě boitě mětě. JER.  
17 : 9.

54. Ba nděmbě mětě ba haka tepě bobe?

Ba hunganakate o bâ ba jakwě ba langwaka bojowa. PSA. 58 : 3.

55. Elekanako ya Anyambě e vâkâ lěna bato babe na?

Ilina i haka bobe i ka wandi. EZ. 18 : 20.

56. O ka pâlě o hěvěn na?

Oningě moto a to jawě epâkwě njo a yěne ipangia ja Anyambě. JOHN 3 : 3.

57. Ijawě epâkwě njo lěnde?

Ulwakudwěpěni ilina ja melema manyu. EPH. 4 : 23.

58. Ho ka yowělě na moto a jandipě epâkwě njo?

Ya Anyambě e jakě yěhěpi e balaki he. 1 JOHN 5 : 4.

59. Ilina Iam i haka lěna ijawě jahu ipâkwě?

Oningě moto a to jawě na miba na Ilina a ngie ipangia ja Anyambě. JOHN 3 : 5.

60. Ilina Iam nd' i lwakidě hwě?

A yongakidi hwě n' ituka j' ijawě iyânâ na iludwě j' Ilina Iam. TITUS 3 : 5.

61. Ilina Iam i tubakwěndi o Malěndwě na, Anyambě?

E lěnde ya Setan e didi âvě londango o 'bumulema ijowia ja Ilina Iam? O bě jowiangogo bato, nd' o jowiangogo Anyambě. ACTS 5 : 3, 4.

62. Bebuma bia Ilina lěnde ?

Bebuma bia Ilina ndi itandě, upeyo, jonga, iyika, kěngâ, bwam, ikamidě, hwě, nditi. GAL. 5 : 22, 23.

63. Moto a ka diate Krisân a' levidě na a ndi nonaně na ihadi viaju ?

O ka yowěndi bâni na bebuma biabu. MATT. 7 : 20.

64. O lukakand' o kalia ?

Bato ba lukakand' o kalia egombě yěhěpi. LU. 18 : 1.

65. O lukaka tepě o kalia opěla 'lombo âvě e vahakě yěhěpi ?

Yowakiděni Anyambě o elombo yěhěpi ivaha janyu n' ikalia n' ijomba na ilanga jaju. PHIL. 4 : 6.

66. Ho kalakielě na dina ja nja ?

Mbi ka hand' eanyu e ka nwě na dina jamě jěhěpi. JOHN 14 : 13.

67. Kraist a vâki na a ka vi nyanga 'vě e uwakě ?

Uwaka, e ka věwěnd' âvě. MATT. 7 : 7.

68. Ikalia javě i ka yavwanwěte oningě âvě lilimiděngo bobe ?

Jehova a yôkie mba oningě mbi tanginaka bobe o ebumulema amě. PSA. 66 : 18.

69. Ho kalakie opěla bato bapâkwě ?

Mbi levakand' inyěni o boho bwa biěhěpi

na ijomba, ikalia n' ihâhâlidě na ilanga ja Anyambě be hakwě opěla bato běhěpi. 1 TIM. 2:1.

70. Anyambě a kandakiděndi ikalidi vibe?

O tubake dina ja Jehova Anyambě âvě o naně. EX. 20:7.

71. Anyambě a ka halě ba ikalidi vibe na?

Jehova a yěne a tubakě dina jaju o naně na a bě kobango. EX. 20:7.

72. E bobe na moto a kanaka?

O kanakie tombe oba, tombe he, tombe ekana ipâkwě. JAS. 5:12.

73. Buhwa bw' iyâjâ bo tatakwě lěna?

Yongakidě buhwa bw' iyâjâ itata ja bwâ hole. EX. 20:8.

74. Iyâjâ i hakudwě lěnja?

Iyâjâ i hakudwě moto. MARK 2:27.

75. Iyâjâ i hakudwě lěnja 'gombiě?

Ka mwa yâjâ behavu biaju be hakidi biěhěpi o buhwa bwa hěmbwědi, ka Anyambě a vambia buhwa bwa hěmbwědi ibâtâ ka mwa nyěvidě bwâ. GEN. 2:2, 3.

76. Anyambě a yohanakidělē Israēl na oningě ba tatingě buhwa bw' iyâjâ hole?

Oningě o luděngě itambi jâvě o buhwa bw' iyâjâ ovia iha ja mbia âvě o buhwa bwamě



bwa hole, na nâvě o ka tubaka buhwa bw' iyâjâ na mbia buhwa bwa Jehova bwa hole bo dilakwě, na nâvě o ka dilakě mâ, o hae pělě jávě mětě, na nâvě o due mbia âvě mětě na nâvě o kale ndaga jávě mětě: vâkâna nandi o peyidi nyolo âvě mětě o Jehova, n' umba mbi ka pangand' âvě o kahamaka o loboko la he l' udomba. ISA. 58 : 13, 14.

77. Bana ba yokakie bahangwě na banyangwě?

Bana yokakii bahangwě banyu na banyangwě banyu na belombo bičěpi kabošana ekae o tândâkiděndi Upangii bwam. COL. 3 : 20.

78. Baibil e vâkâ lěna bana ba hadivakidě bahangwě na banyangwě na?

Jâki na a hadivakidě hangwě naba nyangwě. DEUT. 27 : 16.

79. Hekakidě tepě batodu?

Těmě o boho bwa ba myolo na nyuwe na nâvě o ka hekakidě boho bwa utodu. LEV. 19 : 32.

80. Bahangwě na banyangwě ba bana ba senjake bâ na ba hake bobe, ipě ba yokwakidě bâ?

Tumbwanaka mwa o njea ju e lukakě o vala vâkâna a věngěmekě omě o mwa ka diě utodu. PROV. 22 : 6.

81. Anyambě a sombiaki bahangwě na banyangwě ba bana na ba bomake bâ oningě ba haka bobe?

Bomaka mwan' âvě ipitě i ngitewě, na ilina jâvě i kobake opěla iya jaju. PROV. 19:18.

82. Anyambě a vâki lěna Eli na o mwa ha kandakidě bana baju?

Mbi mâ languango na mbi ka yěkidi ndabo aju egombe yěhěpi opěla bobe bwaju bo di yowěngo; kabojana bana baju ba bevěngo nyolo jabu na mâ a' kandidě bâ. 1 SAM. 3:13.

83. O kandakudwi na o weanake?

O weake moto. EX. 20:13.

84. Baibil a vâkâ lěna moto a binakě mwana nyangwě?

A binakě mwana nyangwě wěhěpi a ndi nweani. 1 JOHN 3:15.

85. Diaka na ngambi ulema?

Joba i' kweakie na malingwa mâvě. EPH. 4:26.

86. Ho timbake bobe?

O vâke na mbi ka ha tepě mâ pani ka mwa di mba hango. PROV. 24:29.

87. Baibil e kandaki ndaga ja sěķě?

Ilango ibe i' pumake udumbu mwâvě. EPH. 4:29.

88. Uhungini mwahu a vâkâ lěna ba bebumulema kěngěngě na?

Ibâtâ na ba bebumulema kěngěngě, kabojana ba ka yěněndi Anyambě. MATT. 5:8.

89. E te hohonganěngô na o nângâkâ elombo e ha bě eâvě?

O ibake. EX. 20:15.

90. Ipehua na biějâ be ha bě hohonganěngo be kandakudwěndi?

Udodo mwa bojowa u manya o Anyambě ajadi. PROV. 11:1.

91. Iyabana k' iyabana wěhěpi a kandakudwěndi?

Moto a balake na mwa yabake mwana nyangwě elomba ka 'lombo. 1 THESS. 4:6.

92. E bobe na nâvě o diaka o věe inwana ja hohonganěngo?

Bato babe ba nângâki njěmbi ndi ba timbakě. PSA. 37:21.

93. Bojowa ka bojowa wěhěpi bo kandakudwěndi?

Langwanakiani pâkwěpâkwě. EPH. 4:25.

94. Anyambě a yěněkělě mejojowa na?

Belěbu be jowakě be manya o Jehova ajadi. PROV. 12:22.

95. Mejojowa ba ka hawě lěna?

Mejojowa miěhěpi ba ka pahii ngabo abu o etima e yodakě na vea. REV. 21:8.

96. E bobe na o velaka upako?

O yalakě upako mwa bojowa. EX. 23:1.

97. E bobe na o hamanakidě upako mwa bojowa?

O kěķě o kěķě o betaka na nâvě o hubaka  
ona ubapi mwa malango o bato bâvě bajadi.  
LEV. 19 : 16.

98. O kandakudwi na o tânginake?

O tânginake. ROM. 13 : 9.

99. Itângina a bobe o Anyambě ajadi?

Itângina i jadi ikalia j' ngano. COL. 3 : 5.

100. Baibil e vâkā lěna opěla itândâ ja hika?

Itândâ ja hika ndi tina ya bobe bwěhěpi.  
1 TIM. 6 : 10.

101. Moto w' itângina a ka hwěmiěte ulema?

A tândâķě hika etano a hwěmie na hika  
etano, tombe a tândâķě bwingě o hwěmie na  
bwinge. ECC. 5 : 10.

102. Ho diake hwěmiěngo n' itingidi viahu vi didi?

Mbi yokuwango idia ja hwěmiěngo n' iti-  
ngidi viamě vi jadi viěhěpi. PHIL. 4 : 11.

103. E bobe na ho vilinganakě belombo bia he?

O tândâķe he, tombe na belombo be didi  
omě. 1 JOHN 2 : 15.

104. Iha ja bobe na belombo behâlě a te bobe pani tě  
ka belombo beněně?

A ka tatě belekanako biěhěpi na mwa kâbâ  
na yâkā a kobango běhěpi. JAS. 2 : 10.

105. Na o dia na dina iam na o dia na hika eitě o ka dia lěnde?

Dina iam a pânâkwě wa na hika eitě.  
PROV. 22 : 1.

106. Ipahia ja hika eitě a na mahihi?

Mbi vâki n' inyěni pâkwěpâkwě e ka dii bokolo na moto a di kenango a ngakia o 'hiki ya hěvăn. MATT. 19 : 23.

107. O na elombo epâkwě e dipe iwea wa na ilina?

E lěnde ya moto e ka kově oningě a pahia he yěhěpi na mwa nyangě ilina jaju mětě? E lěnde ya moto e ka věyě o mahana ma ilina jaju. MARK 8 : 36, 37.

108. O sombiakwe na diaka na kěngâ na bova?

O behalakiděni iha ja bwam n' ikaba, ka-bojana miambotě mia jângâ tědině me tâ-ndâkiděndi Anyambě bwam. HEB. 13 : 16.

109. Ho hakelě banja bwam?

Pani ka hwě ho di na egombe ho hake bato běhěpi bwam, wawa ndi ba ndabo ikamidě. GAL. 6 : 10.

110. Mekuge ba te ba nyěvěkě mambo, na bâ ba diaka tepě na bova?

Oningě o diingě o boho boho ulema mwa bâbângo u věhělekudwěndi hohonganěngo na nyanga ya moto e janidi, hanga hohonganěngo na eaju e ha běně. 2 COR. 8 : 12.

111. O ka ha lëna oningě bato tâvě lilimiděngo iha ja bobe ?

Tândâkâni baloni banyu, vambakia ba hâ-kâkě inyěni ibâtâ, hakani ba binak' inyěni bwam, n' inyěni o ka kalakiani opělě ya ba ngongolakě inyěni na ba haka inyěni evita. **MATT. 5 : 44.**

112. E lëndē ka vitě ipuhwa ja nditi o he tēkaně ?

Eyânga na savulaka ba ka kwi na bonyamo. **PROV. 23 : 21.**

113. Beyânga ba ka ha lëna o 'hiki e vakě ?

Na miibi na batângini na beyânga na bakilani na bapatwani ba jige ehiki ya Anyambě. **1 COR. 6 : 10.**

114. Pâkidě nyolo âvě iyějudwě oningě na beně ndi be ka vitě ipeya o 'hiki tēkae na o e vakě ?

O hilake ivě o jâ i di vei, o jâ i vĕkě ehini aju imâgi, o jâ i ninganakě jâ mětě hohonganěngo ; i ka komandi o madikanido ona mba-mba, na jâ i ka lovandi ona pe. **PROV. 23:31, 32.**

115. Wa bâbe idika j' inâtâ ja maku oningě ibenganě jâvě i pangaka bato bapâkwě ba peyaka ?

E bwam na o diaka o je mehoni na o mâte ivě naba elombo ka 'lombo ya mwana nya-ngwě e vungulanakě tombe eaju e kâbânakě naba e vâhâmâkidě mâ. **ROM. 14 : 21.**

116. E te lukango na o kěķě iboko vi' iyějudwě?

Bambwaka viâ, o tombake na via piělě,  
ulwakia viâ mbuhwa, wa tomba. PROV. 4:15.

117. O ka ha lěna iduma ja iyějěniě ja děvil?

Vamakěni nguba ya Anyambě yěhěpi ovaně  
ndo inyěni o ka yălě itěnidě na mekândâ mia  
děvil. EPH. 6:11.

118. Kraist a vâkâ lěna balati ba monga na?

Ibâtâ na balati ba monga, kabojana ba ka  
tubwi na bana ba Anyambě. MATT. 5:9.

119. Pikilakia kabo nyolo âvē mětě? Kraist a pikilakii  
kabo nyolo aju mětě?

Pělě Kraist a' tândâkidě nyolo aju mětě.  
ROM. 15:3.

120. E hohonganěngo na o diaka o hae ehavu?

Ilina i ha haka i ka yoki nja. PROV. 19:15.

121. Wa lukaka o bala malingwa mâvē?

A di bodilo n' ilinguwa a bwam wa na wa  
ngudi, na a pangakiě ilina jaju a wa na a nâ-  
ngâķě mboka. PROV. 16:32.

122. Diaka na ķěngâ n' ulunda?

Diakani n' ulunda. 1 PETER 3:8.

123. E hohonganěngo na o yavwanaka moto na mbimba  
naba makěķâ?

Iyavwana ibâbu i timbaki malingwa. PROV.  
15:1.

124. E hohanganěngo na o yabanaka?

Moto a kândâkě moto a bakakě na ju a takiděndi elâba o beko biaju. PROV. 29 : 5.

125. Njea ya bapuli e bobâbu?

Njea ya bapuli e nd' ekolo. PROV. 13 : 15.

126. Njea ya baiam e lěna?

Njea jaju i njea j' ulunda, njea jaju jěhěpi i njea ja jonga. PROV. 3 : 17.

127. Bato babe ba yěněkěte mbia?

Jehova mâ na, Jonga i bě o bato babe baji. ISA. 48 : 22.

128. O ka wandi?

E kenjwěngo bato njo pâkâ na ba ka wandi, ndo iwedo kělěbě vâkâna yěkě. HEB. 9 : 27.

129. Iwedo i pâkilě o he na?

Bobe bo pâkindi o he na moto umbâkâ, na iwedo na bobe. ROM. 5 : 12.

130. Baibil e vâkâ lěna Krisân iwedo na?

Ibâtâ na bawewe ba wakě n' Upangii. REV. 14 : 13.

131. Krisâni ba ka balandi iwedo?

Iwedo i miudwěndi ibala. 1 COR. 15 : 54.

132. Nja věkě ibala?

Ilangwě i diaki na Anyambě a věkě hwě



ibala opěla Upangii mwahu Jisus Kraist.  
1 COR. 15 : 57.

133. Ba ka timbipě o 'měnâ?

Iwěla i vakandi ja ba didi o malonga bě-  
hěpi i ka yokě joi jaju na bâ ba puma. JOHN  
5 : 28, 29.

134. Nyolo e ka pumbudwendi?

Nyolo tě e wakě 'kaně e ka vaměndi e ha  
waka. 1 COR. 15 : 53.

135. O ka pand' o yěkě ya Anyambě ka yěkudwě?

Mbi yěněki bawewe bahâlě na baněně tě-  
mětěmě o boho bwa Anyambě, na bejanga-  
nangobo bumudwěngo, na ejanganangobo  
epâkwě bumuděngo e jadi ejanganangobo ya  
'měnâ; ka bawewe ba yěkudwě o belombo be  
diaki lěndwěngo o bejanganangobo tě, hoho-  
nganěngo na behadi biabu. REV. 20 : 12.

136. Jisus a ka vâ lěna ba tândâkě mâ o buhwa bwa  
yěkě na?

Ba ibâtâ ja Paia, vakani jigakani ehiki e  
kenjakudwě inyěni ovia o jali ja he. MATT.  
25 : 34.

137. Jisus a ka vâ lěna babe na o buhwa bwa yěkě?

Věngěměkěni umba mbi jadi inyěni ba di  
hakwěngo, o vea via egombe yěhěpi vi kenja-  
kudwě děvil na injěli jaju. MATT. 25 : 41.

138. Kraist a kenjango ba tândâkě mâ iboko?

Mba li ka kenjě inyěni iboko. JOHN 14:2.

139. Ba ka lě ovoně ba ka yěnindi utambo egombe yěhěpi?

O pwanja 'vě o na ti ya mbia, o enâ 'vě eyomi o na upeyo mwa egombe yehěpi. PSA. 16:11.

140. Badii ba hěvěn ba yěněpě betunia?

Anyambě a ka titwi manyângâdiba měhěpi o miha mabu; omě wa diepě n' iwedo na ngěbě tombe na mbembe; na mehio mia diepě omě. REV. 21:4.

141. Ipâ ja hěvěn i nd'elombo ebâbu?

Haka na ngudi ingia ja jâmbě ihâlě, kabojana mbi vâki n' inyěni na baitě ba ka vahand' o ngia omě ndi ba yâlě. LU. 13:24.

142. Bato běhěpi ba tândâkândi mbia ya hěvěn na bâ ba vahaka yâ?

Dihâ i bě yěněngo, na ditâ i bě yokango, na belombo bia Anyambě be di kenjango ba tândâkě ma be ngiango o 'bumulema ya moto, ndi Anyambě a levidi hwě bâ na Ilina jaju. 1 COR. 2:9, 10.

143. Ebano âvě yěhěpi o Anyambě na bato ba didi lěnde?

Tândâkâ Jehova Anyambě âvě na ebumulema 'vě yěhěpi n' ilina jâvě jěhěpi n' ulema

mwâvē mwēhēpi, na nâvē o ka tândâkâ moto  
a bakakě na nâvē panika nyolo âvē mětě.  
MATT. 22 : 37, 39.

144. O ka levidě lěna o tândâkândi Anyambě na?

Oningě na o tândâkândi mbani, tataki be-  
lekanako biamě. JOHN 14 : 15.

145. O lukakalě o ha bato bapâkwě na?

Pani k' inyěni o vahakě bato ba hak' inyě-  
ni haka tepi bwi nonaně. LU. 6 : 31.

146. E lěnde ya Anyambě e nwaki âvē na haka, âvē o  
di nděmbě okava?

Wa ndakie mba ovia o 'gombe tēkae na,  
Paiau âvē ndi Utumbwani mwa nděmbě amě.  
JER. 3 : 4.

147. Anyambě a ka vaha lěnde âvē ojadi oningě wa  
nângâ mâ na a diake Utumbwani mwâvē?

Jehova a vahakalě âvē ojadi nde, kabo iha  
ja mahua n' itândâ ja ngěbě n' itamua hubia-  
ngo na Anyambě âvē? MICAH 6 : 8.

148. Idia ja Krisân ya pâkwěpâkwě i lěnde?

Ho yokakeni ihuku ja upako mwēhēpi :  
Bangaka Anyambě, tataka belekanako biaju,  
kabojano ya moto yēhēpi nd' ekae. Kabo-  
jana Anyambě a ka pāděndi ehavu yēhēpi o  
yěkě na elombo y' ikutakuta yēhēpi, tombe  
e didi bwam na tombe e didi bobe. ECC.  
12 : 13, 14.



## JOMU JA BELEKANAKO.

I. O diake na Anyambě epâkwě kabo umba.

II. O hake ugano mwa bopakaka, tombe ehini ya elombo e jadi o hěvĕn oba, tombe o he ibomako, tombe e jadi o miba o ibomako ja he. O balamake nyolo âvĕ o miâ mejadi, o dilake miâ, kabojana umba Jehova Anyambě âvĕ mbi ndi Anyambě y' ivuva, e pâkidě bobe bwa bahangwĕ o bana bajadi na la mbamba ilalo n' inai ba binaka mba; e levakidě ngĕbĕ o tâjen i tândâkĕ mba ijadi, na bâ ba tataka belekanako biamĕ.

III. O tubake dina ja Jehova Anyambě

âvě o naně ; kabojana Jehova a yěne a tubakě dina jaju o naně na a bě kobango.

IV. Yongakidě buhwa bw' iyâjâ itata ja bwâ hole. Janjaka hwi utoba na nâvě o ka haka behavu biâvě biěhěpi. Ndi buhwa bwa hěmbwědi bo ndi iyâjâ ja Jehova Anyambě âvě: o hake bwâ ehavu eâvě, naba mwan' âvě wa momo naba mwan' âvě wa mwajo, uhaii mwâvě mwa momo naba uhaii mwâvě mwa momo, naba bembe biâvě, naba mwěngi u jadi utema mwa mambě mâvě ma mboka. Kabojana Jehova a velakindi oba na he na manga na belombo be jadi omě biěhěpi o hwi utoba, ka mwa yâjâ o buhwa bwa hěmbwědi: ovaně ndo Jehova a vambakiedi buhwa bw' iyâjâ ibâtâ ka mwa nyěvidě bwâ.

V. Hekakidě hângwě na nyângwě ovaně ndo hwi jâvě i ka yavě o ehiki ya Jehova Anyambě âvě e věki âvě.

VI. O weake moto.

VII. O hake ihonde.

VIII. O ibake.

IX. O velakie a bakakě na nâvě elombo.

X. O tânginake ndabo a ngani ; o tânginake mwada ngani, naba uhaii mwaju mwa

momo naba uhaili mwaju mwa mwajo, naba nyati aju, naba as aju, naba elombo ka 'lombo e jadi eaju.

---

## IKALIA JA UPANGII.

Hangw' ahu a jad' o hēvēn, dina jāvē i diake hole. Ipangia jāvē i vake. Upango mwāvē u hamake o he, ka mu jad' oba. Vě-kě hwě o buhwa tēkabo beja bia buhwa bohuhu. Na nāvē o ka yakidě hwě pani ka hwě ho yakidě ba hakě hwě bobe. O valakidě hwě iyējjudwě, ndi vēngěkidě hwě o bobe. Kabojana ipangia, na ngudi, n' ive-nda, be ndi biāvē egombe yēhēpi. Eměn.

## VIEMBO 1.

1. Mbi tândâkândi Jisus Kraist,  
Mbwe amě eam,  
A tândâki mba ovio,  
A tataki mba bwam.
2. Mbi tândâkândi Jisus Kraist,  
A diakind' o hěvĕn,  
Ovaně a t' ovia he,  
Ka ha bato baju bwam.
3. Mbi tândâkândi Jisus Kraist,  
A vakiend' o he ;  
Na ka ha bato baju bwam  
Ka mwa a wa o krâs.
4. Mbi tândâkândi Jisus Kraist,  
Uhungini mwamě,  
Oningě mba kamidě mâ  
A ka nângi mb' o hěvĕn.
5. Mbi tândâkândi Jisus Kraist,  
Mbi ka lati naju  
O mwa kavia ka late  
Bato baju o he.

6. Mbi tândakândi Jisus Kraist,  
 A mwana Anyambe  
 A ka hungini nyol' amě  
 O boke na o hěl.

## VIEMBO 2.

1. O ndi na 'hiki eam  
 O baiam ba tumbwakide,  
 Ehiki ya jonga n' upeo,  
 Na ibenda ja hěvěn.  
 Hw' aland' ovone ;  
 Ho ka bati koroa j' ibalana  
 O Ehiki eam oba.
2. O ndi na 'hiki eam,  
 O ngěbe ha pākā,  
 Ehiki e ha yakwě mbembe  
 O hěvěn a bendakwě  
 Hw' aland' ovoně.  
 Ho ka bātā koroa j' ibalana  
 O Ehiki eam oba.
3. O ndi na 'hiki eam,  
 Ewakě ya yěnwě ;  
 Ivititi ja ngi omě,  
 E ndi na bwe n' ipanya.  
 Ho ka pāndi,  
 Ho ka bātā koroa j' ibalana  
 O Ehiki eam oba.



4. O ndi na 'hiki eam,  
 Ya itândě na hwě.  
 Ho ka diand' ovoni bwam  
 Na dia Anyambě oba.  
 Ho ka pândi  
 Ho ka bâta koroa j' ibalana  
 O Ehiki eam oba.

## VIEMBO 3.

1. Anyambě o nd' ipitě jamě  
 Ja 'gombe yěhěpi,  
 Enâ 'vě e betidi mba,  
 Mbi bě pě n' ipitě.
2. O ka tumbwanaka beko,  
 O nginga ya 'mênâ,  
 O ka pâdi mba ka dia  
 O pwanja 'vě tepě.
3. Mbi jadi oba, n' Anyambě  
 A die, mba peya,  
 Mbi vahakandi kab' âvě,  
 Umbi jadi o he.
4. Oningě 'mênâ ya maia,  
 N' ulema mwa kâmbâ,  
 Anyambě nd' ilalě jamě,  
 Na ngudi ya baiam.

5. Bato ba dikakě ávé,  
Ba wakandi mětě,  
Megano miá yongě pé bâ,  
O bâ ba ka yamě.
6. Ibengia ja Anyambě,  
I ka tândidi mba,  
Emi amě e ka hamané,  
Kabo chekw' ávé.

## VIEMBO 4.

1. Bato babe hilakěni  
Mwana wa Anyambě,  
A tukakě bobe bwahu,  
Na makia maju.
2. A vakii mětě oba,  
Ka mwa huba o he ;  
A vangwaki hwě mâ mětě :  
Ka hilaki mâni.
3. A vakindi ka yongě hwě,  
Mâ mětě o naně,  
Na 'hekw' aju mětě 'něně :  
Ka hilaki mâni.
4. Bato babe ba kěkěni,  
Jisus a bandi bâ ;  
Vaka, vakani pâni we,  
Ka hilaki mâni.

5. Ba timbakidi, ba vaki  
O Jisus ajadi ;  
Umwakani, kĕkĕni we,  
Ka hilaki mâni.
6. Ho ndakudwëndini mĕtĕ,  
Na 'Nyambĕ ya oba,  
Ka dia na bato baju :  
Ka hilaki mâni.

## VIEMBO 5.

1. Ebumulem' eam  
E tândâkĕ Jisus,  
Yĕjĕkĕ ngud' âvĕ,  
Kenakĕ kuma 'ju :  
Langwakia oba na he,  
Ka mâ a tândâkid' âvĕ.
2. Ibenda j' Anyambĕ,  
N' itând' o pĕl' âvĕ,  
Ndi be pangaki mâ,  
A mĕmĕki iha  
Ja 'havu di bonĕnĕ wa,  
Na nyang' ahu e ka yowĕ.
3. A vĕngĕkidĕndi  
Koroe 'ju eam,  
Na kĕmbâ aju tepĕ,  
Ka mwa huba o he.

A yaka-a tâkâ makia,  
A wakindi ka yongě hwě.

4. A pumbwakind' o he,  
Mboka ya bawewe,  
A balindi Setan,  
N' ivenda iněně,  
Ubali a betind' oba,  
Ka pangia o eka 'ju.

5. Jisus hwa timbě âvě  
Inângânâ jahu,  
Nandi ho věnd' âvě  
Ebumulem' ahu ;  
Ho bě na 'lombo epâkwě,  
Wa vahaka pě epâkwě.

#### VIEMBO 6.

1. Umwaka ilina jamě,  
Bendak' Uvangui mwâvě,  
A uwakand' âvě viembo ;  
Itândě jaju nd' o naně.
2. O mwa yěněki mba kwango,  
A ngite a tândâkě mba,  
A hunginaki mb' inyanga ;  
Itândě jaju nd' o kena.
3. Tombekete ndoba itě,  
Tombekete he na hěł ta,  
A tumbwanakate mba bwam ;  
Itândě jaju nd' o yâdâ.

4. A tēmēngo baka n' umba,  
Oningē njuke ya lata  
Pivi, ka 'vindi y' ivitit',  
Itândē jaju nd' o nyěvě.
5. Ngud' amě e ka segandi  
Piělě, vākāna mbi wendi,  
Ndi bēngě mbi tumbwakidě  
Itândē jaju iwedo.
6. Bēngě mbi betakě oba,  
O mwehe u ha bē n' ihuk',  
Mbi ka tumbwiděndi na mbya,  
Itândē jaju tepě oba.

## VIEMBO 7.

1. Bato babe vakani we,  
Mebědi na mekuge,  
Bâ bēhēpi, ba vakete,  
Jisus a vengakandi;  
A na ngudi,  
O bomake pi penda.
2. Ba nyamakě, vakani we,  
Vakani, iyě, iyě,  
Hekakiděni Anyambě,  
A hunginakate hwě,  
O naně pa :  
Ka, kwakěni o-naně.

3. Ulema ú himbakidě,  
     Vakateni nonaně,  
   Kraist a vahakandi nyěni,  
     Vaki pāni, okava :  
         Kraist a yongě,  
         Jisus a de ivenga.
  
4. Ba di na maumba ba vake,  
     Wa yālě pě o via,  
   Oningě wa vengiděni,  
     Na ta nyěvě nyěvēngo,  
         Hanga baiam,  
         Babe ndi ba ndakudwě.
  
5. Hilakěteni a duwi  
     Nyěni, n' inyi wa yoki  
   Ka mwa yakidi o ele,  
     Na, e hānjābiendi,  
         Mbi maděndi,  
         Ekae e bēni twětwwě?
  
6. Jisus Kraist a betind' oba,  
     Ka hāhālidě Hangwě,  
   O pěl' ahu ya bēhēpi ;  
     Pitakidě kabo mā :  
         Jisus dipā,  
         Nd' a ka haě inyěni bwam.

## VIEMBO 8.

1. Wahu nd' âvê Jeruselēm,  
Mbi ka pând' ovoně,  
O 'havu amě e ka maiě,  
Ivenda n' utambo.
2. E lě nja 'gombiě eamě  
Ka yěně mehěngě  
Miâvě, me di ngěningěni,  
Na hik' e yodakě?
3. E lě nja 'gombiě eamě  
Ka betě ovoně,  
Ka lata na ba validi,  
N' Uhungini mwamě?
4. Ovoně o kebakěndi  
Iděni yěhěpi ;  
Bobe bwa pâe pě omě,  
Ka ha hwě pahaka.
5. E lě nd' eamě e mbakě  
O banga iwedo,  
Mbi di na wahu Kenani  
Eamu o boho.
6. Apâstěli na basâki,  
Ba valind' ovoně,  
Piělě, vâkâna Krisâni,  
N' umba ba valindi.

## VIEMBO 9.

1. Yokaka joi j' itândě,  
I vakandi ukodi ;  
I pēhēkēndi malalě,  
I ninganakēndi he.  
E maiēndi,  
Yokakani Uyongi.
  
2. E maiēndi, ndaga eam,  
E pangakě mbya 'nēně,  
Ibâtâ ja Uhungini  
I vakiandi oba.  
E maiēndi,  
Baiaam yongakiděni.
  
3. Mâ nda' hânjâbâkidě pa,  
Ndembo ya sale javyo,  
N' iyohana ja Anyambě  
Hěl yâ bangidě pě hwě  
E maiēndi,  
Baiaam yēnēkěni mbya.
  
4. Benjěl bonwaka tepěni  
Ngâmbi ka yalě njamba ;  
Bēhēpi o he na oba,  
‡ Bendakěn' Imanyuěl ;  
Bendakěni,  
Ivenda n' a wakidi.



## VIEMBO 10.

1. Hilakēni ka mwa vakē,  
Diango o eka 'ju,  
Nandi babe yokakani,  
Ka m̃a ka vāē, na,  
O wendini  
O egombe yēhēpi?
2. Yokakani mbemb' e ka ywē,  
Na mahihi manēnē,  
E ka ywē na ngudi mētē,  
Eahu e ha yete:  
Mbembe 'nēnē,  
Eahu e ha yēni.
3. A ndi diango 'kavanē,  
Na ndembo ja itāndē,  
Te mbi vahaki m̃a mbēmbē,  
O m̃a a vahaki mba.  
'Gombe 'amu,  
Umba mbi diakidi.
4. Yokakani joi jaju  
I ka pumbwanidēndi,  
Nandi ho ka ha lē pi na,  
Ibeka i ka kalē?  
Hwa hae pē  
Elombo ka elombo.

## VIEMBO 11.

1. O na tongo e jadi ti  
Na makia ma Kraist,  
Na babe ba tukwě omě,  
Ibeva jabu pa.
2. O mwibi u wakid' o krâs,  
A peaki na yâ ;  
Tombe mbi di bobe ka mâ,  
Mbi ka tukand' omě.
3. Uyongi makia mâvě  
Ma nyangě ngud' aju,  
Kabo tyâty' e di vangwango,  
Ya yonga yěhěpi.
4. Umba mbi pitaki tongo  
Ya makia mâvě,  
Mbi tumbwakiděnd' iyongě,  
Nala umbi ka wě.
5. Vâkâna mbi ka tumbwidi  
Viembo viam wa,  
O emi tě ya bob' ekae,  
E nangiend' o he.

## VIEMBO 12.

1. O vengakiděpě, mot' ube, vakate,  
O miba ma 'mēnâ ma vovolakandi,  
Uyong' u nd' okava, a vahaka ivě,  
Ndi a vėkěnd' âvě iyonga o naně.

2. O vengakiděpě, o bě o pějěkě  
Itândě na ngěbě ja 'Nyambě eâvě?  
Tongo aju ndi bwe, o bě o lěvěkě  
O tuka n' itanwě o makia maju?
3. O vengakiděpě, mot' nbe, o ngěbě  
E ngite e ndakia âvě o buhwa;  
Igende ja yokwě, i ka tombi piělě;  
Na joi ja yokwě o dâ ya malonga.
4. O vengakiděpě, Ilina ja 'hekwě,  
Ja dumwě njo itě i ka senjand' âvě,  
Ka madě ekëndâ ya 'mênâ iguga,  
Ka nyângâ o bulu bwa 'gombe yěhěpi.
5. O vengakiděpě, piělě vâkâna  
Oba e luindi, nâ he ya vëngëmě,  
Bawewe běhěpi ba ka li o yěkě,  
Nja ngudě mot' ube e ka hawě âvě?

## VIEMBO 13.

1. Nja ka du' iyâjâ?  
Iyâjâ j ilina,  
I běpě ihuku ja he,  
Tombe na la manga.
- ITIMBIA. Iyâjâ i jad' o hěvën,  
Iyâjâ i jad' o hěvën,  
Oba e di n' utambo pa,  
Iyâjâ i jad' o hěvën.

2. He ya vĕe hwĕ mbya  
Ahu e yombwakĕ,  
Emĕnâ ya maia o he,  
Tombete iwedo.
3. He e na ngĕbĕ ti,  
Ndo' na 'mĕnâ oba,  
E ha yejwĕ na mepuma ;  
'Mĕnâ tĕ nd' itândĕ.
4. O ndi na iwedo,  
Ja we n' iveguma,  
Mahihi ma n' iwedo tĕ  
Ma 'gombo yĕhĕpi.
5. Anyambĕ ya 'hekwĕ,  
Na ya pâkwĕpâkwĕ,  
Yokwakidĕ hwĕ bĕhĕpi,  
O banga 'wedo tĕ.
6. O banga hwa dumwĕ  
O âvĕ o jadi,  
Vâkâna hwĕ ho nyangindi  
O 'gombe yĕhĕpi.

## VIEMBO 14.

1. Wa la lâve utamuwi,  
Lengango he ya ngĕbĕ ;  
Wa wĕ na nd' e ti na mangâ,  
Evemba âvĕ ya maie ?

ITIMBIA. Mba land' o ipangia,  
O ka lati n' umb' ivenda,  
Haleluya, bendakēni.

2. O tubaki mba mwēngi bwam,  
Umba dipâ o njea,  
Ndi elombo ya hae mba,  
Mbi n' Utumbwani uyam.

3. Wa yēne 'Tumbwani mwamě,  
Jisus a tataki mba,  
A ka hani mba o njuke,  
O egombe yēhēpi.

4. Viho vi' 'wedo n'ivova  
Ivolu, viâ bangidě ;  
Iwedo i ka hi mba bwam,  
Jisus a n' umba omě.

#### VIEMBO 15.

1. Anyambě ho tândakândi  
Iyâjâ t' ijâvē ja he,  
Nd' o n' iyâjâ yâjwě oba,  
Ja malina i vahakě.

2. Ho ka diand' o 'hiki âvē  
Eamu, o njuke ya he  
E ka mēndě e pâyepě,  
Ka hâbâ na lembo lahu.

3. Baloni ba numbake hwě,  
Ba viepě ka lona hwě,  
Inaka ja pāye omě,  
Kabo iyâjâ iyamu.
4. Buhwa ngâvě bo yombwakwě,  
Yalakě hwě iya o he ;  
Ho dike njea tēkaně,  
Hwa yâjâ Anyambě a didi.

## VIEMBO 16.

1. Kěkěni o he yěhěpi,  
O ka pakwakani bato  
Ba emi yěhěpi, sango  
T' eam y' iyonga ekaně.
2. A ka ditě dina jamě,  
A ka yongi n' iyongidě ;  
Ndi a ha kamakidě mba  
A ka wandi 'gomb' yěhěpi.
3. O ka yokwakidi bâni,  
O tata belekanako  
Ibiamě be jad' inyěni  
Languwango biěhěpi.
4. Mbi n' inyěn' egomb' yěhěpi,  
Kwanga nal' ihuku ja he,  
Kabojana mbi na ngudi  
Ya he na oba yěhěpi.

## VIEMBO 17.

1. Tumbwakidě viembo  
Via Mwan' udâmbě Kraist,  
Emi yěhēpi umwaka,  
Ka bendě Uyongi.

ITIMBIA. Ngěbě e bē 'voně,  
Ngěbě e bē 'voně,  
O hēvén e di n' itândě pa,  
Ngěbě e bē 'voně.

2. Tumbwakid' iwedo,  
N' ipumbua jaju,  
N' ihâhâlidě opēla  
Ba di vanguēngo.
3. Tumbwakidēni bwam,  
O njea 'nyu ya hēvén,  
Peakani hwi jēhēpi,  
Na Jisus Upolo.
4. Ho ka yoki piēlē,  
Na, Bana vakani.  
Piēlē, vâkân' a ndii hwē  
Bangi baju wabu.

## VIEMBO 18.

1. Buhwa bwa madikanido  
Bo ka mamawēndini,  
Ibeka i ka kalandi  
Wa na tâjēn ya ngadi.

Nja ka těmě ?  
Bato babe ba těme.

2. Uyěkidi u ka yěnwě,  
U di bātāngo ķembā ;  
Vākāna ba vahaki mā,  
Ba ka vāndi na mā, na,  
Pai' eamu,  
Vandaka hwé o buhwa.
3. Monda mwaju nd' u ka mudé  
Ba jad' o he na manga,  
O he yěhěpi ka njengě,  
Ba ka vahi mapěpu.  
Inyi babě,  
Nandi o ka ha li na ?
4. O ngambi e ka hapuwě,  
O ka likimandini ;  
Inyěni o ka yokě, na,  
Babe, ķékěni o vea,  
Na Setani,  
Na enjěl jaju ibe.
5. Ndi tango e tândâki mā,  
Na bâ ba dilakě mā,  
Yā nd' eaju e ka ndii,  
Na, Okani, ivenda  
Jamě mětě  
Ja egombe yěhěpi.



## VIEMBO 19.

1. Bato babe ho mavii  
Ka ndia nyën' o buhwa,  
Ka ja isango ja sango.  
Wa vieni? O kani,  
Ka dieni;  
Jisus nda' ndakii nyën'.
2. Vakani, o kani pâni,  
Beja be di kokango,  
Oningě wa puhwanani,  
O ka tubana li nja?  
Inyi babe,  
Nd' o ndakudwëni 'sango.
3. Vakani, o kani pâni,  
O lingaki, betaka,  
Vitakëni Uhungini;  
Mâ ndi u ka haně hwě,  
U t' umbâkâ,  
Bato babe kěkëni.
4. O kia tě ya Ilina,  
I kalaki na bâkâ  
Ba yalakě 'pikilia,  
Ndi o pumaki jani?  
Bato babe,  
O ka dumandi jâni?

5. Kweakani nal' ukodi,  
     O lingaken' utove,  
 Dikaki Sâdâm tēkaně  
     O timbakeni ibei.  
     O timbake,  
 Ka bengeni utove.

## VIEMBO 20.

1. O inyěni o di nděmbě,  
     Yongakid' Uveli mwanyu,  
 'Gombe e vuvakiandi,  
     Ya mbya anyu e ka maiě.
2. Bato babe ba kēkēndi  
     Na maumba maněně mětě,  
 Ba nyângākāndi iwedo,  
     N' ihākwě o miolo miabu.
3. Mahě ma timbaki mahě,  
     Ilina i betakandi,  
 Hanga ka dia o hěvěn,  
     Ndi kabo ka kwa o vea.
4. Mbi bangaki dina jāvě,  
     Yokwakidě mba mbi yowě.  
 Iwedo i ka nāngě mba,  
     Věkě mb' ilika j' itāndě.

## VIEMBO 21.

1. O dina jâvě, Anyambě,  
Ho longiend' âvě ndabo ;  
Kenjakě ndabo âvě hole,  
Wa tata yâ na mahihi.
2. O bato bâvě, na babe,  
Ba ka kaliě okava,  
Yokakia ndaga jabu,  
Iyakidě mabe mabu.
3. Yokakia bahaii bâvě,  
O bá ba pakwakě 'sango ;  
Badaka ibâtâ jâvě  
O ndaga i pakwakudwě.
4. O moi ma bana bahu,  
Ma tumbwakidě hosana,  
Oba na he ba latake  
Ka betě viembo vi' 'bendě.

## VIEMBO 22.

1. Ilina pepwaka,  
Baloni ba tewe,  
Ba vahakand' o věngidě  
Tepě âvě oba.
2. Pepwaka, kalakia,  
O dikak' eduka,  
Yanaka buhwa bwěběpi,  
Na ngudi y' Anyambě.

3. O tubak' ibala,  
O diake dia.  
Ehavu âvě ya madwě,  
Kabo koroa pa.
4. Haka nal' iwedo,  
I ka pādēnd' âvě  
Anyambě ajadi mětě,  
O mboka 'ju eam.

## VIEMBO 23.

1. Sâsâ yokaka mba ngěbě,  
Anyambě o pělě hengâ 'vě,  
Bulwakid' ipulě jamě,  
O ehekwě âvě 'nēnē.
2. Tukaka ibevě jamě,  
Tanakě mba 'via bobe,  
Kabojana mbi mēmindi  
Ipulě jamě jěhěpi.
3. Bobe bwamě bo nd' o boho  
Bwame egombe yěhěpi,  
Mbi beviendi kab' âvě,  
Na bobe o mihâ mâvě.
4. Ovaně o ka huandi,  
O âvě ka kalě na hwě,  
Wa die tepě na njěngi,  
O âvě ka yěkidě hwě.

## VIEMBO 24.

1. Bato babe vakani,  
     Kraist mâ na vakani we,  
     O vengakidi pëni,  
     Njea 'nyu ya bëndi bwe.  
     Hakani ekëndâ anyu,  
     Pâni hanga ovio,  
     Nala hëvën, n' ivenda  
     Inënë mëtë jaju.
  
2. Ba ha kamakidë mâ,  
     Ba pâyepë ovonë,  
     Ba hâbe na enjëli,  
     Na bato baiam oba :  
     Ba yëni tepë Jisus,  
     Na Anyambë mâ mëtë ;  
     Nja ka tândë o pëhë  
     Na Kraist mbwei aju eam.
  
3. Bandamakidë sâsâ,  
     Banga o pâye omë,  
     Banga wa la o hëli,  
     O dëvëli ajadi  
     Na bato babe tepë.  
     Maguga ma na nâvë,  
     Oningë wa la omë,  
     Hanga ma buhwa bâkâ.

## VIEMBO 25.

1. Bábâkâ emi amě  
Mbya t' eněně 'kaně,  
Na mbi ka tubaka âvě,  
Âvě o nd' uwamě.
2. Bábâkâ ilina  
Jamě ehew' âvě ;  
Bangi ba vahe miba wa,  
O 'hiki ya 'vělē. .
3. Mbi salinakandi  
Iboko tyâtyi âvě,  
Ka yěně ivenda jâvě,  
Ka yoka 'hekw' âvě.
4. Oningě itândě  
Javě i die n' umba,  
Eměná amě e ndi naně,  
Na mbya tepě e bě.
5. Āvě o nd' uwamě,  
Ilina jamě, i  
Věvěkěnd' o âvě jadi ;  
Mbi pitiděnd' âvě.
6. Mbi tatakudwěndi  
Na ngud' âvě mětě,  
Mbi vitaki pě Hangw' amě,  
O matambi maju.

## VIEMBO 26.

1. Mbi kahakudwě n' ibevě,  
Mbi jakudwěndi na bobe,  
Mbi viendi a kwakidi,  
A bevidi hwě bēhēpi.
2. O hwě ho jakwě mekěkě,  
Bobe bo lāngind' iwedo ;  
Anyambě a vahakě bwam,  
Nd' umba mbi ndi bobe boité.
3. Velaka mba ulem' uyam,  
N' ilina ja ngěningěni,  
Mbi yowakě jāngā jamě,  
N' ihunginwě jamě tepě.
4. Mbi kwakand' o boho bwāvē,  
Mbi pitakand' ehekw' āvē,  
Mba tani mětě o bwebwe,  
Egālani e nd' ulema.
5. Jisus makia māvě pa,  
Ma ka tuki mba o bobe,  
Ma ka tani mba botano,  
Hanga elombo epākwě.

## VIEMBO 27.

1. O itamua n' Anyambě,  
O ulema uyam,  
O njea e panyakě bwe,  
Na la Mwan' udāmbě.

2. Mbya eamě e yěněki  
N' Anyambě, e lâvě?  
Inyěvidě ja Jisus, na  
Ndaga jaju tepě?
3. Mbi yongiděndi mawěla  
Ma hwě ma tombidi,  
Ndi ma dikidi mb' ivaha  
Ja he ha londakě.
4. Timbaka, Ilina Iam,  
Ulomi mw' iyâjâ,  
Mbi binaki bobē bwamě  
Bo valakid' âvě.
5. Ugano mwěhěpi uyam  
Mbi madilakěndi,  
Hanaka mbi věngidě mâ,  
Ka dilě kab' âvě.
6. Nonaně mbi ka tamui  
N' Anyambě bwam na hwě,  
Nonaně bwe e ka panyi  
Nala Mwan' udâmbě.

## VIEMBO 28.

1. Jisus a nd' Utati mwamě  
Mba yěnepě jângâ itě  
Tombe mahihi na ngěbě;  
Uhungini u nd' umwamě.



2. Jisus a nd' Ilalē jamē  
Mbi ka longandi ovonē  
Mba bange mbwia na tonda  
Uhungini u nd' umwamē.
3. Jisus a nd' Upolo mwamē  
A pangakii mba ono  
A ka nāngi mba o hēvén ;  
Uhungini u nd' umwamē.
4. Jisus a ndi Tata oba  
A kabakii mba bwamu  
Mbi ka dilēndi m̄a dip̄a  
Uhungini u nd' umwamē.
5. Jisus a ndi Uvanguī,  
Emēnā aju ndi ivango ;  
A ka diate uwamē  
Na la egombe yēhēpi.

## VIEMBO 29.

1. Anyambē ibendē jāvē,  
N' ilanga ja bwamu bwāvē,  
Na ilevidē j' itāndē  
Jāvē, be behavu beam.
2. Buhwa bw' iyājā bo bwamu,  
Ipikilia ja 'mēnā  
I ngakie mba ulema,  
Ivingidē ja Anyambē.

3. Mbi ka peyi na Anyambě,  
Mbi ka benděndi behavu  
Biaju bia 'hekwě n' ivela,  
Ehoka 'ju e nd' o dāngā.
4. Beboki ba t' ona tito,  
Ba wakate ona tito,  
Ba kaliye na bā bendě  
Anyambě e velaki bā.
5. Ndi mbi ka pahii ngabo  
Ya ivenda o hěvěni,  
O 'hekw' e ka hānjābidě  
Mba inyevidě j' ulema.
6. Uloni mwamě uněně,  
Bobe, mwā nyunguděpě mba,  
Setan na bobe bw' ulema,  
Ba weyepě jonga jamě.

## VIEMBO 30.

1. O 'hiki ya baiam oba,  
O na mboka y' iyājā,  
Jisus a valind' ovoně,  
Ka tim' inwa jamě.
- ITIMBIA. O n' iyājā jā b' ikāmbā,  
O n' iyājā jā b' ikāmbā,  
O n' iyājā jā b' ikāmbā,  
O n' iyājā jāvē,

O pėlē 'pakwē ya Jādan,  
O metove mia Idēn,  
O 'lē ya mēnā e jakē,  
O n' iyājā jāvē.

2. A bongwaki mba ilika  
Ja egombe yēhēpi,  
Na umba mbi ka bembandi,  
O 'hiki tē y' utambo.

3. Bebēdi bia ngie omē,  
Tombe ngēbē na njuke,  
Nd' o iboko tē viamu,  
Mbi ka bātā korowa.

4. Iwedo i ka balwēndi,  
Mehio mia diepē,  
Inyi ba di vanguwēngo  
Tumbwakidēni na mbya.

5. Tumbwakidēni bajigi  
B' ivenda na upeyo,  
O ka ngiandin 'o mboka,  
Mambē maju ma ndi bwe.

## VIEMBO 31.

1. Mba vahaka o dia he,  
Tombe he yēhēpi  
Ya dia 'amē, na bato  
Ba dilaki mba pa.

ITIMBIA. Uhungini mwamě,  
A ndi utambo mwa hěvén.

2. Mba vahak' o dia oba,  
O na enjěl ya bwe,  
Tombet' upeyo u nd' omě,  
N' upeyo nd' umwamě.

3. Ndi mbi ka vahand' o dia  
Iboko viamě,  
Vi ka hânjâbid' upango,  
Mwa Uyongi mwamě.

4. Mbi běpě n' ivaha 'pâkwě,  
O 'mēnâ n' iwedo,  
Kabo ibendě ja Jisus,  
Ibendě jaju pa.

5. O iha i bendakě mâ,  
Mbi ka hate na mbya ;  
O njuke e peidě mâ,  
Mbi ka yěně njuke.

6. I b' iboko ; tombe oba,  
Tombekete o he,  
Vi ka haiě mba upeyo,  
Vi ka haiě mba hěvén.

7. Ndi idia o pēla ju,  
A vėkidi 'mēnâ  
Ivangua ja hwě bato,  
E ndi emēnâ amě.

## VIEMBO 32.

1. Mwanina, o valindi  
O iyâjâ ja hěvĕn,  
Nd' o hwa yĕn' âvē ngĕbĕ,  
O bātāngo na bwe.
2. Mwanina, nyolo âvē  
Ya li ka tongwĕ o he,  
Nd' ilina jâvē oba,  
I peaki na Kraist.
3. Mwanina, o dikindi  
Betunia bia he ;  
Bebĕdi na mahihi,  
Mbembe na ngĕbĕ pa.
4. Mwanina, bobe bwâvē  
Bo yidwĕngo na Kraist,  
Na o latindi oba,  
Na baiamu ba hěvĕn
5. Mwanina, o vĕwengo  
Korowa 'vē ya bwe,  
Ho vahakandi tepĕ,  
Ivenda jângâ tĕ.

## VIEMBO 33.

1. Bato yokolakidĕni,  
Jisus a kalaki, na,  
Bahaii ndi ba vahakwĕndi  
O mwanga mwamĕ o he.

ITIMBIA. Ka, mehomano ma nd' o hēvén,  
Mwan' amě, nja ka bě ?

2. Nja ka dikě bwamu bwa he,  
Bo ndi iyabana pa,  
Opěla 'havu na iha,  
Be vengakě mâ omě ?

3. Nja ka vâě umba nd' ekaně,  
Ka mwana Samuěl ovio ;  
Upangii, kalakate,  
Uhaii mwâvě a ndi de.

4. Nja ka věě mba belombo  
Ibiaju biěhěpi,  
Ipahia ja 'hekw' amě,  
Ulingu mwaju mwa he ?

5. N' ipahia ja korowa  
Y' ivenda itě na bwe,  
O 'havu aju opěla 'mě,  
E ka madwě. Nja ka lě ?

#### VIEMBO 34.

1. Mbi ndi sâjě ya krâs mětě  
Uviti mwa Jisus  
Mbi ka bangand' ehavu aju  
N' iyěně j' ihâni.

ITIMBIA. Uhungini mwahu,  
A balindi he na hěl

2. Mbi ka bapwënd' oba tepě  
O ikondo iam  
O bapâkwé ba yanind' o  
Manga ma makia.
3. Mbi latake na baloni  
Mbi tudake poma  
He tēkaně ndi mbwei amě  
O pělě Anyambě?
4. Mbi ka yani Upangii  
Věké mba ihana  
Mbi ka bapi njuke tepě  
Yâjângo ngud' âvě.
5. Bato bâvě ba ka bali  
Tombete ba waka  
Ba yěněkěte ibala  
Yaviděngo boho.
6. O buhwa tě o ndumb' âvě  
Ba ka panyand' oba  
Na ibâtâ ja ibala,  
O ka bendakwěndi.

## VIEMBO 35.

1. Hangwě Hole a jad' oba  
Yokaka joi jamě  
Uhungini mwamě Hole  
Vangwakidě mba ditâ.

Ilina Iam na Hole  
Vaka umba mbi jadi  
Hangwě, Mwana, na Ilina ;  
Yokolakidi mbani.

2. Hangwě yongakidēte mba,  
Ovia bobē bwamě,  
Uhungini mbi jombaki,  
Ngēbē āvē y' iyidě.  
Ilina ja ti na 'hekwě,  
Tanakě mba botano ;  
Hangwě, Mwana, na Ilina,  
Yongakidēti mbani.
3. Hangw' amě vekakidě mba,  
Itāndě jāvē ja mbya,  
Uhingini londakě mba,  
Ilina ti na jonga,  
Ilin' Iam, bengakia,  
Ka nyēvid' ulema pa ;  
Hangwě, Mwana, na Ilina,  
Vambakia mb' ibâtâ.
4. Hangwě, Mwana, na Ilina,  
Āvē Anyambě yākâ ;  
Hovakidě ehew' āvē,  
O ebumulema 'mē.



Hangwě, Mwana, na Ilina  
Âvě Jehova yâkâ ;  
Diaka Anyambe amě,  
O egombe yěhěpi.

## VIEMBO 36.

1. Ka ndaga 'vě ya ehewě,  
Na 'bumulema ya hwě ;  
Anyambě mbi ka hand' ekae,  
Mbi ka yongiděnd' âvé.
2. Nyolo âv' e wango pěla 'mě,  
E ndi pěmbě amě ya hěvėn,  
Mbi ka mâti kâpi tepě  
Ya iyongidě jâvé.
3. Mbi behalakidě mwanga,  
Mwa betunia biâvé  
Na 'babadi ya makia ?  
Mbi ka yongiděnd' âvé.
4. Umbi ka tamuwě krâsi,  
E jadi o Kalvari,  
Mwanudâmbě, mwambo mwamě,  
Mbi ka yongiděnd' âvé.
5. O yongidě njuke âvé,  
Na itândě jâvé ta !  
O veguma i ngi tewc  
Mbi ka yongiděnd' âvé.

6. Oning' iyongidě ja la,  
Na emi ya kale pě,  
Jisus o 'pangia jâvě  
Yongakidě mba omě.

## VIEMBO 37. BELOMBO BEHÂLĚ.

1. Lotâtâi la miba,  
Mahě mahâlě,  
Be hakandi manga  
Maněně, na he.
2. Na mekili tepě,  
Tombe mehâlě,  
Me haki mepuma,  
Me ha bě n' ihuk'.
3. Na behadi bebe,  
Tombe behâlě,  
Be tumbwanaki hwě  
O njea ebe.
4. Behadi bia kěngâ,  
Ndaga j' itândě,  
Be haki he ahu,  
E kwanaka hěvăn.
5. Lověvě la bana,  
La te la věke  
Sango o betomba,  
Be ha wě 'Nyambě.

## VIEMBO 38.

1. Jisus a tumbwanaki mba,  
Na la o buhwa tēkabo,  
Na kolo e ka yowudē  
Iyongidē ja 'hekw' aju.
2. 'Gombe eitē e tombindi,  
Na mbi ndi piēlē na wahu,  
Nd' a vēkē mba ngudi twētwe,  
O hwi jamē i ka viē.
3. Mbi nangakia o viâ,  
Jonga i nd' epondoma 'mē,  
O enjēl i pepwakē mba,  
Sāta o enangi 'amē.
4. Tombekete mba langudwē  
Jom ja tājen ja belombo,  
Be hakē mahihi maitē,  
Anyambē a ka tati mba.
5. Nonanē tepē o bulu  
Bwa iwedo, bo ka pāē,  
Mbi ka yājā o malonga,  
Ka venga joi j' Anyambē.
6. I ka bumudē malonga,  
Na ubulubulu bwamē,  
U ka pumbwanē n' upeyo,  
Ka dia n' Anyambē oba.

## VIEMBO 39.

1. Ehekwě e mamananakwě,  
E yongidi mb' ube,  
Nyangango, mbi duudwěndi,  
Pāgu, mbi yénindi.
2. Ehekwě e bangidi mba,  
Na e nyěvidi mba,  
O ehekwě eam mětě,  
Umbi kamakidě.
3. Mbi dii mba via kwanga,  
O mahihi maitě,  
Ehekw' e vani mba ono,  
Ya lani mba wahu.
4. Anyambě a yohani mba bwam,  
Mbi kamakidi mâ,  
A ka diandi Nguba 'mě,  
Nal' o 'mēnâ amě pa.
5. O mehoni me ka segě,  
Na 'mēnâ maiango,  
Mbi ka pahiate jonga,  
Na emēnâ oba.
6. He e ka nuaniandi,  
Joba ja panye pě,  
Ndi Anyambě a ndii mba,  
A ke dii n' umba.

## VIEMBO 40.

1. Ho tatakudwě n' Anyambě,  
Uveli na Upangii,  
Ho pând' iwěla tēkadi,  
Ka tumbudě lembo lâvě.

ITIMBIA. 'Gombe 'am, 'gombe 'am,  
Itumbudě o ndabo âvě,  
Ka kalia tepě avě  
Ka vĕngidě bobe bwahu.  
'Gombe 'am, 'gombe 'am,  
O bobe bo ka tukwě hwě.

2. Ho bendakěnd' âvě o pělě  
Ya beměná na ehewě,  
Ho to veka ehew' âvě,  
Na bobe bo di yidwěngo.

3. Ho bendakěnd' âvě o pělě  
Ya sango eam n' iyidě,  
Upangii pangaka hwě,  
Ho pânâkâ bwam n' Anyambě.

4. O hwi jahu i ka timě,  
Bâbâkâ hwě, bayokwidi  
Na bana, bâ ka tumbudě  
Ulwaniđěngo eka 'vě.

## VIEMBO 41.

1. Bulu tē bw' ivitit' itē  
     Na ngēbē, bo patwaki he,  
     Bwâ ndi bwa Mwana Anyambē  
     Bo kândâkudwē na mboi.
2. Bulu tēbonē ndi bwaju  
     Bo nângâkindi pēmbē pwē,  
     Ka mwa buka yâ bukango,  
     Ibâtâ nandi o yâ va ;
3. Na, Ekanē e nyolo amē,  
     E wakē o nyanga babe,  
     Nângâkâni wa ji yâni,  
     E ndi panga ya emēnâ.
4. Ka mwa nângâ tepē kâpi  
     Ya ivē pwē, ibâtâ va,  
     Na, O ka haki kakana,  
     Iyongidē ja Mbwei anyu.
5. 'Lwanidēngo tagulu amē  
     O jakani 'sango jamē,  
     N' inyi wa yongakidē mba,  
     Kwanga n' umbi ka pāē pē.

## VIEMBO 42.

1. Mot' ube, vaka okava,  
     N' ipikilia ti,  
     N' ikoba nâ jângâ jâvē,  
     Yējēkē kabo 'kae.

2. Mba land' o Jisus ajadi,  
Tombete bobe ti,  
Tombete bobe k' ukodi,  
Mba landi, mba venge.
3. Mbi ka balamand' o 'ka 'ju,  
Ka mēmēkē bobe,  
Na, Mbi jilindi mot' ube  
Kabo na 'hekw' āvē.
4. Mbi ka bengiand' Upolo,  
A n' iyidē itē,  
Ipē a ka yēni mba bwam,  
Bēngē mbi yongaki.
5. Ip' a ka yokakii mba  
Ikalia jamē,  
Tombe mba wa n' ikalia,  
Mbi ka wi kabo 'mē.
6. Tombe mba la, mbi ka wandi,  
Mba li ka yējia,  
Oningē mbi dikingē mbwi,  
Mbi ka wandi wewe.

## VIEMBO 43.

1. Nja di ka Jisus y' ivenda,  
Upolo mwahu 'nēnē,  
A vēki nyolo aju mwambo  
Iyongē ja hwē bato

Yongakidě ;  
O behalakidě we.

2. Nja di ka Jisus y' ivenda  
A ka pâdwěte, nwěla,  
O ngudi naba boněně  
Tepě n' ivenda jaju  
A pâdwěni ;  
O behalakidě wě.

3. Nja di ka Jisus y' ivenda  
Uyongi mwa bēhēpi,  
Ba pitakidě kabo m̃a  
A vangwaki tepě hwě  
Mamanaka ;  
Egombe yēhēpi we.

4. Nja di ka Jisus y' ivenda,  
Iwa jaju jākā tē,  
I ka yongēndi bēhēpi  
Ba ka vahē iyongwě  
O yokindi ?  
O behalakidě we.

#### VIEMBO 44.

1. Bēhēpi homaki Jisus,  
Benjēl be kwakeni,  
Vanakani korowa 'ju ;  
Bâtidi m̃ani pa.



2. Inyēni ba di pānwěngo,  
Ba di vāguwěngo,  
Homaki Uyongi mwanyu ;  
Bâtidi mâni pa.
3. Babe wa behalidēni  
Betunia biaju,  
Kēki ka pakuwi mâni ;  
Bâtidi mâni pa.
4. Dià na 'tomba yēhēpi,  
Igāma tēkadi,  
Vi mâni 'bendē jēhēpi ;  
Bâtidi mâni pa.
5. Ho kwaken' o beko biaju,  
Na benjēl na baïam,  
Ho tumbwakidēni viembo ;  
Bâtidi mâni pa.

## VIEMBO 45.

1. Jisus mâ na, Vaka, sâsâ,  
O himbamake pē we,  
Egombe e ndi evuve,  
O banga pé ya tomba.
2. Jisus mâ na, Vaka, sâsa,  
O ndi vēwěngo 'mēnâ,  
E kenjakē pēl' iwedo ;  
Vaka, wâwâ mētē we.

3. Eměná e ndi egombe,  
E di hwě věwěngo pa  
Na ho bendake Anyambě,  
Hangw' ahu a jad' o hěvén.
4. Vaka banga o pāe pē  
Oba, o 'hiki ya bwe,  
Omě ndo' ivenda mětě,  
Na mbya, be ha bě n' ihuk'.

## VIEMBO 46.

1. Hilakēte Kraist Utati  
Mwa bato ba Israēl,  
Mā nda' ndakiē ba nděmbě,  
A bokwakandi bâ, na ;
2. Ba vake umba mbi jadi,  
O kandakidi bāni,  
Kabojana ja jângâ tē,  
Ndi ja egândâ ya hěvén.
3. Anyambě ho vanaki bâ,  
Âvě o jadi na mbya,  
Hwě mětě ho ndi ibâvě,  
Ikwaka tepě ibahu.

## VIEMBO 47.

1. Jisus věkě hwě ibâtâ,  
Ho to nangia viâ,  
Ho mēměki bobē bwahu,  
Âvě to ka yongě hwě.

2. Tomb' iwedo i tamwaka  
Uluwaniděngo hwě,  
Benjěl biâvě be ndi sâta,  
Be ka tatate hwě bwam.
3. Tombe bulu dangadanga,  
Hwa kutame ivitit,  
Âvě ndi mâ a ka yongě,  
O pepwakand' ibâvě.
4. Oning' iwedo i pângě  
Na bulu ka nângâ hwě,  
Jisus, mwakidě hwě nubwa,  
Bâtângo na bwe ya hěvăn.

## VIEMBO 48.

1. Paia tombe o vĕe mba  
Bwamu bwa he bwĕhĕpi  
Yokak' o 'ka 'vĕ ya 'hekwĕ  
Ikalia tĕkadi.
2. Vĕkĕ mb' ibâtâ ja 'hekwĕ  
Na 'bumulema ya hwĕ  
E ha hâkâlânâkie  
Pangaka mb' uwâvĕ pa.
3. Na nâvĕ diaka n' umba  
O 'mĕnâ n' iwedo ta  
Vĕkĕ mba bwe o njea 'mĕ,  
Kab' umbi ka pâĕ o hěvăn.

## VIEMBO 49.

1. Mwanina, o valindi  
O iyâjâ ja hěvĕn,  
Ndo hwa yĕn' âvĕ ngĕbĕ,  
O bâtângo na bwe.
2. Mwanina, nyolo âvĕ  
Ya li ka tongwâ he,  
Nd' ilina jâvĕ oba,  
I peaki na Kraist.
3. Mwanina, o dikindi  
Betunia bia he,  
Bebĕdi na mahihi,  
Mbembe na ngĕbĕ pa.
4. Mwanina, bobe bwâvĕ  
Bo yidwĕngo na Kraist,  
Na o latindi oba,  
Na baiamu ba hěvĕn.
5. Mwanina, o diango  
Na Uhungini ta,  
Na nâvĕ o yĕnindi  
Ivenda 'nĕnĕ wa.
6. Mwanina, o vĕwĕngo  
Korowa 'vĕ ya bwe,  
Ho vahakandi tepĕ  
Ivenda jângâ tĕ.

## VIEMBO 50.

1. Jehova tumbwanaka mba  
O ibâga tēkadi,  
Mbi kâmbângo, ndo' na ngudi,  
Hukaḡa mba na enâ.  
Pēmbē ya 'ba,  
Jakidē mba nal' ihuk'.
2. Dubwaka tongo ya miba  
Ma vâtâkē evēlē,  
Ngaka ya 'vindi, na vea,  
Be tumbwanake mba ta :  
Uvēngidi  
Diakate nguba 'mē.
3. Umba mbi ka pitē Jâdan,  
Vēngēkidē mba jângâ,  
Iwedo na hēl y' inyanga,  
Pâkidē, mba o Kenan :  
Lembo loyam,  
Mbi ka vête kabo âvé.

## VIEMBO 51.

1. Uloma mw' Uhungini ndi,  
Na, Kēkēni na baptaisa  
Betomba bia he biēhēpi,  
Be ka kamidē sango 'yam.

2. Pani ka miba tanakě  
Ndindo e di hwě o nyolo,  
Nonaně tepě Ilina  
I bongwakě bakamidi.
3. Upangii ho hakandi  
Nyanga âvě e vâkě na hwě,  
Tukaka hwě na makia  
M' Uhungini mwahu Jisus.

## VIEMBO 52.

1. Ka metodu mi' Uhungini,  
Pakwakani ehekw' aju,  
Hamanakiděn' iyonga  
Na ngudi ya dina jaju.
2. Tombe njea 'nyu ya 'havu,  
Ya pudungana loboko  
La mahihi n' ivititi,  
Iyějiě j' ikamidě ;
3. Kěkě na 'vemba y' Anyambě,  
Yâdiděngo na ngud' aju,  
A ka věnd' ihana twětwe,  
A ka mwěti na 'havu âvě.
4. A didi 'nyěni ndiango  
O 'duka ya pâkwěpâkwě,  
A ka homanand' inyěni  
O njuke janyu jěhěpi

5. O timbakieni, tombe  
Ndumba ité i yanaka,  
I ka kwand' o pwanja Jisus,  
Na ngudi ya dina jaju.

## VIEMBO 53.

1. Iyonga! i joi ja mbya,  
Mbya o matâ mahu,  
Bwanga boyamu bw' ivenge  
Ijahu jêhêpi.
2. Ho tongakwëndi na bobé,  
Bya o jâmbé ja hêl,  
Ndi ho mwakandi na 'hekwé  
Iyêné ja hêvén.
3. He tékané e yamake,  
Ukeny' u vëvéke,  
O ndumba ya 'ba yêhêpi  
E yamanakidé.

## VIEMBO 54.

1. Jisus Kraist, Utati mwahu  
Nala manga, nala he,  
Tataka hwé banabina,  
O manga bo.
2. Jisus Kraist, na jonga jâvé  
Londaké bâ 'lina ti,  
Sâsâ yongakid' ibâvé,  
O manga bo.

3. Jisus Kraist, pangak' ukudi,  
Na mekeba tepě dâ,  
Sâsâ tataka ibâvē,  
O manga bo.
4. Jisus Kraist, tumbwanaka bâ,  
Nala manga, nala he,  
O bâbâke ba lengakě,  
O manga bo.

## VIEMBO 55.

1. Mbi vahakand' o dia  
Pani ka Jisus Kraist,  
Hubiango ulema,  
N' itingidi via hwě :  
A lingwaka na moto,  
Tombekete o krâs,  
Nda' yakidi baloni,  
Na kěngâ 'něně pyo.
2. Mbi vahakand' o dia  
Pani ka Jisus Kraist,  
N' itândě j' ikalia  
Hangwě a jad' o hěvăn ;  
Oba y' ukodi dipâ,  
A sâlinaka tâ,  
Tombete bulutema,  
Ikalia ndi mbya.



## VIEMBO 56.

1. Bato ba 'Nyambě kěkěni  
Ka languwa betomba,  
Sango 'yamu ya mbya 'nēnē  
Y' Upangii Jisus Kraist;  
Sango 'yamu;  
Valanakani sango.
2. Ka langwakeni ba yakě  
Ivititi via bobe,  
Na Uhungini u pāndi,  
U na ngudi yěhēpi,  
E yongakě:  
Pakwakiani sango.
3. Ka langwakeni menivi,  
Na ba wakě, na Jisus  
A bali baloni babu,  
Bá bangakepě 'lombo.  
A balindi  
Baloni ba malina.
4. Kěkět' inyěni tombe he  
Na hěl latakate ta,  
Ihimbidě j' ipangia  
Ja Uhungini mwahu;  
O bangaki  
Mihâ ma bato babe.

5. O bangakeni loboko  
 La mahihi manéné,  
 Kraist a ka dii n' inyēni,  
 Jisus a ndi mbwei angu,  
 Boho bwaju  
 Bo ka dii n' inyēni.

## VIEMBO 57.

1. Imě ! mohano na kena  
 Mwa 'Nyambě u didi  
 Yohaněngo Ebrahamu,  
 Na etâkâ aju.
2. Mbi ka diandi Anyambě  
 Âvē na ya bana  
 Bâvē na ya mbamba jâvē,  
 I ka jawâ mbuhwa.
3. Ndaga jaju ja itândě,  
 I te nyanga pâkâ,  
 Nala bepedi biěhěpi,  
 Ja yâlě o ludwě.
4. Jisus a yâdâkiděndi  
 'Kamidě ja bavyo,  
 O mâ a bokwaki bana,  
 Na, Bajigi ndeka.
5. Ndaga ja Anyambě ahu,  
 Na itândě jaju,  
 Be mbambae, â věngidě  
 Bana o mohano.

## VIEMBO 58.

1. Pumakě hwě na ibâtâ,  
Jakidě hwě na ndaga 'vě,  
Iyakidě ihumama,  
Ho tatake pâkwěpâkwě.
2. Âvě ndi o jadi bwamu,  
Tukaka hwě bobe bwěpi,  
Na makia ma Mwan' âvě,  
Ndi pumakě hwě na jonga.

## VIEMBO 59.

1. Bapaia ba hekakudwě,  
O ka latateni na hwě,  
O Jisus a pangakiě  
Itata ja hwě bwam?
- ITIMBIA. Peyakani, haleluya,  
Bendakěni Upangii,  
Haleluya peyakani

4. Ndomi jahu ja ulema,  
O ka latateni na hwě,  
Uhungini a titwakě  
Manyângâdiba pa ?
5. Bana b' ina, megangano,  
O ka latateni na hwě,  
O 'hiki tē ya utambo,  
Ya Jisus e di bwe ?
6. Paia, jaie, bana b' ina,  
O ka latateni na hwě,  
O ka latateni na hwě,  
O Kenan 'hik' eam ?
7. Ho ka latate n' inyēni,  
Na ihana ja Anyambě,  
Ipalwanidě i ha bě,  
O Kenan 'hik' eam.

6. Nandi bēngě mbi pakwake  
 O pěl' Uhungini mwamě,  
 Mbi ka tuwuděnd' ivango  
 Ja makia māvě maiam.

## VIEMBO 62.

1. Jisus utāndi mwamě,  
 Mbi kweak' āvē ojadi,  
 Ikweya ja mekeba  
 Me hēhēkě na ngudi,  
 Kutaka mb' Uhungini  
 Kabo ukudi mwa tomba,  
 Tumbwanaka mba tungu,  
 Nāngākā mba ihuku.
  
2. Ihāwě 'pākw' i bēpě,  
 Hanak' ilina jamě,  
 O dikake mba dipā,  
 Yādākiděte mba we ;  
 Mbi pitakid' āvē pa,  
 Āvē ndo' di n' ihana,  
 Pugaka molo mwamě,  
 Na 'dingih' āvē eam.
  
3. Kraist o nd' ivaha jamě,  
 Mbi vahake kab' āvē,  
 Umwakidě ba kwekwe,  
 Hanaka ba kâhângo,

Dina jâvĕ i ndi hole,  
 Ndi mbi be bwam na 'puhu,  
 Mbi ti kabo na bobe,  
 Ndo' ti kabo na mbambae.

4. Ehekwĕ e na nâvĕ,  
 Yakidĕ bobe bwamĕ,  
 Mepwaha me diake,  
 Tanak' ulema mwamĕ.  
 O ndi tongo ya 'mĕnâ ;  
 Mbi nângâke kab' âvĕ,  
 Diak' ulema mwamĕ  
 O egombe yĕhĕpi.

## VIEMBO 63.

1. Bana ba jadi o tĕmpĕl,  
 Ba tumbwakidi viembo,  
 Hosana na Mwana Devid,  
 A jadi Jisus Kraist.
- ITIMBIA. He na oba hâbâkĕni  
 Itumbudĕ ja Hosana,  
 Hosana na Mwana Devid,  
 A kâmakudwâ krâs.
2. Tombe ka hwĕ ho di bana,  
 Ho ka latate o viembo,  
 Hosana na Mwana Devid,  
 A vakied' o he.

3. Tombe he di ti na njuke,  
Ho ka tumbudēt' okava,  
Hosana na Mwana Devid,  
A jadi bwe ya he.
4. O hwě ho ka pāě ivenda,  
Ho ka tumbudi n' upeyo,  
Hosana na Mwana Devid,  
A jadi bwe ya hěvăn.

## VIEMBO 64.

1. Banabina vakani we,  
Joi jěhěpi latake,  
Viembo Anyambě ajadi,  
Viembo viākā vi' ibendě.
2. Krisân ipě hwa latepě  
O he tě ya bobē 'kaně,  
Ndi ho ka latate oba,  
Ipalwanidě i habě.

## VIEMBO 65.

1. Ho tumbwakidě Jisus,  
Joi n' ulema ta,  
Ho tumbwakidě Jisus,  
Mbwei ya babe pa ;  
Ilina jaju mětě  
I yěněkěte mbya,  
O yoka moi mahu  
Ma bendakě mâ bwam.

2. Ho tândâkândi Jisus,  
     A yakidi o he,  
 Ho tândâkândi Jisus,  
     Ya ngudi na ya hwě ;  
 A jombakě mâ 'yonga,  
     A sombiakwě dâ :  
 A yěněkě hwě ngěbě,  
     Tombe a did' o hěvén.
  
3. Ho tândâkândi Jisus,  
     Uvanguwi mwa he,  
 Ho tândâkândi Jisus,  
     Ubali mw' ivitit'.  
 O 'pedi ya mahihi,  
     Ho ka pitidi pa,  
 A diaki elěngě,  
     A ka pangi' o hěvén.
  
4. Ho tumbwakidě Jisus,  
     O hwě ho jad' o he,  
 N' itumbudě ja Jisus,  
     O 'gombe yěhěpi ;  
 A ka měmiënd' oba,  
     Ba mēměki mâ he,  
 Na mwa ka vambii bâ  
     Ibâtâ tepě va.



## VIEMBO 66.

1. Kékên' iboko viéhěpi  
Na saŋgo eam y' Anyambě,  
Hamanakiděni kuma  
Y' Uhungini mwanyu.
2. O bangakeni baloni,  
Jehova a ndi ngud' anyu,  
Nyěni o ka tatwěndini  
O jângâ jěhěpi.
3. Dikak' ibanyu běhěpi,  
Mwajo, bana, na bahangwě,  
Opěl' itândě ja Jisus ;  
Hika 'nyu e nd' oba.
4. Oningě nyolo i vâhâ  
O njea ipânâ janyu,  
Yongakidě betunia  
Bia Uyongi mwanyu.
5. Buhwa bo bě yaviděngo,  
O bahaii ba Anyambě  
Ba ka panyandi ka joba,  
N' ivenda ja oba.

## VIEMBO 67.

1. Ho ka vana lěnj' idilě  
O Upangii ajadi,  
O benjěl be tumbwakidě  
Ibendě ja dina jâvé ?

2. A weakudw' a weango,  
A ndi Upolo mwa jonga,  
A weango n' ipangia  
Na Hangwě ta o eka 'ju.

3. Ibâtâ na Mwan' udâmbě,  
A bapaki jâki jahu,  
Benjěl ba bendaki mâni,  
Na bekeha bâ na, Eměn.

## VIEMBO 68.

1. BABAMO. Bajopi wa la lin' ove  
Na utumbe o 'nâ vyě?  
BABAJO. Ho valindi o ekëndâ,  
U nd' upango mw' Upolo.  
BEHEPI. O mekodi na metove,  
Ho valindi o mboka 'ju,  
Ho valindi o mboka 'ju,  
O chik' eamu pyo.

2. BABAMO. Wa bangeni njea tēnē,  
O ndini ba nyěvâ pa?  
BABAJO. O ha yěni mbwei jahu,  
Benjěl be pepwaki hwě.  
BEHEPI. Utumbwani u ndi Jisus,  
Ho ka tumbwanwënd' ovoně,  
Ho ka tumbwanwënd' ovoně,  
O chik eamu pyo.

3. BABAMO. O yombwaka lind' ovoně,  
O ehik' eamu pyo ?  
BABAJO. Korowa 'hu ya ivenda,  
Ho ka pahand' o hěvėn.  
BEHEPI. Ho ka peyi n' Uhungini,  
Nala 'gombe yěhěpi omě,  
Nala 'gombe yěhěpi omě,  
O ehik' eamu pyo.
4. BABAMO. Batamuwi hwa li tepě  
O ehik' eamu pyo.  
BABAJO. Vakateni, vakateni,  
O ka yěnudwěndi mbya.  
BEHEPI. Vakateni, vakateni,  
Jisus a vengakiděndi,  
Jisus a vengakiděndi,  
O ehik' eamu pyo.

## VIEMBO 69.

1. Mbi ndi mwěngi na utamuwi,  
Mbi ka vengě, mbi ka vengě bulu pa.  
O himbakidi mbani, mba landi  
O tongo itě i vovolakandi.  
Mbi ndi mwěngi na utamuwi,  
Mbi ka vengě, mbi ka vengě bulu pa.
2. O n' ivenda ovoně oba,  
Mbi yombwaki, mbi yombwaki 'venda tě ;  
O 'hiki tēkae ya ivititi

- Mbi malengandi ukil' uyaba.  
 Mbi ndi mwěngi na utamuwi,  
 Mbi ka vengě, mbi ka vengě bulu pa.
3. Mbi ka landi o mbok' ovoně,  
 Jisus, Uvanguwi mwamě, a ndi bwe;  
 Njuke na ngěbě, i bėpě ovoně,  
 Tombete mbembe, tombet' iwedo.  
 Mbi ndi mwěngi na utamuwi,  
 Mbi ka vengě, mbi ka vengě bulu pa.
4. Paia, jaie, na bana b' ina,  
 Tombe wa valani mbani, mba li kya,  
 Na oningě mba vengidě nyěni,  
 Mbi ka nyangand' o 'gombe yěhěpi.  
 Mbi ndi mwěngi na utamuwi,  
 Mbi ka vengě, mbi ka vengě bulu pa.
5. Mbi ka dikě ehiki 'kolo,  
 Mbi valindi, mbi valind' o wahu hěvėn.  
 Mbi ka duandi upeyo oba,  
 O pwanja 'Nyambě n' Uyongi mwamě.  
 Mbi ndi mwěngi na utamuwi,  
 Mbi ya yâjâ, mbi ka yâjâ wahu hěvėn.

## VIEMBO 70.

1. Ka pakwakii sango amě  
 O betomba bia he biěpi,  
 A ka kamidě a nyange,  
 Ka měnd' a kamid' a yonge.

2. Mbi ka levidět' inyěni,  
N' inyi wa suli sango amě,  
Na nyanga 'mě e di hango,  
Na nyanga 'nyu e ka haiě.
  
3. Ka yongakěni bebědi,  
Ka věngěkiděni děvil,  
O bangakeni elombo,  
Tombe Ju ba kilaka mba.
  
4. Yokwakiděni betomba,  
Mbi, n' inyěn' egombe yěpi,  
Ngudi yěpi e nd' eamě,  
Kwanga na he ka hukiě.
  
5. A kalakindi nonaně,  
Na bwe 'něně na panyaka :  
Ba masěi ba kalaki  
Opéla 'hekwě y' Anyambě.

## VIEMBO 71.

1. Banděmbě yokolakiděni Jehova,  
Yokakiateni ndaga 'ju ya 'hekwě,  
Vahaka pwanja 'ju n' ulema mwehěpi,  
Pundaka ivaha, vâkân' o duindi.

ITIMBIA. Yokolakiděni Kraist a di vângo na bana;  
Mwan' amě vėkě mba ebumulem' âve.

2. Méměkě ipulě jěhěpi na ngěbě,  
 Uwaka iyidě o pělě ya Jisus,  
 A tâki makia ivango ja babe,  
 Na mwa ndi tēměngo inângâ j' inyēni.

## VIEMBO 72.

1. Mbi ndi mwěngi o he,  
 Wahu ndi hěvěn.  
 Ono ndi 'bâga pa,  
 Wahu ndi hěvěn.  
 Jângâ na ngěbě ta,  
 Be lwanakidi mba,  
 O ehiki tēkae ;  
 Wahu ndi hěvěn.
2. Tomb' ukudi mwa pâ ;  
 Wahu ndi hěvěn.  
 Tungu amě e bě bo ;  
 Wahu ndi hěvěn.  
 Tombet' upupe tâ,  
 U ka mayandi kya,  
 Mbi ka pādwěndi bwam ;  
 Wahu ndi hěvěn.
3. Piělě n' Uyongi de ;  
 Wahu ndi hěvěn,-  
 Mbi ka yěnudwi mbya :  
 Wahu ndi hěvěn.

Ovon' o na baiam,  
 Ba pânwěngo na Kraist ;  
 Mbi ka pând' oba kya ;  
 Wahu ndi hěvěn.

## VIEMBO 73.

1. Jisus, Uhungini, yěněkě mba ngěbě,  
 Yokaka mba umbi yakě âvě ojadi,  
 Mbi ndi na ebumulema ebe mětě,  
 E ndi ti na bobě o pělě jěhěpi.
2. Mba yâlě o panga yâ bwamu na 'puhu,  
 Sâsâ tukaka mba na makia mâvě ;  
 Jisus, Uhungini, yěněkě mba ngěbě,  
 Yokaka mba umbi yakě âvě ojadi.
3. Njângě o mepuma mbi na bobě boitě,  
 Na mbi bembindi yaviděngo na nâvě,  
 Oningě mbi yějěkě o ha njea 'vě,  
 Bobě boitě bo ndi ebumulema 'mě.
4. Nja ka haně mba ? Nja ka věyě mba jonga,  
 Oningě o věye mba ihana jâvě ?  
 Jisus, Uhungini, yěněkě mba ngěbě,  
 Yokaka mba umbi yakě âvě ojadi.
5. Tombete mba yâlě o dika ipulě,  
 Ndi o ka yâlěte o ha mba botano  
 Na makia mâvě, ma hovakiedi  
 Âvě o wakidi o pělě ya babe.

6. Âvé o tândâkidi na wa nonaně,  
 Wa vâye na umba na mbi vëngëmékě.  
 Jisus, Uyongi, o ka yëně mba ngěbě,  
 Yongake mba umbi yakě âvé ojadi.

## VIEMBO 74.

1. O diake n' Anyambě  
 Epâkwě kab' umba :  
 O hakepě ugano,  
 Ikalialia jaju.
2. O tubake o naně  
 Dina ja Jehova :  
 Yongakidě iyájâ,  
 Itata jaju bwam.
3. Hekakidě bahângwě :  
 O weake moto :  
 O diake n' ihonde :  
 O ibake tepě.
4. O velakie moto :  
 Na o tânginake :  
 Ekabe ndi bia 'Nyambě  
 Be lekanakidi.

## VIEMBO 75.

1. Banabina, okani we  
 Na joi na melema ta,  
 Ho tumbwakidě Anyambě  
 Viembo via madikanido.



2. Tombe ho latepě o he,  
 O na uhěkě 'yamu wa,  
 Ovoně, mbembe, ngěbě pa,  
 Ho ka latanii na mbya.

## VIEMBO 76.

1. O yonyakěni bana,  
 Mbwei anyu a ndi Kraist,  
 O yonyakěni bana,  
 Mbwei anyu a ndi Kraist.  
 A ka yâdidénd' inyěni,  
 A ka tati tepě inyěni,  
 Tombete nal' ihuk'.
- ITIMBIA. Mbi peyakě mětě, nana  
 Mbi nd' o ndumba ya Anyambě,  
 Mbi ka yani opěle 'ju,  
 A wakid' o Kalvari.
2. Yanaka, sâj' ihâlě,  
 O ka bali mbambae,  
 Yanaka sâj' ihâlě,  
 O ka bali mbambae,  
 Kabojana Uhungini,  
 A ndi utumbwani mwanyu,  
 Na balindi o krâs.
3. O 'duka e ka maiě,  
 O boho bwaju de,  
 O 'duka e ka maiě,  
 O boho bwaju de,

Nyëni o ka tumbudëndi  
 Lembo la 'gombe yéhëpi,  
 O Kenan 'hik' eam.

## VIEMBO 77.

1. Upangii u pândini,  
 He e peyakeni,  
 He e vëhëlëkidëni  
 Upolo mwaju 'yam.
2. Jisus a pangakiandi,  
 He e peyakeni,  
 Bato ba tumbwakidëni  
 Viembo viaju viam.
3. Bobe bo vuhahepëni,  
 Ngëb' é patwake he,  
 A pând' o he ahu ebe,  
 Ka vambi' ibâtâ.
4. A pangakii mëtë he,  
 Na 'hekwë na mbambaë,  
 N' ivenda ja bwamu bwaju,  
 Na itândë jaju.

## VIEMBO 78.

1. Ukil' uhâlë ono he,  
 Vâkâna ho valindi,  
 O wahu iyënë ja mbya,  
 O 'hiki ya ivenda.

ITIMBIA. Ivenda, ivenda,  
O na iboko twět wâ hěvĕn,  
Via běhĕpi ivenda.

2. O hwě ho di tongwĕngo he,  
Ndo heba e ka lāngwĕ,  
Ho ka lĭ ka latana Kraist,  
Ka dia na ju ivĕnda.

3. Ho ka yĕni tepĕ baiaam  
Oba, wahu y' ivenda,  
Ba di na hwě latango ta,  
O lembo la ivenda.

4. Kweakani ovia hĕl,  
O ti n' iboko oba,  
Uhwaka mabe manyu pwo,  
Ka duwa wanyu ivenda.

## VIEMBO 79.

1. O bĕnĕ dina 'yam o he,  
I bĕpĕ tepĕ oba,  
Ka dina i vĕwĕngo Kraist  
Uyongi mwahu, Jisus.

ITIMBIA. Ho tumbwakid' Upolo de,  
. Ho vangidĕ mĕ Jisus,  
O bĕnĕ ndaga 'yam o he,  
Ka dina jaju Jisus.

2. Yina 'ju e vanganudwi,  
Jisus, ndi, "Kabojana  
A ka yongi bato baju,  
Ovia bobe bwabu."
3. O bënë dina 'pâkwâ he  
I di vëwëngo bato,  
Kabo dina ja Jisus pa,  
Ijahu ka yonganë.
4. Ho tândâke dinatë wa,  
Na o kamidë tepë ;  
Vâkâna o pwanja 'ju hëvën,  
Ho ka tumbudi Jisus.

## VIEMBO 80.

1. Jisus Kraist, uhaii mwâvë  
A ndi na mehio bya,  
Sâsâ yokak' ikalia ;  
Yongakë mâ.
2. Jisus Kraist, o te yowëngo  
Ngëbë jëhëpi ja he,  
Ho hâhâlâkidënd' âvë,  
Yongakë mâ.
3. Jisus Kraist, itândë jâvë  
I yënëkidë mâ mbya,  
Nyëvëkid' ulema mwaju,  
Yongakë mâ.

4. Jisus Kraist, oning' uhail  
Umwâvê mwa la ka wa,  
Opêl etunia âvê,  
Yongakê mâ.
5. Jisus Kraist, upango mwâvê  
U hamake, ho ndi dâ,  
Diak' uwaju iwedo,  
Yongakê mâ.

## VIEMBO 81.

1. O na ehik' eam,  
Yaviděngo,  
O baïam ba jadi,  
Bwe ka mwehe.  
Ba tumbwakidě, na,  
Uyong' u ndi weango,  
Betakěni moi,  
Bendakěni.
2. Vaka o 'hik' eam,  
Vaka, vaka,  
O tēměk' lě na nde?  
O himbake.  
Upeyu n' utambo,  
O bobe bo ka maiě,  
Ho ka di' n' Anyambě,  
Mbya eněně.

3. Mihâ ma panyakě,  
     O 'hik' eam ;  
 Itândě ja waka  
     Na 'nâ 'Nyambě.  
 Kěkě o ivenda,  
 Pahakia koroa  
 E kebakě joba,  
     Na ivenda.

## VIEMBO 82.

1. O itamua n' Anyambě,  
     O ulema ueam ;  
 O njea apangakě bwe  
     Na la Mwan' Udâmbě.
2. Mbia o lâvě mbi yěni  
     O boho n' Anyambě ?  
 Ijěvidě ja Jisus na  
     Ndaga jaju tepě ?
3. Mbi yongiděndi mavěla,  
     Ma hwě, ma tombidě !  
 Ndi ma dikidě mb' ivaha,  
     Jahe ka londaka
4. Timbaka Ilina Iam,  
     Ulomi mwi yâdyâ ;  
 Mbi benaki babe bwaniě,  
     Bo valakid' âvě.

5. Ugana mwēhēpi ūeam,  
Mbi madilakēndi,  
Hanaka nda mbi vēngid' mā,  
Ka ilē kab' āvē.
6. Nonanē mbi ka tamua,  
N' Anyambē bwam na whē ;  
Nonanē bwē e ka pangē  
Na la mwan' udāmbē.

## VIEMBO 83.

1. Nja di ka Jisus y' venda,  
Upolo mwahu' nēnē  
A vēke yol' aju mwambo,  
Iyonga ja hwē o bato  
Yongakidē ;  
O behalakidē we.
2. Nja di ka Jisus y' ivenda ?  
A ka pādwe te mwēla,  
O ngudi na ba bonēnē ;  
Tepē n' ivenda jaju ?  
A pādwe we ;  
O behalakidē we.
3. Nja di ka Jisus y' ivenda,  
Uyongē mwa bēhēpi ;  
Ba pitakidē kabo mā,  
A vangwaki tepē whē :  
Mamanaka !  
Egombe yēhēpi we.

4. Nja di ka Jisus y' ivenda,  
 Iwedo jaju jâkâ,  
 O ka yongëte behepi  
 Ba ka vahë iyongwë ;  
 O yokindi ?  
 O behalakidë we.

## VIEMBO 84.

1. Dina ja Jisus i nd' iam  
 O matâ mwa krisson !  
 I hwëmidë ngëbë jaju,  
 Na vëngidë jângâ.
2. I yongak' ivengi jaju,  
 I vâtâki njuki ;  
 I ndi man' ilina ja nja,  
 O ikâmbâ yâjâ.
3. Ilale mbi longakië,—  
 Dina i tândâke,—  
 Ngub' amë, n' Ihawe, kundu  
 Ya 'hekw' e ehama'kia.
4. Jisus ! utati ! na Mbwei !  
 Prâfet ! Prist ! n'Upolo !  
 Upangii ! 'Menâ ! Njea !  
 Kwak' ibenda jame.
5. Ebumulema evâhâ ;  
 Ipivia i tâ,  
 Ndi umba mbi ka yen' âvë,  
 Mbi ka bend âve bwam.



6. Kabo umba mbi kâ kalě  
 O pěl itândě jâvě ;  
 Ibeka ja dina jâvě,  
 I to panga mbi 'wedo.

## VIEMBO 85.

1. Hilakěni mwěng' ubiâ !  
 A tinakiděndi ka 'vio :  
 A ngitě a vengakidě ;  
 Wa bevi upakwě kakaně.
2. A tēměng' omě n' itândě,  
 Na makadu ma makia.  
 A levakiděndi kěngâ,  
 Kěngâ tē ọ ndoba jaju !
3. Nd' a te mboi ahu mětě ?  
 E eahu evahakě ;  
 Mâ nd' i mbwe ya bato babe,  
 Bâtâng' ibâtâ y' iveu.
4. Umwaka bendaki mâni ;  
 Pumakěni ndoba dyadiu,  
 Ndobâ tēkadi ndi bobē,  
 Ngakidi mwěngi mwa oba.
5. Ngakidě mâ bang' abina ;  
 A valingě a timbepě ;  
 Ngakideni mâni pâni,  
 O banga wa yenyani.

## VIEMBO 86.

1. Bana bina wha la tepě,  
     Uhěkě mwa kenan ;  
     Ho ka latina hekwa Kraist ;  
     Ipalwanid' ihabě  
     Ivend', ivend' Haliluya !  
     O'gombe yěhěpi.
2. Jisus A pangakiandi,  
     U 'hěkě mwa kenan ;  
     Ivend', ivend' Haliluya,  
     O'gombe yěhěpi.  
     Bendakěni bendakěni  
     Ogombe yěhěpi.

## DOXOLOGIES.

C. M.

Bendake Hangwe uveli,  
     Na Mwana nyongi,  
     N' Ilin' Iam nyěvidi ;  
     Bendakě běhěpi.

C. M.

Hangwě ndi uveli mwahu,  
     Mwana ndi uyongi,  
     Uyěvidi ndi Ilina,  
     Bendakě bani ta.

L. M.

Bendake Anyambe ohe ;  
     O bwamu bwaju bwěhěpi,  
     Bendake tepě mâ oba,  
     Hangwě Mwana n' Ilin' Iam











